











# তীর্থরেণু

কবি সত্যেন্দ্রনাথ দত্ত

আর, এইচ, শ্রীমানী এণ্ড সন্স  
২০৪নং কর্ণওয়ালিস স্ট্রীট, কলিকাতা

১৯৪৬

দ্বিতীয় সংস্করণ  
পরিবর্তিত ও পরিমার্জিত  
বৈশাখ, ১৩৫৩ সাল  
দাম : তিন টাকা

প্রচ্ছদপট পরিকল্পনা  
শ্রীহিন্দু রক্ষিত

সর্বস্বত্ত্ব সংরক্ষিত

শ্রীঅজিত শ্রীমানী কর্তৃক ২০৪নং কর্ণওয়ালিস ষ্ট্রট, কলিকাতা হইতে প্রকাশিত এবং শ্রীগৌরচন্দ্র পাল  
কর্তৃক নিউ মহামায়া প্রেস ৬৫।৭নং কলেজ ষ্ট্রট, কলিকাতা হইতে মুদ্রিত ।



বর্ষার নবীন মেঘ এল ধরণীর পূর্কস্বারে,  
বাজাইল বজ্রভেরী ।    ৩ে কবি, দিবে না সাড়া তা'রে  
তোমার নবীন ছন্দে ?    আজিকার কাজরিগাথায়  
ঝুলনের দোলা নাগে ডালে ডালে, পাতায় পাতায় :  
বর্ষে বর্ষে এ দোলায় দিত ভাল তোমার যে বাণী  
বিদ্যুত-নাচন গানে, সে আজি ললাটে কর হানি'  
বিধবার বেশে কেন নিঃশব্দে লুটায় ধূলি-'পরে ?  
আগ্নিনে উৎসব-সাজে শরৎ সুন্দর শুভ্র করে  
শেফালির সাজি নিয়ে দেখা দিবে তোমার অঙ্গনে ;  
প্রতি বর্ষে দিত সে মে শুকরাতে জ্যোৎস্নার চন্দনে  
ভালে তব বরণের ঢাকা ; কবি, আজ হতে সে কি  
বারে বারে আসি' তব শূন্যক্ষে, তোমারে না দেখি'  
উদ্দেশে ঝরায়ে যাবে শিশির-সিক্ত পুষ্পগুলি  
নীরব-সঙ্গীত তব দ্বারে ?

জানি তুমি প্রাণ খুলি'

এ সুন্দরী ধরণীতে ভালবেসেছিলে । .তাই তা'রে  
সাজিয়েছ দিনে দিনে নিত্য নব সঙ্গীতের হারে ।  
অহায়া, অসত্য গত, যত-কিছু অত্যাচার পাপ  
কুটিল কুৎসিত জ্বর, তা'র 'পরে তব অভিশাপ  
বধিয়াছ ক্ষিপ্ৰবেগে অর্জুনের অঘ্নিবাণসম—  
তুমি সত্যবীর, তুমি স্বকঠোর, নিশ্চল, নিশ্চয়,  
করণ, কোমল ।    তুমি বঙ্গ-ভারতীর তন্ত্রী-'পরে  
একটি অপূর্ণ তন্ত্র এসেছিলে পরাবার তবে ।



সে-তজ্জ হয়েছে বাঁধা ; আজ হতে বাণীর উৎসবে  
 তোমার আপন সুর কখনো ধ্বনিবে মন্দ্ররবে,  
 কখনো মঞ্জুল গুঞ্জরণে । বন্ধের অঙ্গনতলে  
 বর্ষা-বসন্তের নৃত্যে বর্ষে বর্ষে উল্লাস উথলে ;  
 সেখা তুমি একে গেলে বর্ণে বর্ণে বিচিত্র রেখায়  
 আলিঙ্গন ; কোকিলের কুহরবে, শিখীর কেকায়  
 দিয়েছ সঙ্গীত তব ; কাননের পল্লবে কুসুম  
 রেখে গেছ আনন্দের হিল্লোল তোমার । বঙ্গভূমে  
 যে তরুণ যাত্রীদল রুদ্ধদ্বার, রাত্রি-অবসানে  
 নিঃশব্দে বাহির হবে নব জীবনের অভিযানে  
 নব নব শব্দটের পথে পথে, তাহাদের লাগি'  
 অন্ধকার নিশীথিনী তুমি, কবি, কাটাইলে জাগি',  
 জয়মাল্য বিরচিয়া—রেখে গেলে গানের পাথেয়  
 বহ্নিতেজে পূর্ণ করি' ; অনাগত যুগের সাথেও  
 ছন্দে ছন্দে নানাস্থত্রে বেঁধে গেলে বন্ধুত্বের ডোর,  
 গ্রন্থি দিলে চিন্ময় বন্ধনে, হে তরুণ বন্ধু মোর,  
 সত্যের পূজারি !

আজো যারা জন্মে নাই তব দেশে,  
 দেখে নাই যাহারা তোমারে, তুমি তাদের উদ্দেশে  
 দেখার অতীত রূপে আপনারে ক'রে গেলে দান  
 দূরকালে । তাহাদের কাছে তুমি নিত্য-গাওয়া গান  
 মুক্তিহীন । কিন্তু, যারা পেয়েছিল প্রত্যক্ষ তোমায়  
 অল্পক্ষণ, তা'রা যা' হারাল তা'র সন্ধান কোথায়,  
 কোথায় সাক্ষনা ? বন্ধু-মিলনের দিনে বারম্বার  
 উৎসব-রসের পাত্র পূর্ণ তুমি করেছ আমার  
 প্রাণে তব, গানে তব, প্রেমে তব, সৌজন্তে, শ্রদ্ধায়,  
 আনন্দের দানে ও গ্রহণে । সেখা, আজ হ'তে, ভায়  
 জানি মনে, ক্ষণে ক্ষণে চমকি' উঠিবে মোর হিয়া  
 তুমি আসো নাই ব'লে ; অকস্মাৎ রহিয়া রহিয়া

করণ স্থতির ছায়া ব্রান করি' দিবে সভাতলে  
আলাপ আলোক হান্ত প্রচ্ছন্ন গভীর অশ্রুজলে !

আজিকে একেলা বসি' শোকের প্রদোষ-অন্ধকারে,  
মৃত্যুতরঙ্গিণীধারা-মুগরিত ভাঙনের ধারে  
তোমাতে শুধাই,—আজি বাধা কি গো ঘুটিল চোখের,  
সুন্দর কি ধরা দিল অনিন্দিত নন্দন-লোকের  
আলোকে সম্মুখে তব, উদয়-শৈলের তলে আজি  
নবসুখ্যবন্দনায় কোথায় ভরিলে তব মাজি  
নব ছন্দে, নূতন আনন্দগানে ? সে গানের স্রব  
লাগিছে আমার কানে অশ্রুসাথে-মিলিত-নধুর  
প্রভাত-আলোকে আজি : আছে তাহে সমাপ্তির বাণী,  
আছে তাহে নবতন আরম্ভের মঙ্গল-বারতা ;  
আছে তাহে ভৈরবীতে বিদায়ের বিমল মূর্চ্ছনা,  
আছে ভৈরবের সুরে মিলনের আসন্ন অর্চনা ।

যে খেয়ার কর্ণধার তোমাতে নিয়েছে সিক্কুপাবে  
আবাড়ের সজল ছায়ায়, তা'র সাথে বারে বারে  
হয়েছে আমার চেনা ; কতবার তারি সারি-গানে  
নিশান্তের নিদ্রা ভেঙে ব্যথায় বেজেছে মোর প্রাণে  
অজানা পথের ডাক, সূর্যাস্তপারের স্বর্ণরেখা  
ইঙ্গিত করেছে মোরে । পুন আজ তা'র সাথে দেখা  
গেছে-ভরা বৃষ্টিঝরা দিনে । সেই মোরে দিল আনি  
ঝরে-পড়া কদম্বের কেশর-সুগন্ধি লিপিখানি  
তব শেষ বিদায়ের । নিয়ে যাব ইহার উত্তর  
নিজ হাতে কবে আমি ওই খেয়া-'পরে করি' ভর—  
না জানি সে কোন্ শান্ত শিউলি-ঝরার গুরুরাতে,  
দক্ষিণের দোলা-লাগা পাখী-জাগা বসন্ত-প্রভাতে,

নব মল্লিকার কোন্ আমন্ত্রণ-দিনে, প্রাণের  
কিল্লিমন্ত্র-সঘন সঙ্ক্যায়, মুখরিত প্রাবনের  
অশান্ত নিশীথ রাত্রে, হেমন্তের দিনান্ত বেলায়  
কুহেলি-গুণ্ঠনতলে ?

ধরণীতে প্রাণের খেলায়  
সংসারের যাত্রাপথে এসেছি তোমার বহু আগে,  
স্বপ্নে দুঃখে চলেছি অপন-মনে ; তুমি অন্তরাগে  
এসেছিলে আমার পশ্চাতে, বাঁশিখানি লয়ে হাতে,  
মুক্ত মনে, দীপ্ত তেজে, ভারতীর বরমালা মাথে ।  
আজ তুমি গেলে আগে ; দরিদ্রীর রাত্রি আর দিন  
তোমা হতে গেল থসি, সর্ব আবরণ করি লীন  
চিরন্তন হোলে তুমি, মর্ত্য কবি, মুহূর্তের মাঝে ।  
গেলে সেই বিশ্বচিত্রলোকে, সেথা স্বগন্তীর বাজে  
অনন্তের বাঁণা, দার শব্দহীন সঙ্গিতধারায়  
ছুটেছে রূপের বহু গ্রহে সূর্যো তারায় তারায় ।  
সেথা তুমি অগ্রজ আমার : যদি কভু দেখা হয়,  
পাশ তবে সেথা তব কোন্ অপরূপ পরিচয়  
কোন্ ছন্দে, কোন্ রূপে ? যেমনি অপূর্ব হোক-নাকো।  
তবু আশা করি, যেন মনের একটি কোণে রাখো,  
ধরণীর ধুলির স্মরণ, লাজে ভয়ে দুঃখে স্থখে  
বিজড়িত,—আশা করি, মর্ত্যজন্মে ছিল তব মুখে  
যে বিনয় স্নিগ্ধ হাস্য, যে স্বচ্ছ সতেজ সরলতা,  
সহজ সত্যের প্রভা, বিরল সংগত শাস্ত কথা,  
তাই দিয়ে আরবার পাই যেন তব অভ্যর্থনা  
অমর্ত্যালোকের দ্বারে,—বার্থ নাহি হোক এ কামনা ।

# উৎসর্গ

আমার পরমারাধ্য পিতৃদেব

স্বর্গীয় রজনীনাথ দত্ত মহাশয়ের

স্মৃতির উদ্দেশে

এই ক্ষুদ্র গ্রন্থ ভক্তির সহিত উৎসর্গীকৃত

হইল।

## প্রথম সংস্করণের ভূমিকা

‘তীর্থরেণু’র কয়েকটি কবিতা ‘ভারতী’ ও ‘প্রবাসী’তে প্রকাশিত হইয়াছিল, বাকী নূতন।

‘তীর্থসলিলে’র ভূমিকায় যে সমস্ত কথা লেখা হইয়াছিল, ‘তীর্থরেণু’ সম্বন্ধেও তাহা প্রযোজ্য ; স্বতরাং পুনরুক্তির প্রয়োজন দেখি না।

পরিশেষে, শব্দ-শিল্পী, বর্ণ-তুলিকার বরণীয় কবি, শ্রীযুক্ত অবনীন্দ্রনাথ ঠাকুর মহাশয় এই গ্রন্থের প্রচ্ছদপটের জন্ত তীর্থরেণুর নামটি ফার্মী ছাঁদে লিখিয়া দিয়াছেন, সেজগৎ আমি তাঁহার নিকট কৃতজ্ঞ আছি।

কলিকাতা,  
নবিতা সপ্তমী, ১৩১৭

} -

শ্রীসত্যেন্দ্রনাথ দত্ত

## তুটী

বিষয়	কবিতার প্রথম লাইন	পৃষ্ঠা
‘তীর্থের ধূলি মুঠি মুঠি’	...	(i)
পহেলি—নবীনে প্রবীণে নারী নরে মহামেলা !	...	১
মুকুলের গান—আধার নিশি সে কখন আসিবে,	...	২
বিকাশ-ভিখারী—মুকুল যখন ফাটিয়া ফুটিছে ফুলে,—	...	৩
খোকার আগমনী—রাম ধনুকের রঙীন্ সঁকো দিয়ে	...	৪
ভেলুগু ছড়া—খোকামণি মায়ের গলার মাহুলি !	...	৪
ঘুমপাড়ানি গান—ঘুম যায়রে, ঘুম যায়রে, থোকা ঘুম যায় ;	...	৫
‘অমৃতং বালভাবিতং’—রাজার কথা অটল-সুস্তীর,	...	৬
ঘুম-ভাঙা—আহা, আহা ‘আ-জ’ ! আহা মরে যাই,	...	৭
চিঠি ‘প্রণাম শতকোটি, ঠাকুর ! যে থোকাটি পাঠিয়ে দেছ তুমি মাঝে,	...	৮
অঙ্কুর—কহে অঙ্কুর আধারে মাটির মাঝে,	...	৯
মিশর-মহিমা—মিশরে পুরুষ রণপণ্ডিত, রমণী ধনুর্ধর !	...	১০
স্নেহের নিরিখ—কাঁটায় তুলে তোল করে মহাজনের মাল,	...	১০
নীতি-চতুষ্টয়—সিংহশাবক ক্ষুজ্জ হ’লেও মদ-বিমলিন হাতীতে হানে,	...	১১
অনাথ—ও পাড়াটা ঘুরে এলাম কেউ তো নেই,	...	১২
ভুংখ কামার—একে যে আছে কামার নামটি তার ভুংখ ।	...	১৩
নান-পুণ্য—ক্ষুধার সৃষ্টি করে নি দেবতা নরের নিধন তরে,	...	১৪
নববর্ষে—দ্বারে দেবদারু-শাখা,—চিহ্ন অচিন্ পথে ;	...	১৫
বৃক্ষ-বাটিকায়—ঘিরেছে গৃহটি মোর পল্লব-সাগরে,—	....	১৫
দুপুরে—দুপুরে,—সোনার করে ঝাপসা বাতাস ভরে,	...	১৬
গ্রীষ্ম-মধ্যাহ্নে—মধ্যাহ্নে ; গ্রীষ্মের রাজা, মহোচ্চ সে নীলাকাশে বাস’	...	১৬
শিশিরের গান—কাদন আজি হায়, ধ্বনিছে বেহালায় শিশিরের	...	১৮
শীত-সজ্জা—আধার করিয়া হ্রদ গৃহসম ধূসর পাথায়,	...	১৯
মহানগর—মহানগর—মহাসাগর, তরঙ্গ তায় কত,	...	১৯
শিশির ঝাপন—চোটে না ভাই বরফ আজো নড়ছে নাকো দেখে,	...	২০

বিষয়	কবিতার প্রথম লাইন	পৃষ্ঠা
বাসন্তী বর্ষা—	ফুদে' বাদলের জয় হোক ওগো, প্রয়োজন বুঝে ছায় সে ছায়া	২১
চড়ুই—	ছোটো একটি চড়ুই পাখী, ...	২২
বানর—	একটা বানর বসে ছিল সরল গাছের শাখে, ...	২৩
মকু-ষাত্রী—	চলেছে উটের আরোহী চলেছে সীমাহীন প্রান্তরে,	২৪
অমনালা—	চারিদিক দেখে যাও এঁকে বঁেকে ...	২৫
ছোটো খাটো—	ছোট খাটো মেহের ছ'টো কথা, ...	২৫
সাগরের প্রতি—	হে পিন্ধল মত্ত পারাবার, ...	২৬
জিম্—	নিরঞ্জন নিদ্রপুর,—নিকেতন মৃত্যুর ; ...	২৮
দুর্যো অুর্যো—	সুর্যোরণীর দুলাল ! ওরে ! খেয়ে মেখে নে,	৩৩
মহাশয়—	নিতান্ত হিম, অতি নির্জীব, কপাল-অস্থি ওরে,	৩৪
গ্রন্থাগারে—	মৃতের সভায় মোর কাটিছে জীবন ...	৩৫
উচ্চ শিক্ষা—	পুঁথিতে যা' আছে লেখা সে তো শুধু ...	৩৭
'যোগ্য' যোগ্য—	উজ্জল সোনা, রক্ত প্রবাল, ...	৩৭
বাঁকা—	কুকুরের বাঁকা লাজ সোজা হয় নাকো ...	৩৮
কুতর্কিক ও কাঠঠোকরা—	কুতর্কিকের নাহিক প্রভেদ কাঠঠোকরার সঙ্গে, ...	৩৮
অলঙ্করণ—	শুধু যদি দীপ্ত বেশে সন্ধ্যাকাশে ওঠে, ...	৩৯
নব্য অলঙ্কার—	নলিত শব্দের লীলা সকলের আগে কবিতায় ;	৪০
স্বর্ণস্বর্ণ—	দেখিয়াছি তারে মেঘের মাঝারে, ...	৪২
কর্তব্য ও পুরস্কার-লোভ—	পুরস্কার-লোভে হয় কর্তব্য কে করে ?	৪২
স্রোতে—	কালিকার আলো ধরিয়া রাখিতে নারি ; ...	৪৩
ভাবের ব্যাপারী—	উৎসব-শেষে অতিথির দল গিয়েছে চ'লে,	৪৪
কবি—	চন্দ্র আমার মনের মাধুষ ! ...	৪৪
সঙ্গীত-মিষ্ট্রির নিবেদন—	ইংলণ্ড ! ইংলণ্ড ! সিদ্ধির গ্রহরী !	৪৫
মেলার ষাত্রী—	চটপট ওঠ ওঠ গো মান্দু ! ...	৪৯
পতঙ্গ ও প্রদীপ—	পতঙ্গ कहিছে 'দীপ ! তুমি দেখ রজ,	৪৯
সঙ্কেত গীতিকা—	ভোর হ'য়ে গেছে, এখনো ছয়ার বন্ধ তোর !	৫০
কৃপা-কার্পণ্য—	অবগুণ্ঠন কর গো মোচন, নিশার আঁধার গিয়েছে ক'য়ে,	৫১

বিষয়	কবিতার প্রথম লাইন	পৃষ্ঠা
শিকারীর গান—মহুয়া গাছের তলে হরিণ চরে,	...	৫২
নারী—নারী নিরমলা, নারী স্নন্দরী, নারী মনোরমা স্বর্গের পরী,		৫২
নৃত্য-গীতিকা—গোটা গোটা উঠল ফুটে জাল-তু-মোতির ফুল,		৫৩
মন যারে চায়—কাকের ও কোলাহল চাইনে,	...	৫৩
বসন্তের প্রত্যাবর্তন—কিরণে ঝলমল অগাধ নীল জল,	...	৫৪
প্রেমিক ও প্রেমহীন—ভাল যারা বাসে শুধু তারা ভাল থাকে ;		৫৪
“বৌ-দিদি”—বৌ-দিদি চাম্ ? বোনট আমার,	...	৫৫
ভালবাসার সামগ্রী—ভালবাসি হাসি ভরা বসন্ত মধুর,	...	৫৬
অতুলন—প্রজাপতিগুলি খেলিয়া ফিরিছে পাথার ভরে,	...	৫৭
সন্ধ্যার স্মরণ—ওই গো সন্ধ্যা আসিছে আবার, স্পন্দিত-সচেতন		৫৮
কৌশলী—শয্যা গ্রহণ করিয়া রহিব পড়িয়া ঘরে,	...	৫৮
নীলব প্রেম—পাপিয়ার তান না ফুরাতে, রবি, সহসা যেমন ‘ক’রে		৫৯
প্রথম সম্ভাষণ—কতবার ভেবেছি গো, ভগবান নিজ করুণায়,		৫৯
মুগ্ধ—নীল আকাশের বিমল বিভাতে তোমাতেই শুধু দেখি, কিশোরী !		৬০
প্রেম-পত্রিকা—প্রকৃতি-মধুরা, মুখে হাসি ভঁরা, ভিতরে বাহিরে মধু !		৬০
ব্রাহ্মী গান—মেঘর নয়ন মেঘের মতন,	...	৬১
সাধ—তোমার ছায়ায় দ্বারী হ’তে পেলো আমি তো ভাই কিছু না চাই,		৬২
সঙ্কোচ—ভালবাসি তারে প্রাণপণ ভালবাসা,	...	৬৩
দুঃসহ দুঃখ—চাঁদের নৌকা ভাসিয়া চলেছে শৈল-শিখর ‘পরে		৬৩
চাঁদের লোভ—অবশ্যই ঘুচাও, রূপের আলোকে ভুবন ভরিয়া দাও,		৬৪
তবু—তবু মোরে হ’ল না প্রত্যয় !	...	৬৫
উপদেশ—কথা শোন, বুল্‌বুলি ! দিন কিনে নে রে বসন্ত !		৬৫
নিষ্ফলারম্ভ—মৃণালের লাগি কঁাদিছে মরাল কাতরে বিদায় কালে,		৬৬
শুশ্রূষা—হিয়ার মাঝারে প্রাণ কঁাদে মোর	...	৬৭
অভ্যর্থনা—পদ্মে রচিয়া বন্দন-মালা ছায়া না তোরণে দোলায়ে,		৬৭
সন্ধ্যার পূর্ব—ওগো ! দিনের নাবাল ভূঁয়ে,	...	৬৮
অসাধ্য-সাধন—দেহ-বিমুক্ত আত্মা দেখিবে ?—	...	৬৮
গান—নয়নে নয়ন রাখ গো—হাতখানি রাখ হাতে,	...	৬৯



বিষয়	কবিতার প্রথম লাইন	পৃষ্ঠা
খেয়ালির প্রেম—ওগো রাগী!	দাস পড়িয়াছে বাঁধা তোমার চুলের শিকল-	
	জাল, ...	৭০
স্বপ্নভানের প্রেম—ছিন্ন কলিজা পলিতা হ'য়েছে,	হাসির আশ্রয় লাগিয়ে	
	দাও, ...	৭১
প্রেমের অভ্যুত্থান—হাজারটা মন থাকত যদি সব কটা মন দিয়ে,		৭২
অদৃষ্ট ও প্রেম—অদৃষ্ট শাসন করে নিখিল ভুবনে,	...	৭২
মনের মানুষ—সিন্ধু-শকুন শুভ্র পাখা হেলিয়ে চ'লে যায়	...	৭৩
বন-গীতি—তেতে যখন উঠছে কোঠা, যায় না ঘরে টেকা,		৭৩
মিলনানন্দ—যখনি তাহারে আসিতে দেখিতে পাই,	...	৭৪
লুকা—আহা রাই আমাদের শক্ত মেয়ে,	...	৭৫
মনোজ্ঞা—তোমার মনে মতন হইতে কি যে ছিল প্রয়োজন,		৭৬
বিদেশী—স্বপনের শেষে আঁখি কচালিয়া কি দেখিছ আহা মরি!		৭৬
প্রেম-তত্ত্ব—এই ভালবাসা, এই সেই প্রেম, স্বর্গের সুখ মর্ত্যে পাওয়া,		৭৭
'প্রেম'—গানটি ফুরাইলে যদি না মনে লয় এমন গুনি নাই জীবনে,		৭৭
বিদায় ক্ষণে—উটের সহিস সাড়া দিয়ে গেল পড়ে গেল হাঁকাহাঁকি,		৭৮
স্বপ্নাভীত—হুলেছিল অচিন্ পাখী এই ডালের এই ফেঁকড়িতে,		৭৯
বাসন্তী স্নেহ—আমার আঁধার ঘরে, রাতে এসেছিল হাঙ্কা বাতাস ফান্সনী		
	লীলাভরে ! ...	৭৯
বর্ষার কবিতা—কেমন হ'য়েছে মন,—মনে নাহি সুখ, ...		৮১
পথিক-বধু—দুয়ারের পানে সতত চাহিয়া থাকি,	...	৮২
ভাবাসুর—ভাল রীতি তব ওহে ভালবাসা ! রয়েছ আমারে ভুলে !		৮২
'তাজা-বে-তাজা'—গাও, কবি ! গাও, কর বিরচন	...	৮৪
উড়ো পাখী—আপন হৃদে আপনি আছি মরম ব্যথায় মর্মে মরি'		৮৬
একা—গোলাপ এখনো রাঙা আশ্রনের মত !	...	৮৬
পতিতার প্রতি—চঞ্চল হ'য়ে উঠিস্নে তুই, ওরে,	...	৮৮
সাকীর প্রতি—বিষয় হ'য়োনা সাকী হ'য়োনা মলিন,	...	৮৯
আপান-গীতি—রাঙিয়ে স্বচ্ছ কাচের গলাস !	...	৮৯
বহুস্রোতে—সেও তো এমনি এক বিহ্বল প্রাণে	...	৯০

বিষয়	কবিতার প্রথম লাইন	পৃষ্ঠা
আত্মঘাতিনী—আরেক দুর্ভাগিনী গেছে সংসার থেকে, ...		৯০
বন্ধন-দুঃখ—পিঞ্জর গড়ি' গোলাপের শাখা দিয়ে ...		৯১
জ্ঞান পাগী—হৃদয় সে হ'ল দর্পন আপনার, ...		৯৫
মনিহারী—রক্ত আলো মিলিয়ে গেল ইতস্ততঃ ক'রে, ...		৯৬
নয়ন জলের আজিম—হাজারটা হাত আড়ষ্ট হিম কাজের বিষম গুঁতাতে, ...		৯৬
বাল-বিধবা—আমার স্বপন, সূতের স্বপন, ...		৯৭
লয়লার প্রতি—তুমি যেথা নাই সে দেশে কেমনে থাকি ?		৯৭
অনুতাপ - আমি তারে ভাল বাসি নাই, তবু, চলে সে গিয়েছে ব'লে		৯৮
ভান্কা—কাণ্ডন এ ঠিক, গগনে আলো না ধরে ; ...		৯৯
নৃত্য-নিমগ্ন—আয় গো ক'নে সবাই মোরা নাচতে যাই,		১০২
সুপ্রভাত—স্বপ্নী ! আমার কাননের ফুল ! ...		১০৩
বিবাহ-মঙ্গল—‘আজ আমাদের বিয়ে বাড়ী !’ কেমন ক'রে জান্নি ভাই ?		১০৪
সাঁওতালি গান—সোনার সাজনি দিছি কিনিয়ে, ...		১০৪
বিবাহান্তে বিদায়—ভাই বোনেতে ছিলাম রে এক মায়ের জঠরে,		১০৫
স্ত্রী ও পুরুষ - স্ত্রী :—নিতাই তুমি বল, ‘ভালবাসি’ আজিকে সুধাই তাই,		১০৫
রণচণ্ডীর গান—পড়ল টানা যমের তাঁতে পড়'বে করে পড়'বে কে !		১০৭
দুঃখ ও সুখ—হৃদয়ের মাঝে পাশাপাশি আছে গুপ্ত দু'খানি ঘর,		১০৯
বসন্তে অশ্রু—নব বসন্ত ডাক দিয়ে গেছে দুয়ারে দুয়ারে, হায়,		১০৯
সৈনিকের গান—শড়্কির মুখে কর্ণ করি আমরা এমন চাষা !		১১০
বীরের ধর্ম—বীরের ধর্মে যা' বলে করিয়ো,—যে কথা যে কাজ পুরুষে সাজে ; ...		১১১
যোদ্ধা জননী—এস বাছা, এস বাপা ! ছলল রে আমার বিদায় দিয়ে তোরে, ...		১১১
দুর্গম-চারী—ফিরে যাও, বল গিয়ে নাবিকের দলে ...		১১৩
বন্দী—বিকল ভাবে বিরস ভাবে সারাদিনমান ...		১১৪
বন্দী সারস—বন্দী সারস দাঁড়িয়ে আছে, ...		১১৫
রণযুধ্য—বীরের মত ম'র্মে পেলে চাইনে কিছু আর, ...		১১৮
নিশানের অর্থ্যাঙ্গ—প্রভু ! নিশি অবসানে শিশিরের সনে		১১৮

বিষয়	কবিতার প্রথম লাইন	পৃষ্ঠা
ক্রান্ত সিপাহী—	চির সহিষ্ণু সাহসী সিপাহী ক্রান্ত চরণ আজ,	১১৯
জুজুগাথা—	“ও রাজপুত্র ! ও বন্ধু ! দেখ চেয়ে !” ...	১২০
মল্লদেব—	যুদ্ধে গেছেন মল্লদেব ! ...	১২১
জাতীয় সঙ্গীত—	অযুত যুগ ধরি’ বিরাজো মহারাজ ! ...	১২৩
নবাব ও গোয়ালিনী—	সহর ছেড়ে সেপাই নিয়ে গুজরাটের এক গাঁয়,	১২৩
জন্মভূমি—	ভ্রদ্ধা রাখিয়া সারাটি জীবন স্বদেশের গোরবে,	১২৫
ফৌজদার—	বিরক্ত বিব্রত ফৌজদার আরামের আরাধনা করে,	১২৫
তৈমুর-স্মরণ—	শিবিরে মোদের দৈব পুরুষ তৈমুর ছিল যবে	১২৭
স্বদেশ—	সাঁচ্চা লোকের স্বদেশ কোথা ? কোথায় গো তার দেশ ?	১২৯
বিপদের দিনে—	বিপদের দিনে হ’স্নে রে মন হ’স্নে নেকো স্রিয়মাণ,	১৩০
পিড়পীঠ—	ওগো কোথা সেই দেশ, কেমন সে দেশ ...	১৩১
ভবিষ্যতের স্বপ্ন—	ভবিষ্যতের তিমির-গর্ভে দেখিলাম ডুব দিয়ে	১৩৩
বিচিত্রকর্ণা—	কাঁটা গুল্মে যে গুলাব ফুটাতে পারে, ...	১৩৩
শুক্ল নিশীথে—	শুক্লা যামিনী প্রসন্ন হ’ল লভিয়া তোমার জ্যোতি,	১৩৪
অলক্ষ্য—	অলক্ষ্যে অচেনা লোক আনে প্রতি ঘরে, ...	১৩৪
পল্লব—	“বোটার বাধন টুটে কোথা চলেছিস্ ছুটে ? ...	১৩৫
স্মৃতি—	যোবনে আমি ভালবাসিতাম সুখাবেশে সুমধুর, ...	১৩৬
দুর্কোষ—	এখনো দুর্কোষ ! জীবন কেটেছে এক সাথে, ...	১৩৭
নশ্ত্র—	আমার ডিবার নশ্ত্র আছে তারি চমৎকার ! ...	১৩৮
অভেদ—	আমরা সবাই ভাই, ...	১৪০
জীবন—	খাবার জন্তে একমুঠো ভাত, শোবার জন্তে একটি কোন,	১৪১
করুণার দান—	বড় ভাল বেসেছিলাম, ওরে ! ...	১৪১
‘কা বার্তা’—	জগৎ ঘুরিয়া দেখিলাম সকল ঠাই, ...	১৪২
খোয়ানো ও খোঁজা—	আপন মায়ের খোঁজে গেছে মা আমার,	১৪২
প্রহরায়—	প্রহরায় দৌছে জেগে বসে আছি,— ...	১৪৩
তিনটি কথা—	মানুষের মনে আমি সঘতনে লিখে যাব তিন বাণী,	১৪৪
বিদায়—	বিদায় ! যে দেশে গেলে ফেরে নাকো আর ...	১৪৫
বেদনার আশ্বাস—	বেদনার মাঝে আছে ওগো আছে সীমাহীন আশ্বাস,	১৪৭

বিষয়	কবিতার প্রথম লাইন	পৃষ্ঠা
মরণ—মরণ,—অরের দাহ অবসানে মুক্ত বাতাসে যাওয়া ;		১৪৭
মায়া—প্রেমিক মরেছে, মরে গেছে প্রিয়া তার	...	১৪৯
নশ্বর—আপনি আপন সমাধি-ভবন নিরমিল যারা রাখিতে দেহ,		১৪৯
ত্রিলোকী—অসীম ষোমেতে সূর্য্য কি কথা বলে ?	...	১৫০
অভিমান—ভাল হ'ত যদি প্রভু কিরুর কিছু না হ'তাম আমি,		১৫২
চির বিচিত্র—জগতের এই নহবৎ-বরে বাণ্যকরের দলে,	...	১৫৩
জিজ্ঞাসা—কে ছুঁয়েছে দু'টি হাতে আকাশের তারা ?	...	১৫৩
বিগ্রহ—নিশীথে আমার এই মন্দির-প্রাঙ্গণে	...	১৫৪
মহাদেব—আমি জলন্ত, আমি জীবন্ত, আমি দেখা দিই অগ্নিক্রপে,		১৫৫
ধর্ম—শাস্ত্রের প্রদীপ নহি, নহি আমি ধর্মের নিশান,	...	১৫৬
শ্রেষ্ঠ ভক্ত—মিঞা আবু বিন্ আদম্,—( তাঁহার বংশ বিশাল হোক. )		১৫৭
আদর্শ যাত্রী—বিশ্বাস তোমার দণ্ড হে যাত্রী নির্ভীক !	...	১৫৮
আনন্দ-বাণী—হৃদয়ের সরোবরে নীরবে নিয়ত ভরে'তব প্রেম, হে প্রেম নিলয় !	... ..	১৫৯
সাধু—অস্তর নিরমল, বচন রসাল,	...	১৬১
ঋণী ঠাকুর—নারায়ণ দেউলিয়া এইবার !	...	১৬১
প্রার্থনা—মনসা কাঁটার শুভ স্মনস্ ! আমারে কর গো বুড়া,		১৬২
প্রার্থনা—হে দেবী পৃথিবী, ওগো পিতামহী দেহ আয়ু, দেহ বল ;		১৬২
প্রার্থনা—অনন্ত-ধোবন, প্রভু, আকাশের রাজা !	...	১৬৩
প্রার্থনা—তুমি মাঝে মাঝে দণ্ড যা' দণ্ড দয়াময় প্রভু মোর,		১৬৩
প্রার্থনা—কিসে শুভ কিসে অশুভ আমার কিছুই বুঝিনে প্রভু !		১৬৩
প্রার্থনা—হে প্রভু ! আমার চরণ ক্লান্ত এই পথখানি এসে ;		১৬৪
রহস্যময়—তোমার আলোকে সৃষ্টি দেখেছি,	...	১৬৪
সায়ুজ্য-সাধনা—মনোমন্দির প্রাণেশের লাগি' কর সম্বার্কজন,		১৬৬
কামনা—কাছে কাছে সদা রহিব তোমার এই শুধু মোর সাধ,		১৬৬
প্রিয়তমের প্রতি—ভাবনার ভারে ওগো প্রিয়তম হ'য়েছি কুঁজা,		১৬৭
বিরহী—কেমন উপায় করি ভেটিতে তোমায়,	...	১৬৭
বিচারপ্রার্থী—দয়ালীনে দণ্ড দিতে তুমি আছ, হরি !	...	১৬৮

বিষয়	কবিতার প্রথম লাইন	পৃষ্ঠা
শুভ যাত্রা—	প্রভুরে তোর স্বরণ ক'রে যাত্রা করিস্ মন ! ...	১৬৮
বিরহী—	গংসার হ'তে এবার আমার গালিচা শুটায় তুলিব কাঁধে,	১৬৯
প্রেম নির্মালা—	মধুর মদির মত্ততা এস, এস তুমি ভালবাসা,	১৭০
দর্বেশের ঘূর্ণি নৃত্য—	দাও ঘুরপাক জ্ঞান ঘুচে যাক, ঘুরক মাথা,	১৭০
আমি—	আমি ইসলাম, আমিই কাকের, আমিই ঘোরাই চক্রতারা !	১৭২
প্রেমের ঠাকুর—	নিত্য নাহিলে হরি যদি মিলে জলজন্তু তো আছে,	১৭৩
ভোলামনের প্রতি—	কি রে মন তুই কপাময় নাথে রয়েছিস্ নাকি ভুলে,	১৭৪
পূজার পুষ্প—	হাত দিয়া তুলিব না, পরশে দূষিত হ'বে ফুল,	১৭৪
দুঃখলোপী মিলন—	প্রভু ! আমি কেমনে বুঝাব আমার সে প্রাণের বেদন ? ...	১৭৫
পূর্ণ-মিলন—	চেয়ে থাক, চেয়ে থাক ; চেয়ে, চেয়ে, চেয়ে,—	১৭৫
আমার দেবতা—	মৃত্তিকা ছানি' আমার দেবতা গড়েনি কুস্তকার,	১৭৬
সে—	বনে, প্রান্তরে শৈল-শিখরে সে আছে সীমার পারে, ...	১৭৬
মনোদেবতা—	জাগিলে যে দূরে, ঘুমালে নিকটে, স্বপনে ফুটায় চোখ,	১৭৭
প্রাণ দেবতা—	নিখিল ভুবন বশে যার সেই প্রাণেরে নমস্কার,	১৭৮
বহুরূপ—	অগ্নি যেমন ভুবনে প্রবেশি' ...	১৭৮
তুমি—	তুমি নর, তুমি নারী,— ...	১৭৯
ব্রহ্ম প্রবেশ—	নিজ তম্বু হ'তে তন্তু সৃজিয়া উর্নাতের মত,	১৮০
মৌন—	বচন হারায়ে বসে আছি আমি বন্ধ ক'রেছি গান,	১৮১
শির্গি—	কবি মনোমীর বন্দনা গীতি, সাধু সন্তের ভাষা, ...	১৮১
রহস্য-কুক্ষিকা	... ..	১৮৩
কবি-পরিচয়	... ..	১৮৩

پہلے سہ آج

“তোমার এই অনুবাদগুলি যেন জন্মান্তর প্রাপ্তি—আত্মা এক দেহ হইতে  
অন্য দেহে সঞ্চারিত হইয়াছে—ইহা শিল্পকাৰ্য্য নহে, ইহা সৃষ্টিকার্য্য।”

—রবীন্দ্রনাথ ঠাকুর

তীর্থের ধূলি মুঠি মুঠি তুলি'  
করিয়াছি এক ঠাই,  
বিশ্ব-বীণার তারে তারে তারে  
পরশ বুলায়ে যাই ;  
প্রাচীন দিনের আচিন্ জনের  
কুড়াই বিভূতি রাশি,  
মৃত কবিদের অমৃত অশ্রু  
বকুল-স্মরণি হাগি !

রোলি, পবিত্রী, ঠুমরা এনেছি,  
এনেছি স্বর্ণ-মাখি,  
শ্রাগ-বিন্দু কি রামরজ,—আগি  
কিছুই রাখি নি বাকি :  
কাগ্য কাজল, সতী সিন্দুর—  
এনেছি ভিক্ষা মাগি',  
আশা-পুরী ধূপ এনেছি বঙ্গ—  
ভাষার পূজার লাগি ।

হরি-বিরহিনী ব্রজ গোপিনীর  
খিন্ন তনুর শেষ—  
এনেছি গো সেই গোপীচন্দন,—  
জুড়াতে মরম দেশ !  
অশ্রু-হাসির অভ্র আবীর  
এনেছি যতন করে,  
সরস্বতীর চরণ সরোজে  
অর্ঘ্য দিবার তরে ।



( ii )

ধরার আঁচলে আঁখিজল কা'রা  
মুছেছিল ব্যথা স'য়ে,  
অতীত দিনের অশ্রু, হের গো,  
রয়েছে অশ্রু চ'য়ে !  
অতীত ফলের পুলকে অরুণ  
হ'য়েছে আবীর গুলি,  
আবীর গভীর পুলকের স্মৃতি,—  
হরষ হাসির ধূলি !

বহুবাহীর চরণে নিবেদি  
অশ্রু-আবীর রাশি,  
অঞ্জলি দিই নিখিল কবির  
আকুল অশ্রু হাসি ;  
আমার অশ্রু আমার পুলক  
তারি সাথে যায় মিশে,  
খুঁজি না; বাছি না, ঘুষি না, কেবল  
চেয়ে থাকি অনিমিষে ।

আমার বীণা সে ধন্য আজিকে  
সকল স্বরেতে বেজে,  
নাড়া পেয়ে তার সকল তন্ত্রী  
নিঃশেষে ওঠে নেচে !  
নিখিল কবির নিশ্বাসে তের  
ভরিয়া উঠেছে বেণু,  
ভাব-নগরীর ভাবের ব্যাপারী  
বিতরি তীর্থ-বেণু ।

---

# তীর্থরেণু

## পহেলি

নবীনে প্রবীণে নারী নরে মহামেলা !  
বাঁশী সিতারের মিলিত সুরের খেলা !  
ঝঙ্কারে, তানে, শিঞ্জনে কোলাকুলি,  
গোল না বাধায় ঠেকার যে বোল্‌গুলি ।  
'সোদর সিনেহ' সুষমায় ভরে গেহ,  
তুষ্ট হৃদয় চির নিরাময় দেহ ;  
মিলনের আলো জ্বলিয়াছে মন্দিরে,  
শিশু হাসি ঘিরে পুরাতন পৃথিবীরে ।

শি-কিং গ্রন্থ ।

---

## মুকুলের গান

আঁধার নিশি সে কখন আসিবে,

আঁধারে আর্দ্র নিশাস ফেলে ?

সবুজ ঘোমটা কবে শিথিলিবে ?

অনতিশীতল শিশির ঢেলে !

প্রতি সাঁঝে আসে একটি বালিকা

মোরা তারে ভীল বাসি গো বাসি,

মোদেরি 'পরে সে যতনে বরষে

সেচন ঘটের মুকুতা রাশি !

হৃদে তার আধ মায়ের মমতা

পিপাসার মত আকুলি' উঠে,

চেয়ে ফিরে ফিরে বলে ধীরে ধীরে,—

“আজো একটিও ওঠেনি ফুটে !”

কখন আসিবে আঁধার রাত

আঁধারে আর্দ্র নিশাস ফেলে ?

অবগুণ্ঠন ঘুচাবে কখন ?

নিশীথ-শীতল শিশির ঢেলে !

আল্‌বার্ট গায়্‌গার ।

## বিকাশ-ভিখারী

মুকুল যখন ফাটিয়া ফুটিছে ফুলে,—

ভরিছে ভুবন তপ্ত ভান্নুর করে,—

বিকাশ-ভিখারী অশরীরী কোন্ শিশু

মোর হিয়া মাঝে ঝাঁদে ওগো সকাতরে !

কহে সে “তুমি তো পুলকে ভ্রমিছ একা,

শস্যের ক্ষেতে, গোলাপের উপবনে,

মোর যে এখনো হয়নি জগৎ দেখা,

রেখেছ ক্ষুধিত, সে কথা কি নাই মনে ?

মিনতি রাখ গো, ভিখারীর মুখ চাও,

কত আর রব বিকাশের পথ চেয়ে ?

প্রসন্ন হও, প্রকাশিত হতে দাও,

তুমিও হরষে—দেখিয়ো—উঠিবে গেয়ে ।

নাহুস-নুহুস হাত আমি একখানি,—

স্বপনের ঘোরে খুসী হও যারে চুমি ;

পীযুষ-লুক দুটি কচি ঠোট আমি,—

তৃষিত রয়েছি, তৃপ্ত কর গো তুমি ।

আমি চাই তোর সঙ্গী দোসর হ’তে,

ছোট হই—বশ ক’রে নিতে জানি মন ;

আমার ভাষাটি শিখাব নানান্ মতে,

অফুরান্ কথা কহিব অনুরূপ ।

তীর্থ রেণু

কি দেখিছ, হায়, বাহিরে ফুলের বনে ?

দেখ, চেয়ে দেখ ভিতরে কি শূন্যতা !

দেখ গো হৃদয় পূরিছে কি ক্রন্দনে !

বিকাশ-ভিখারী কাঁদিছে ! যুচাও ব্যথা ।”

অ্যাগ্নেন্ মায়েগেল

## খোকার আগমনী

রামধনুকের রঙীন্ সঁাকো দিয়ে

নাম্ন কে গো সটান্ স্বর্গ থেকে !

মুখে মুঠায় সোহাগ-সুধা নিয়ে

উজল চোখে স্নেহের কাজল এঁকে !

এগিয়ে তারে ছান্ দেবতা কত,—

কতই পরী নাইক লেখাজোখা !

পথ চেয়ে তার রয়েছে লোক যত,

বাছনি ! আনন্দ ছলল ! খোকা !

ক্যাপলন

## তেলুগু ছড়া

খোকামনি মায়ের গলার মাছুলি !

খোকামনির বোটি হ'ল কুঁছুলি !

কুঁছুলিকে খোকা সাহেব কোণে দিলেন ঠেসে,

কুঁছুলিকে নিয়ে গেল খাঁক্‌শিয়ালি এসে !

# ঘুমপাড়ানি গান

( কসাক্ )

ঘুম যায়রে, ঘুম যায়রে, খোকা ঘুম যায় ;  
চাঁদ দেখতে চাঁদ উঠেছে নীল আকাশের গায় !  
ভয় নেই রে মূদ্র নাকো আমি আঁখির পাত,  
চৌকি দিয়ে মানৎ মেনে কাটিয়ে দেব রাত ।

আয় ঘুম আয় !

টেরেক্ নদী টগ্‌বগিয়ে টাট্টু ঘোড়ার মত  
গণ্ডশিলার উপর দিয়ে ছুটছে অবিরত ;  
রাখছে ঘাঁটি ক্রুদ্ধ কসাক্, তলোয়ারে তার হাত,  
চৌকি দিয়ে মানৎ মেনে কাটাই আমি রাত ।

আয় ঘুম আয় !

খোকা রে তুই বেটাছেলে, বেটাছেলের দল  
ছিনিয়ে নিয়ে যাবে তোরে, পড়বে চোখের জল ।  
ঘোড়ায় চড়ে কোন্‌ সূদূরে যাবি তাদের সাথে !  
মাথা খুঁড়ে মানৎ মেনে কাটবে আমার রাত ।

আয় ঘুম আয় !

কসাক্ বংশে জন্ম তোমার, কঠিন তোমার প্রাণ,  
মনের মধ্যে তবুও আছে মায়ের প্রতি টান ;  
লড়াই তবু বাধ্‌লে, খোকা, ছুটবি অকস্মাৎ,  
মাথা খুঁড়ে, মানৎ মেনে, কাটবে আমার রাত ।

আয় ঘুম আয় !

তীর্থ রেণু

বিদায় বেলায় যখন আমি কর্ব আশীর্বাদ,  
উড়িয়ে নিশান চড়্‌বি ঘোড়ায় হেলিয়ে ডাহিন হাত  
খোকা আমার যুদ্ধে যাবে কঠিন কসাক্ জাত,  
মাথা খুঁড়ে মানৎ মেনে কাটবে আমার রাত ।

আয় ঘুম আয় !

দলের সঙ্গে থাক্‌বি তবু ঠেক্‌বে ফাঁকা ফাঁকা,  
আমায় বাছা, থাক্‌তে হবে এই ঘরেতেই একা ;  
যেথায় থাকিস্ মনে রাখিস্ মায়ের আশীর্বাদ,  
জানিস্ মনে মানৎ মেনে কাটাই আমি রাত ।

আয় ঘুম আয় !

প্রসাদী ফুল দেব আমি সঙ্গেতে তোমার,  
যুদ্ধে গিয়েও মায়ের কথা ভাবিস্ এক একবার ।  
যেখানে যাস্, যেথায় থাকিস্, তোর কিছু নেই ভয়,  
মানৎ মেনে আপদ বলাই কর্ব আমি ক্ষয় ।

আয় ঘুম আয় !

## ‘অমৃতং বালভামিতং’

রাজার কথা অটল-সুগম্ভীর,  
শাস্ত্র-কথা প্রশান্ত উদার ;  
তায়ের কথা নিলয় সে যুক্তির,  
শিশুর কথা ?—পুলক-পারাবার ।

ক্যাপ্‌লন্ ।

## ঘুম-ভাঙা

( তামিল ছড়া )

আহা, আহা 'আ-ঈ' !

আহা মরে যাই,

কচি আঙুল ঘুরুনি,

বাছা, পরাণ জুড়ুনি,

কে বেড়াবে হামা দিয়ে,

কে বেড়াবে দাওয়ায়,

কে খেলবে ধূলা নিয়ে

ছাঁচতলাটির ছাওয়ায় !

আহা, আহা 'আ-ঈ' •

ঘুম ভেঙেছে, মায়ি !

মুক্তো ঘেরা টোপর মাথায়

কে দেয় রে হামা ?

চুমু দিয়ে জাগিয়ে দিলেন

মায়ের ভাই মামা ।

আহা, আহা 'আ-ঈ'

আহা মরে যাই,

কিচ্ছু ভাল লাগছে নাকো

দুধটি এখন চাই । •

রাঙা পলার মালা গলায়,

গায়ে জরির জামা,

দুধ খাওয়াতে জাগিয়ে দিলেন

মায়ের ভাই মামা ।



তীর্থ রেণু

আহা, আহা 'আ-ঈ'  
একটি চুমু খাই,  
খোকায় কোলে ক'রে মোরা  
নেচে নেচে যাই ;  
দুধটি খেয়ে কল্কলাবি,—  
'বকুম্ বকুম্' বোল ;  
বড় আমোদ হয়রে তোমার  
পেনে মামার কোল ।

## চিঠি

'প্রণাম শত কোটি,  
ঠাকুর ! যে খোকাটি  
পাঠিয়ে দেছ তুমি মাকে,  
সকলি ভাল তার ;—  
কেবল—কাঁদে, আর,  
দাঁত তো দাও নাই তাকে !  
পারে না খেতে, তাই,  
আমার ছোট ভাই ;  
পাঠিয়ে দিয়ো দাঁত, বাপু !  
জানাতে এ কথাটি  
লিখিতে হ'ল চিঠি ।  
ইতি । শ্রী বড় খোকা বাবু ।"

রেক্সফোর্ড ।

## অন্ধুর

কহে অন্ধুর আঁধারে মাটির মাঝে,  
“মজবুৎ নই, তবুও লাগিব কাজে !”  
এত বলি’ ধীরে আলোকে তুলিল মাথা,  
যুহু বলে খুলি’ দিল একখানি পাতা !  
পাতা, নিরখিয়া পরখিয়া চারিধার  
ডাকিয়া আনিল ডাটি ভাইটিকে তার ;  
তার পিছে পিছে কঁচি পাতা আরো ছুটি  
কৌতুকে এল বাহিরিয়া গুটি গুটি !  
সুরু করি’ কাজ, খাটিয়া সকাল সাঁঝে,—  
পরিণত হ’ল অন্ধুর চারা গাছে ;  
রবি দিল আলো, মেঘ তারে দিল জল,  
দিনে দিনে বাড়ি’ লভিল সে ফুল ফল ।  
যারা ছোট আছ, এস মানুষের মাঝে,  
মজবুৎ নও, তবুও লাগিবে কাজে ;  
আলোকের দিকে ধীরে ধীরে তোলা মাথা,  
রবি আশিষিবে, মেঘেরা ধরিবে ছাতা ।  
কর্মের ক্রেশে ললাটে ঝরুক জল,  
ফুটাও জগতে অক্ষয় ফুল ফল ।

নিগ্রো ডান্‌বার

## মিশর-মহিমা

মিশরে পুরুষ রণপণ্ডিত, রমণী ধনুর্ধর !  
স্তনদ্বয় যে শিশু তারে মাতা ধরান্ ধনুঃশর !  
মার কাছে ছেলে সত্য বলিতে সত্য পালিতে শেখে,  
সহজ সাহসে দুঃখ সহিতে শেখে শৈশব থেকে ।  
ভয়ে সে কাঁপে না, কষ্টে কাঁদে না, লোহার বাঁটুল ছেলে,  
দুঃদণ্ডে বশ করিতে সে পারে দুঃস্ব ঘোড়া পেলে ।  
পিতা হাতে তার ছান্ হাতিয়ার শেখান্ অস্ত্রখেলা,  
বেড়ে ওঠে বুক শড়্‌কী ধনুক লয়ে ফিরে সারা বেলা ।  
ভীমরুল পারা দুঃস্বদ তারা লড়িতে করে না ভয়,  
বিনা ছলে কভু তাদের হঠানো নরের সাধ্য নয় ।

## দুঃস্বের নিরিখ্

কাঁটায় তুলে তৌল্ করে মহাজনের মাল,  
নিখ্‌তি ক'রে সোনার ওজন জানে ;  
ব্যাভারে পাপ ঢুকলে পরে, দেখ্‌ছি চিরকাল,  
আইন বহির নিরিখ্‌ লোকে মানে ।  
কিন্তু তোরা জানিস্‌ কিগো ? বল্‌তে পারিস্‌ মোরে ?  
পেয়ে কোলে প্রথম ছেলে ( ম'রে আবার বেঁচে )  
মা-হওয়ায় যে নূতন স্মৃতি মায়ের পরাণ ভরে,—  
সে ধন ওজন করার নিরিখ্‌ নিখ্‌তি কোথায় আছে ?

ক্যাপ্লন্ ।

## নীতি চতুষ্টয়

সিংহশাবক ক্ষুদ্র হ'লেও মদ-বিমলিন হাতীরে হানে,  
শক্তিমানের প্রকৃতি ইহাই ; বিক্রম কভু বয়স মানে ?

\* \* \* \*

স্বর্গ হইতে শিবের জটায় সেথা হ'তে পর্বতে,  
পর্বত ছাড়ি ধরণী-পৃষ্ঠে, সাগরে ধরণী হ'তে ;  
এমনি করিয়া গঙ্গা চলেছে অধোগতি অনিবার,  
নষ্টমতির নিপাতের লাগি শত দিকে শত দ্বার ।

\* \* \* \*

তপ্ত লোহায় সলিল-বিন্দু,—নাম খুঁজে পাওয়া দায় ;  
পদ্ম-পাতায় সেই পুন রাজে মুকুতার সুষমায় !  
স্বাতী হ'তে পড়ি' শুক্লিতে হয় মুক্তা সে নিরমল !  
মন্দ, মাঝারি, ভালো হওয়া,—সব সংসর্গেরি ফল ।

\* \* \* \*

আচারনিষ্ঠে ভণ্ড বলে গো, ধীরজনে ভীক, সরল মূঢ় ;  
প্রিয়ভাষীজনে ধনহীন গণে, বীরে নির্দয়, তেজীরে রুঢ় ।  
শান্তস্বভাবে অক্ষম ভাবে, বাগ্মী পুরুষে বাচাল বলে,  
হেন কোনো গুণ নাই মানুষের যাহা দুর্জনে দোষেনি ছলে ।

তর্কহরি ।

## অনাথ ( মুণ্ডারি )

ও পাড়াটা ঘুরে এলাম কেউ তো নেই,  
এ পাড়াটা মরুভূমির মতন ;  
মাগো আমার নেই গো তুমি নেই গো নেই,  
নেইক বাবা কর্বে কে আর যতন ?  
আজ্কে যদি বাবা আমার থাক্ত গো,  
মা যদি মোর আজ্কে বেঁচে থাক্ত,  
পথে পথে খুঁজ্ত কত ডাক্ত গো,  
কোলে পিঠে ক'রে সদাই রাখ্ত ।  
মা হারিয়ে হারিয়েছি হায় সকলকেই,  
কেউ ডাকেনা কেউ করে না খোঁজ ;  
বাপ গেছে যার জগতে তার কেউ তো নেই  
একলা পথে ঘুরে বেড়াই রোজ ।  
মা-হারাণো বড় দুখের তুলনা তার নেইকো  
বাপ হারাণো জগৎ অন্ধকার,  
মা গো আমার, সত্যি তুমি নেই কি, তুমি নেই গো  
বাবা আমার সত্যিই নেই আর !  
পরের দ্বারে দাঁড়াই স্নেহ পাইনে,  
চাক্রি স্বীকার এই বয়সেই কর্ব ;  
ভয়ে কারো মুখের পানে চাইনে,  
হয় তো মাগো কেঁদে কেঁদেই মৰ্ব ।

## ছুঃখ কামার

একে যে আছে কামার  
নামটি তার ছুঃখ ।  
হাতুড়ি তার টক্ক  
চেহারা তার রুক্ষ ;  
হাপরটা তার মস্ত  
আগুন সদাই জ্বলছে,  
হাঁপিয়ে প্রতি নিশ্বাসে  
জাঁতাও জোরে চলছে ।  
ছুঃখ নামে কামার  
হৃদয় পেটাই কর্চে,  
তার হাতুড়ির ঘায়ে  
পড়ছে ঝরে মর্চে ;  
ঘায়ের উপর ঘা দিয়ে  
কর্চে এমন টক্ক,  
ফাটবে না কি চটবে না,  
পড়বে নাক' অক্ক ।  
ছুঃখ তারি শিল্পী  
বিশ্বকর্মার অংশ,  
কর্চে হৃদয় মজবুত  
এমনি,—যে নাই ধ্বংস ।

বডন্যান্ ।

## দান-পুণ্য

ক্ষুধার সৃষ্টি করে নি দেবতা নরের নিধন তরে,  
খাও পেয়ের শ্রাদ্ধ যে করে সেও এক দিন মরে ।  
বিহিত বিধানে দান করি' দাতা কখনো হয় না দীন,  
কৃপণই কেবল পায় না শাস্তি চির-আনন্দ-হীন ।

ক্ষুধাতুর যবে অন্নের লাগি অন্নবানের দ্বারে  
হয় উপনীত, তখন যদি সে গৃহের কর্তা তারে  
ফিরাইয়া ছান্ কঠিন হৃদয়ে, কিবা তার আগে ভাগে  
নিজের তুষ্টি করেন সাধন, তাঁরে সন্তাপ লাগে ।

আতুরে অন্ন দান করে যেই তারে পূজা করে সবে,  
দান-যজ্ঞের পুণ্য সে পায় অরির (ও) শ্রদ্ধা লভে ;  
বন্ধু হয়ে যে বন্ধুজনেরে অন্ন না করে দান,  
সে নহে বন্ধু, তার গৃহ নয় মাথা রাখিবার স্থান ।

তাহারে ছাড়িয়া সন্ধান কর উদার জনের ঘর,  
আপন জনের চেয়ে সে আপন হ'ক সে হাজার পর ।  
অর্থীজনের দীন প্রার্থনা যে পার পূরণ কর,  
সমুখে সরল পথ নিরমল যে পার সে পথ ধর ।

ধন বৈভব,—হায় গো সে সব চক্রের মত ঘোরে,  
কখনো তোমার, কখনো আমার ; স্থির নয় কারো ঘরে  
হীন মন যার,—নহেক উদার অন্ন তাহার কাল,  
দেবতা তোষে না বন্ধু পোষে না ঘরে ভরে জঞ্জাল ;

একাকী যে জন ভোগ করে ধন একা সে ভুঞ্জে পাপ,  
ধরার অন্ন হরণ করিয়া একা বহে সন্তাপ ।

ভিক্ষু ঋষি ।

## নববর্ষে

দ্বারে দেবদারু-শাখা,—  
চিহ্ন অচিন্ পথে ;  
কারো তরে ফুলে ঢাকা,  
কারো—ভিজে অশ্রুতে ।

ইকুজু ।

## রক্ত-বাটিকায়

ঘিরেছে গৃহটি মোর পল্লব-সাগরে,—  
নহে সে নিজ্জীব কিবা বৈচিত্র্যবিহীন ;  
পাগু শ্রাম তিত্তিলী সে হেথা শোভা করে  
ঘন শ্রাম আশ্রুকুঞ্জে রহিয়া নিলীন ;  
ধূসর স্তম্ভের মত মাঝে মাঝে তাল ;  
নীরব ঝিলের তীরে বিপুল শিমুল,—  
সুপ্ত দেশে তুরী যেন বাজায় করাল .  
শ্রামবনে লালে লাল ফুটাইয়া ফুল ।  
পূর্ব ভাগে বেণু-বন, শোভা তার সাঁঝে,—  
ওঠে যবে চারু চাঁদ পত্র-অন্তরালে,  
শুভ্র শতদল যবে সরোবর মাঝে  
রোপ্য পাত্রে পরিণত, চারু ইন্দ্রজালে !  
মূরছিতে চাহে মন মৌন সুষমায়,  
আদিম নন্দন বনে আঁখি ডুবে যার ।

তরু দত্ত ।



## দুপুরে

দুপুরে,—সোনার করে  
ঝাপসা বাতাস ভরে,  
কড়ি-পোকাগুলি তায়  
ইতি উতি ফরুকায় ;  
চির প্রশান্ত গ্রাম,  
ঘটনার নাহি নাম ।

তাচিবানে-নো-মাসাতো ।

## . গ্রীষ্ম-মধ্যাহ্নে

মধ্যাহ্ন ; গ্রীষ্মের রাজা, মহোচ্চ সে নীলাকাশে বসি'  
নিষ্কৈপিল রৌপ্যজাল, বিস্তৃত বিশাল পৃথ্বী'পরে ;  
মৌন বিশ্ব ; দহে বায়ু তুষানলে নিশ্বসি' নিশ্বসি' ;  
জড়িয়ে অনল-শাড়ী বসুন্ধরা গূরুছিয়া পড়ে ।

ধু ধু করে সারাদেশ ; প্রান্তরে ছায়ার নাহি লেশ ;  
লুপ্তধারা গ্রাম-নদী ! বৎস গাভী পানীয় না পায় ;  
স্বদূর কানন-ভূমি ( দেখা যায় যার প্রান্তদেশ )  
স্পন্দন-বিহীন আজি ; অভিভূত প্রভূত তন্দ্রায় ।

গোধূমে সর্বপে মিলি' ক্ষেত্রে রচে সুবর্ণ সাগর,  
সুপ্তিরে করিয়া হেলা বিলসিছে বিস্তারিছে তারা ;  
নির্ভয়ে করিছে পান তপনের অবিশ্রান্ত কর,  
মাতৃ ক্রোড়ে শান্ত শিশু পিয়ে যথা পীযুষের ধারা ।

## গ্রীষ্ম - মধ্যাহ্ন

দীর্ঘ-নিশ্বাসের মত, সন্তাপিত মর্ম্মতল হতে,  
মর্ম্মর উঠিছে কভু আপুষ্ট শস্যের শীষে শীর্ষে ;  
মর্ম্মর, মহিমাময় মহোচ্ছ্বাস জাগিয়া জগতে,  
যেন গো মরিয়া যায় ধূলিময় দিগন্তের শেষে ।

অদূরে তরুর ছায়ে শুয়ে শুয়ে শুভ্র গাভীগুলি  
লোল গল-কঙ্কলেরে রহি' রহি' করিছে লেহন ;  
আলসে আয়ত আঁখি স্বপনেতে আছে যেন ভুলি',  
আনমনে দেখে যেন অন্তরের অনন্ত স্বপন ।

মানব ! চলেছ তুমি তপ্ত মাঠে মধ্যাহ্ন সময়ে,  
ওঁ তব হৃদয়-পাত্র ছুঁখে কিবা সুখে পরিপূর !  
পলাও ! শূন্য এ বিশ্ব, সূর্য্য শোষে তুষামত্ত হয়ে,  
দেহ যে ধরেছে হেথা ছুঁখে সুখে সেই হবে চূর ।

কিন্তু, যদি পার তুমি হাসি আর অশ্রু বিবর্জিতে,  
চঞ্চল জগত মাঝে যদি থাকে বিস্মৃতির সাধ,  
অভিশাপে বরলাভে তুল্য জান,—ক্ষমায় শান্তিতে,  
আত্মাদিতে চাহ যদি মহান্ সে বিষণ্ণ আত্মদাদ,—

এস ! সূর্য্য ডাকে তোমা, শুনাবে সে কাহিনী নূতন ;  
আপন দুর্জ্জয় তেজে নিঃশেষে তোমাতে পান ক'রে,—  
শেষে ক্লিন্ন জনপদে লঘু করে করিবে বর্ষণ,  
মর্ম্ম তব সিক্ত করি' সপ্তবার নিব্বাণ-সাগরের ।

লেকঁৎ-দে-গিল্ ।

## শিশিরের গান

কাদন আজি হায়,

ধ্বনিছে বেহালায়

শিশিরের ;—

উদাস করি' প্রাণ,

যেন গো অবসান

নাহি এর !

রুধিয়া নিশ্বাস

ফিরিছে হা-হতাশ

অবিরল,

অতীত দিন স্মরি' •

পড়িছে ঝরি' ঝরি'

আঁখিজল ।

সমীর মোরে, হায়,

টানিয়া নিতে চায়

করি' জোর,

উড়ায় হেথা হোথা,

যেন গো ঝরা পাতা

তনু মোর !

পল্ ভার্লেন্ ।

## শীত-সন্ধ্যা

আঁধার করিয়া হৃদ গৃহ সম ধূসর পাখায়,  
রাত্রি আসে, হায় !  
দিবসের শবদেহ তাত্ত্বনখে সবলে পাকড়ি'  
চলিল সে উড়ি' ;  
পশ্চিম গগন জুড়ি' ছড়াইয়া পড়ে রক্তধার,  
পশ্চাতে তাহার ।  
বিস্ময়ে চাহিয়া আছে স্মৃষ্ণ পল্লবের পক্ষ্ম তুলি'  
ঝাউ-তরুগুলি !  
শত শত কৃষ্ণ ছায়া ছুটিয়াছে দস্যুর পিছনে,  
হরিত গমনে । .  
আকাশ হইতে ধীরে পউষের হিমার্জবাতাসে,  
চিন্তা নেমে আসে ;  
নির্বিশেষে সর্ব জীব নীরব চরণে চলে, হায় !  
বিস্মৃতি-গুহায় ।

বায়েন্দ্ৰবম্

## মহানগর

মহানগর—মহাসাগর, তরঙ্গ ভায় কত,  
লোকের মেলা, লোকের ঠেলা চেউয়ের খেলার মত ;  
উঠছে ভেসে যাচ্ছে ডুবে, কে কার পানে চায় ?  
ডুগ ডুগি তার বাজিয়ে বাউল আপন মনে গায় ।

## তীর্থ রেণু

যাচ্ছে ভেসে চোখের উপর ডুবছে একে একে,  
বিস্মরণের ঘূর্ণি জলে সাধ্য কি যে টেকে ?  
যে মুখখানি এই দেখিলাম,—আর সে নাহি, হায় !  
ডুগ্‌ডুগি তার বাজিয়ে বাউল আপন মনে গায় ।

শ্মশান-মুখো যাচ্ছে কারা ?—কান্না গেল শোনা !  
বন্ধ তবু হয় না হেথা লোকের আনাগোনা !  
ডুব্‌ছ তুমি, ডুব্‌ছি আমি, কে কার পানে চায় ?  
ডুগ্‌ডুগি তার বাজিয়ে বাউল আপন মনে গায় ।  
লিলিয়েক্‌ন ।

## শিশির যাপন

চোটো না ভাই বরফ আজো নড়ছে নাকো দেখে,  
হাত পা ভেঙে গিয়েছে তার প'ড়ে আকাশ থেকে !  
সকল বাড়ীর ছয়ারে সে দিয়ে গেছে হানা,  
জলে হাওয়ায় ছোরাছুরি, বাহির হওয়া মানা !  
মস্‌জিদে লোক যায় না শীতে, ঘিরেছে উনান,  
দেখছি এবার অগ্নি পূজা ধরলে মুসলমান !  
আয় মেসিহি ! শীতের ক' দিন ঘুমিয়ে কাটাই আয়,  
বসন্তে সব ফুলের সনে জাগ'ব পুনরায় ।

## বাসন্তী বর্ষা

ক্ষুদে' বাদলের জয় হোক ওগো, প্রয়োজন বুঝে  
ছায় সে ছায়া,  
শস্য-বীজের তৃষ্ণা ঘুচাতে তপ্ত ঋতুতে  
সে আসে একা !  
বন্ধু হাওয়ার সঙ্গে নিশীথে নীরব চরণে  
বেড়ায় সে যে,  
তার সেই পুলকাক্ষতে ভিজে ধরাতল ওঠে  
সবুজে সেজে !  
কালি সন্ধ্যায় মেঘের ছায়ায় হয়েছিল পথ  
দ্বিগুণ কালো,  
দূরে নৌকায় উষ্কার মত জ্বলেছিল শুধু  
মশাল-আলো ;  
আজ প্রাতে তাজা রঙের পরশে হরষে ফাটিয়া  
পড়িছে মাটি,  
ফিরে পতঙ্গ মুকুতা-উজল তৃণদলে পরি'  
সোনালি শাটী ।

তু-ফু ।

## চড়ুই

ছোটো      একটি চড়ুই পাখী,  
তার      পরণে পোষাক থাকী,  
মোর      ঘরের বাহিরে থাকি’  
ওঠে      ‘চিপিক্’ ‘পিচিক্’ ডাকি’ !  
টোকা      ছায় সে সাসির কাছে,  
যেন      আসিতে চায় গো কাছে,  
যেন      শোনাতে চায় সে মোরে  
তার      গান দিনমান ধ’রে :  
আমি      কাজ করি আনমনে,  
কে বল্      চড়ুয়ের গান শোনে ?  
পাখী      ‘চিপিক্’ ‘চিপিক্’ ক’রে  
উড়ে      চ’লে গেল অনাদরে ।

আশা,      সান্ত্বনা, ভালবাসা,  
ওগো,      স্বর্গে যাদের বাসা,  
তারা      পাখীর মতন এসে  
এই      মানুষেরে ভালবেসে  
বসি’      জীবনের বাতায়নে  
গান      মোনায় গো জনে জনে ;  
মোরা      ডুবে থাকি শত কাজে,  
তারা-      ঘেঁষিতে পায় না কাছে ;  
মোরা      ভুলে থাকি হাসি খুসি,  
শুধু,      ঠেলাঠেলি ঘুসোঘুসি,  
তারা      অনাদরে যায় ফিরে,  
তখন      ভাসি নয়নের নীরে ।

নিগ্রো ডানবার ♪

## বানর

একটা বানর বসেছিল সরল গাছের শাখে,  
আমি ব'সে ভাবছিলাম 'সে খায় কি ? কোথায় থাকে ?'  
অলসভাবে ভাব'তে এবং চাইতে চাইতে ক্রমে,  
কখন চক্ষু পড়'ল ঢুলে স্বপ্ন এল জমে ।  
স্বপ্নে দেখি বলছে বানর "ওহে পোষাকধারী !  
দেখ'ছ ? আমার নেইক দর্জি, নেই কোনো দিক্‌দারী,  
মাসে মাসে নেই তাগাদা, পরিনে হাট্‌কোট্‌,  
নেইক নিত্য সাক্ষ্য-সভায় নিমন্ত্রণের চোট ।  
বেণের ঘরে দিন ছপূরে রসদ কেড়ে খাই,  
বেটা তবু বেজায় মোটা, আমি কাহিল, ভাই !  
যাইনে কারো গাড়ীর পিছে, ঘরের হোক কি ঠিকে,  
দিইনে নজর অণু কোনো মর্কটের স্ত্রীর দিকে ।  
খোস্ পোষাকী নইকো মোটেই ঢাকিনে গা পর্দায়,  
বাংলো-বাড়ী নেইকো আমার ঘুমাই সুখে ফর্দায় ;  
কিনিনে দস্তানা আংটি, চোখ ঠারিনে মনকে,  
সুন্দ রীদের জন্ত পয়সা দিইনে হ্যামিণ্টনকে ।  
দ্বন্দ করি নিজের মধ্যেই, ভার্য্যা এবং ভর্তা,  
বানর-গিন্নি স্পষ্ট জানেন আমিই তাঁহার কর্তা ।  
ম্যালেরিয়ার ভয় করিনে, নেইক দেনার দায়,  
মালুষ জাতটা দেখলে আমার বড্‌ড হাসি পায় ।"  
হঠাৎ জেগে দেখি আমার মাখন-মাখা রুটি  
সংগ্রহ-না-ক'রে বানর যাচ্ছে গাঁছে উঠি !  
মুখখানা তার রক্তবর্ণ গায়েতে লোম কত !  
খেতে খেতে চুলকায় মাখা, ঠিক বানরের মত ।



তীর্থ-রেণু

শিষ্ট সে নয়, সভ্য সে নয়, নেহাৎ হনুমান,  
( তবু ) সাদাসিধে বানর হ'তে চাইলে আমার প্রাণ !  
বল্লাম তারে “ভদ্র বানর ! করুলেন অন্তর্যামী  
থোস্ মেজাজী বানর তোমায়, আমায় করুলেন আমি !  
বিদায় বন্ধো ! শনৈঃ শনৈঃ যাচ্চ আপন ঘরে,  
ভুলনা, ভায়, তুমি হতে উচ্ছা করে নরে ।”

কিম্বিঃ ।

## মরু-যাত্রী

চলেছে উটের আরোহী চলেছে সীমাহীন প্রান্তরে,  
বিস্ম বিপদ পদে পদে তার চিন্ত সজাগ করে ।  
গগনের পারে প্রভাতের তারা করে তারে আহ্বান,  
মরুবালুকায় লিখে লিখে যায় ধৈর্যের অবদান !  
সে যে পিপাসায় জল নাহি চায় ক্ষুধাকালে খজ্জুর,  
উষ্ট্র তাহার বাঁচিয়া থাকুক সুখ-দিন নহে দূর ।  
মরুর কষ্টে ক্লেশ গণে না সে,—সে যে কীর্তির পথ,  
তপ্ত ধুলার পরপারে আছে গৌরব স্মরণ !  
রাঙা সিরাজীর গুণ গাহে সেই গাহে সিরাজের গান,  
দৈব-সুরায় পরাণ-পাত্র ভরিয়া করে সে পান !  
হাফেজের তান ধ্বনিত করে সঙ্গীত মাঝে তার,  
ফৈজী কহিছে,—কবিরে ভ্রান্ত করিতে সাধ্য কার ।

কৈজী

## অম্বনালা

( মাদাগাস্কার )

চারিদিক দেখে যাও এঁকে বঁকে

হে নদ অম্বনালা !

অকারণে রেগে দুঃসহ বেগে

যেন ঘটায়োনা জালা ।

শীতে তুমি খাটো শাড়ীর মতন

না ঢাকে সকল কায় :

লেপ-চাপা-পড়া শিশু সম হাঁফ্

লাগাও হে বরষায় !

ছুটে ছুটে ছুটে মাথা কুটে কুটে

ধুলায় মলিন বেশ,

খেটে খেটে খেটে জন্ম কেটেছে

কর্ষের নাহি শেষ !

দিনস যামিনী চলেছ এমনি

ছাড়িয়া পাহাড়-চূড়া,

পাথর নড়ায়ে চলেছে গড়ায়ে

উড়ায়ে সলিল-গুঁড় ।

---

## ছোটো খাটো

ছোট খাটো স্নেহের ছুঁটে কথ

ছোটো খাটো সহজ উপকার,

পৃথিবীরে স্বর্গ ক'রে তোলে,

ক'রে তোলে পরকে আপনার !

অজ্ঞাত ।

## সাগরের প্রতি

হে পিঙ্গল মস্ত পারাবার,  
মোর তরে মন্দভাষী তুমি এনেছ এনেছ সমাচার ।  
বিপুল বিস্তৃত পৃষ্ঠ তুলি’  
চলেছে তরঙ্গ-ভঙ্গ তব ; মাঝে মাঝে ক্রোড়-সন্ধিগুলি  
অতল পাতাল-গুহা প্রায়,  
তারি ‘পরে অস্পষ্ট সুদূর তরী চলে স্পন্দিত পাখায় ।  
শুনি আমি গর্জন তোমার,—  
কহ তুমি, “তীরে বসি’ বিলম্ব করিছ কেন মিছে আর ?  
“ফেন-ধৌত আকাশ পরশি’  
নাচিছে উত্তাল ঢেউ যত, ত্রস্ত চোখে তাই দেখ বসি’ ?  
“ক্ষুদ্র এই তরী স্বল্পপ্রাণ,—  
সাহসে পশেছে সেও তরঙ্গ-সজ্বাতে, আছে ভাসমান ।  
“বিনাশ যত্নপি ঘটে তার,—  
তাহে কিবা ? নাহি কি তাহারি মত আরো হাজার হাজার  
“দর্পভরে হও আগুয়ান,  
সহজ আরামে মাটি থেক না ঝাঁকড়ি’ ভীকুর সমান ;  
“নেমে এস, যাও জেনে লয়ে  
কি বিহ্বল পুলক বিপদে, কি আনন্দ ভাগ্যবিপর্যয়ে।”  
—বটে গো প্রমত্ত পারাবার,  
আমি যে তোমার চেয়ে বলী, মহত্তর উচ্ছ্বাস আমার ।  
উঠি তব তরঙ্গ-চূড়াতে,  
সে কেবল কৌশল আমার খেলিবারে আকাশের সাথে ;  
আবার তলায়ে ডুবে যাই,  
কোলাহল-কল্লোলের তল কোথা আছে জানিবারে তাই ।

সা গ রে র ঞ্জি

নিরাপদে তীরে সারাবেলা  
খেলা, সে যে বিধাতার মহা-অভিপ্রায় ব্যর্থ ক'রে ফেলা ;  
এ খেলা যে সাজে না আত্মার,  
মৃত্যুহীন পরম পুরুষ চিরজনমের লক্ষ্য যার ।  
সিদ্ধু সম বিশ্ব ও বিপদে  
বিশ্বজনে ঘিরেছেন তাই ভগবান ; তাই পদে পদে  
সৃজিয়া বেদনা ব্যর্থতায়  
বিষম জটিল ফাঁদ দেছেন জড়িয়ে আমাদের পায় ;  
বজ্রে ওতঃপ্রোত করি' মেঘ,  
বিপর্যাস্ত করিছেন তাই—পাশযুক্ত করি ঝঙ্কারবেগ ;—  
যাহে নর হয় দুঃখজয়ী,  
পরাজয়ে মাতে জয়োল্লাসে যাতনার নির্যাতন সহি'.  
আপনার অজ্ঞেয় আত্মায়  
প্রতিকূল নিয়তির সমকক্ষ করি' আপ্ত ক্ষমতায় ।  
লও মোরে হে সিদ্ধু মহান,  
হও মম আনন্দের হেতু, হও তুমি স্বর্গের সোপান ।  
হে সমুদ্র, দুঃস্থ কেশরী,  
তোমাতে আনিব নিজ বশে হেলায় কেশর-গুচ্ছ ধরি'  
নহে ডুবে যাব একেবারে  
লবণার্জ গভীর গহ্বরে অন্ধকার অতল পাথারে ।  
সুবিপুল ও বপুর ভার  
ধরিব নিজের 'পরে, করিব নিরোধ ভাগ্যেরে আমার ।  
হে স্বাধীন, হে মহাসাগর !  
অমেয় আত্মার বল পরখিতে আজ আমি অগ্রসর ।  
ঘোষ ।

জিন্

নিরজন  
নিদ্রপুর,—  
নিকেতন  
মৃত্যুর ;  
বায়ু. হায়,  
মূরছায়,  
চেউ নাই  
সিদ্ধুর ।

আকাশ জুড়ে  
একি আভাষ !  
নিশার পড়ে  
ঘন নিশাস !  
কাহার। ধায়  
প্রেতের প্রায়  
অনল ভায়  
মানি' তরাস ।

ঘোর কলরব !  
তন্দ্র। মিলায় ;  
হৃদয় দানব  
অশ্ব চালায় !  
পলায় যে রড়ে  
তারি 'পরে পড়ে,  
চেউয়ে চেউয়ে চড়ে  
নৃত্য-লীলায় !

জিন্

কাছে আসে হুঙ্কার,  
ধ্বনিছে প্রতিধ্বনি ;  
পুণ্যের কারাগার  
মঠে কি মন্থা-ফণী ?  
কিবা ঘন-জনতায়  
বজ্র ঘোষণা ধায়,  
কভু মৃদু,—মরি' যায়,  
কভু উঠে রণরনি' ।

কি সর্বনাশ ! ফুকারিছে জিন্ ।  
তাই হল্‌হলা উঠেছে, ওরে !  
পালা যদি চাস্ বাঁচিতে ছ'দিন  
এই বেলা ওই সোপান ধরে' ।  
গেল,—নিবে গেল প্রদীপ আবার,  
কালিমায় ঢেকে গেল চারিধার,  
গ্রাসি' ঘর দ্বার নিকষ আঁধার  
বসিল চড়িয়া হস্ম্য 'পরে ।

সাজ ক'রে আজ বেরিয়েছে জিন্ যত,  
যুগ্মবাতাসে পড়ে গেছে 'হস্' 'হাস্' !  
দাব-দহনেতে দীর্ঘ তরুর মত  
পর্ণ ঝরায়ে ঝাউ ফেলে নিশ্বাস !  
ধায় জিন্ যত শূন্যে পাইয়া ছাড়া,  
অদ্ভুত-গতি দ্রুত অতি চলে তারা ;—  
সীসার বরণ ভীষণ মেঘের পারা  
বজ্র যখন কুক্ষিতে করে বাস ।

## তীর্থ রেণু

এল কাছে আরো,—এল ঘিরে এল ক্রমে এ যে !  
আঙুলি ছুয়ার দাঁড়াও, যুঝিব প্রাণপণে ;  
কি গগুগোল বাহিরে আজিকে ওঠে বেজে !  
দৈত্য দানার হানা-দেওয়া ঘোর গর্জনে ।  
বৈঁকে মুয়ে পড়ে বাহাছুরী কড়িকাঠ যত,  
জলজ কোমল নমনীয় লতিকার মত !  
নাড়া পেয়ে কাঁপে পুরাণো জানালা দ্বার কত  
মরিচায় জরা কবচের ক্ষীণ বন্ধনে ।

বিমরি' গুমরি' গরজিছে এ যে নরকের কলরব !  
উত্তর-বায়ু চলেছে তাড়িয়ে পিশাচ প্রেতের পাল ।  
এবার রক্ষা কর ভগবান ! কালো পন্টন সব  
পদ-ভরে ভেঙে ফেলে বুঝি ছাদ ! একি হ'ল জঞ্জাল !  
প্রাচীর হেলিছে, ছলিছে, টলিছে, সারা গৃহ যেন কাঁদে ;  
সূর্য্য বুঝি গো কক্ষ ছাড়িয়া প্রলয়-ঝঞ্ঝা-ফাঁদে  
পড়ে গিয়ে আজ কেবলি গড়ায় শুষ্ক পাতার ছাঁদে ;  
ঘূর্ণি হাওয়ায় টেনে নিয়ে যায়, দাঁড়ায় না ক্ষণকাল ।

হঁজরৎ ! আজ বান্দা ঠেকেছে বড় দায়,  
নিশাচর পাপ পিশাচের হাতে কর ভ্রাণ ;  
যুগ্মিত শিরে বার বার নমি তব পায়,  
ভয়বিহ্বলে নির্ভয় কর, রাখ প্রাণ ।  
- এই কর প্রভু ! কুহকী প্রেতের যত ছল,  
ভকতের দ্বারে এসে হয় যেন হতবল ;  
পক্ষ-লগন নখে আঁচড়িয়া সাসিতল,  
আক্রোশে তারা ফিরুক শিকার করি' ভ্রাণ ।

জিন্

গেছে, চলে গেছে !—চলে গেছে জিন্ যত ;  
উড়িয়া পড়িয়া ছুটেছে গগন-পারে !  
ছাদে থেমে গেছে নৃত্য সে উদ্ধত,  
শত করাঘাত আর পড়িছে না দ্বারে ।  
শিহরে কানন পলায়ন-বেগ-ভরে,  
শিকল বেড়ীর শব্দে আকাশ ভরে,  
গ্রানের প্রান্তে সীমাহীন প্রান্তরে  
শালতরু যত মুয়ে পড়ে সারে সারে ।

ধীরে, ধীরে, ধীরে, দূরে, দূরে, দূরে,  
পাথর আওয়াজ মিলায়ে আসে !  
মৃদু হ'তে ক্রমে মৃদুতর সুরে  
কাঁপে সে আসিয়া কানের পাশে !  
মনে হয়, শুনি ঝিল্লির ধ্বনি,  
স্পন্দিছে সারা নিখর ধরণী,  
কিবা শিলাপাতে মৃদু.ঠন্ ঠনি  
পুরাণে ছাদের শেহালা-রাশে ।

সেই অপরূপ ধ্বনি !  
শোনা যায় ! শোনা যায় !  
শিঙার শব্দ গণি'  
বেছইন্ ফিরে চায় !  
তটিনী-তটের তান,  
উচ্ছ্বাসে অবসান !  
সোনালি স্বপ্ন-খান্  
শিশুর নয়ন ছায় ।



তীর্থ রেণু

জিন্‌ বিভীষণ,—

মৃত্যুর চর,  
আধারে গোপন  
করে কলেবর ;  
করে গরজন  
গভীর, ভীষণ,  
ঢেউয়ের মতন ;  
রহি' অগোচর ।

ঘুমিয়ে পড়ে  
মৃদুল স্বর,  
ঢেউ কি নড়ে  
তটের 'পর !  
প্রেতের লাগি'  
মুক্তি মাগি'  
জপে কি যোগী  
যুক্তকর !

মনে হয়,  
কুস্বপন,  
কানে কয়  
অনুখন !  
কে কোথায় !  
নিশে যায় !  
মূরছায়  
গরজন !

---

ভিক্তর হুগো ।

## দুয়ো দুয়ো

সুয়োরানীর ছলল ! ওরে ! খেয়ে মেখে নে,  
সদয় বিধি নানান্ নিধি দিয়েছে এনে !

দুয়োরানীর দুখের বাছা ! ধূলকাদাতে  
বুকে হেঁটে বেড়াস্ যেন জন্ম-তা ভাতে ।

সুয়োরানীর ছলল ! তোমার পূজায় ভারি জাঁক,  
জুড়িয়ে গেল হোমের ধূমে নবগ্রাহের নাক !

দুয়োরানীর দুখের বাছা ! তোমার দুঃখ ক্লেশ,—  
এ জীবনে হ'বে কি হয়,—হ'বে কি তার শেষ ?

সুয়োরানীর ছলল ! তোমার বংশ বাড়িছে,  
তোমার গোধন রাজ্য জুড়ে শৃঙ্গ নাড়িছে ।

দুয়োরানীর বাছারে ! তোর গুধায়, দুপুরে,  
পেটের নাড়ী চিবায় যেন হস্তে কুকুরে ।

সুয়োরানীর ছলল ওরে ঘুমাও সুখেতে,  
আরাম করে বাপের ঘরে হাসি মুখেতে ।

দুয়োরানীর দুখের বাছা ! দুখের বাছা রে !  
বর্ষা শীতে বেড়াও কেঁদে বনের মাঝারে ।

সুয়োরানীর ছলল ! শেষে, ধূলায় পড়িলে !  
রক্ত দিয়ে তপ্ত মাটি পুষ্ট করিলে ।

দুয়োরানীর তনয় ! ওগো তোমার মাথার ধাম  
পড়ুক আরো, ব্যস্ত কাজে থাক অবিশ্রাম ।

তীর্থ রেণু

শূয়োরাগীর ছলান ! তোমার দেমাক্ ছুটেছে,  
শূয়োর-মারা শড়্ কিতে আজ খড়্ গ টুটেছে !

ছূয়োরাগীর ছলান ! কর স্বর্গ অধিকার,  
ফিরাও তুমি গ্রহের গতি বিধান বিধাতার ।

বদলেয়ার ।

## মহাশঙ্খ

নিতান্ত হিম, অতি নির্জীব, কপাল-অস্থি ওরে,  
মোর হাতে তুমি হ'য়েছ পরিস্কৃত ;  
ধৌত ধবল অমল তোমায় ক'রেছি যতন ক'রে  
ঠায়ে ঠায়ে নাম লিখেছি সঙ্কুত ।

পাঠের বেলার সঙ্গী আমার ! ওরে বিষম ! তোরে  
কোণে ফেলে আমি রাখিতে কি পারি, বল,  
সময় কাটে না, কাছে আয় তুই ভুলায়ে রাখিবি মোরে,  
কথা বল ওরে বাড়িছে কৌতূহল ।

বল্ মোরে আজ বল্ কতবার এই তোর মুখখানি  
চুষন-লোভে সঁপিয়াছে আপনায় ?  
বল্ মোরে বল্ মিলন-বেলায় সে কোন্ মধুর বাণী  
ব্যক্ত ক'রেছে মৃদু কল-বেদনায় ?

নিথর ! পারনা উত্তর দিতে, বাছারে, ক্ষমতা নাই,  
জন্মের মত বন্ধ হ'য়েছে মুখ ;  
পথে যেতে যেতে মৃত্যু আপন অস্ত্র হেনেছে, তাই  
জীবনের সাথী টুটেছে মাধুরীটুক্ ।

একি গো দারুণ বারতা জানালে, মোরা যে রেখেছি ভেবে  
জীবন টিকিতে পারে অনন্ত দিন ;  
এই সুখ, এই রূপ যৌবন, এও কি ফুরাবে, তবে,  
এই ভালবাসা—এও তবে হ'বে ক্ষীণ !

কর্ম-কঠোর দিন শেষে পাঠে ব্যস্ত র'য়েছি যবে,  
একেলা নীরবে নিৰ্জ্জন এই ঘুরে,  
পরান আমার গুরু ভাবনার ভাষাহীন গৌরবে  
ধীরে ধীরে ধীরে এমনি করিয়া ভরে ।

তোর পানে চেয়ে কেটে যায় বেলা নিয়তির কথা ভেবে,  
বাহিরে আঁধার, নয়নে স্বপ্নঘোর ;  
সহসা ও তোর ললাটের লেখা দেখে ভয়ে উঠি কঁপে,—  
“মর্ত্য মানুষ ! সময় আসিছে তোর !”

লেবিষে ।

---

## প্রস্থাপারে

মৃতের সভায় মোর কাটিছে জীবন  
দৃষ্টি মম পড়ে গো যেথাই,  
সেথাই জাগিছে কোনো মনস্বীর মন ;  
কোনোদিন মৃত্যু যার নাই ।  
মৃতের বন্ধুতা কভু হয় নাকো ক্ষীণ,  
আলাপ মৃতেরি সাথে করি রাত্রিদিন ।

তীর্থ রেণু

উৎসবে তাদেরি ল'য়ে করি মহোৎসব,  
হৃদ্দিনে সান্ধনা ভিক্ষা করি,  
কি পেয়েছি, কি যে মোরে দেছে তারা সব,  
সে কথা যখনি আমি স্মরি,  
তখনি এ অন্তরের কৃতজ্ঞতা ভরে  
কপোল বহিয়া মুহু অশ্রুধারা ঝরে ।

অতীতে মৃতের দেশে পড়ে আছে প্রাণ,  
আমি বাস করি গো অতীতে,  
মৃতের ভাবনা ভাবি, গাহি মৃতগান,  
মৃত হুখে হুখ পাঠি চিতে ;  
তাদের চরিত্রে যাহা আছে শিখিবার  
সঞ্চিত করিয়া লই অন্তরে আমার ।

তাদের আশায় আশা দিয়েছি মিলায়ে,  
পাব ঠাঁই তাদেরি মাঝারে,  
চলিব তাদেরি সাথে নিশান উড়ায়ে  
শত শত শতাব্দীর পারে !  
নাম রেখে যাব আমি জগতে নিশ্চয়,  
যে নাম ধূলিতে কভু হবে নাকো লয় ।

দাউদী ।

## উচ্চ শিক্ষা

পুঁথিতে যা' আছে লেখা সে তো শুধু  
জ্ঞানের বর্ণমালা,  
পুঁথির শিক্ষা শেষ ক'রে ধর  
প্রকৃতির কথামালা ;  
পুষ্পের ভাষা শিখিয়া লও গো,  
গগন-গ্রন্থ পড়,  
বিশ্বমৈত্রী কর অশ্লুভব  
বাক্য করনা জড় ।

জোয়াকিম্ মিলার ।

## ‘যোগ্যং যোগ্যেন’

উজ্জ্বল সোনা, রক্ত প্রবাল,  
অমল মুকুতা ফল,—  
কাহারো জনম খনির গর্ভে,  
কাহারো সিন্ধুজল ;  
তবু একদিন হয় এক ঠাঁই,  
মিলি' জহুরির ঘরে  
পরস্পরের বিচিত্র শোভা  
বাড়ায় পরস্পরে ।  
‘যোগ্যের সাথে মিলিবে যোগ্য’  
সনাতন এ বিধান,  
কুলমর্যাদা কি করিতে পারে ?  
কিবা করে ব্যবধান ?

কল্প গনর ।

## বাঁকা

কুকুরের বাঁকা ল্যাজ সোজা হয় নাকো  
বাঁশের চুঙ্গিতে তারে যত ভ'রে রাখ ;  
কুটিলের বাঁকা মন তাহারি মতন,  
তার সাথে তর্ক করা বিফল যতন ।

বেমন

## কুতর্কিক ও কাঠ্ঠোকরা

\* কুতর্কিকের নাহিক প্রভেদ  
কাঠ্ঠোকরার সঙ্গে,  
ঠুকরিয়া পোকা বাহির করে সে  
বনস্পতির সঙ্গে ;  
যোজন জুড়িয়া বিতরে যে জন  
ফল ছায়া আপনার,—  
নীড় বাঁধি' সুখে শত শত পাখী  
আশ্রয়ে আছে যার,—  
অটল যে আছে 'এতকাল সহি'  
কাল-বৈশাখী হাওয়া,—  
কাঠ্ঠোকরার মতে সে অসার ;  
পোকা যে গিয়েছে পাওয়া ।

রিকার্ড ডেস্কেল ।

## অলঙ্কণ

শুক্র যদি দীপ্ত বেশে সন্ধ্যাকাশে ওঠে,  
ধূমকেতুটার ধূমল পুচ্ছ পিছনে তার লোটে,  
অজ্ঞাচার্য্য চৈঁচিয়ে বলেন “একি ! বিষম দায় !  
আমারি এই কুটীর ’পরে সবার দৃষ্টি ? হায় ।  
না জানি অদৃষ্টে কত কষ্ট আছে আর ।”  
এমন সময় বল্ছে ডেকে প্রতিবেশী তার,  
“গ্রহের ফেরে এবার আমি ভুবেছি নির্ঘাত,  
বাপের হাঁপ আর সারবে কিংসে মায়ের পায়ের বাত ?  
জ্বরের জ্বালায় ধুঁক্ছে খোকা, শান্তি নাইকো চিতে,  
ভার্য্যা হ’ল বদ্মেজাজী গ্রহের কুদৃষ্টিতে !  
হপ্তাখানেক বন্ধ ছিল মোদের দ্বন্দ্বরণ,  
আবার বেধে যায় ;—আকাশে দেখ্ভ অলঙ্কণ ?  
লোকের মুখে, কাণাঘুষায়, বুঝছি আমি বেশ.  
উন্টাবে পৃথিবী এবার হবে কালির শেষ ।”  
অজ্ঞাচার্য্য বলেন “বন্ধু ! তোমার কথাই ঠিক,  
গ্রহতারার গতিক দেখে ভুলেছি আহ্নিক !  
চল দেখি ভিন্ন গাঁয়ে তল্লী আমার নিয়ে,  
ও গ্রামটাতে গ্রহের দৃষ্টি কেমন ? দেখি গিয়ে ।”  
সেথাও দেখে শুকতারা সে তেম্নি চেয়ে আছে,  
তেম্নি লুটায় ধূত্র পুচ্ছ ধূমকেতুটার পাছে !  
ফিরে তখন গেল দৌঁহে আপন আপন ঘর,  
ধৈর্য্য-ধনে ধনী তারা হল অতঃপর ।

গেটে ।



## নব্য অলঙ্কার

ললিত শব্দের লীলা সকলের আগে কবিতায় :

পয়ার সে বর্জনীয়, বরণীয় ছন্দে বিচিত্রতা ;  
নিশ্চয় নির্ণয় নাই, গ'লে যেন মিলিবে হাওয়ায় ;  
ভারে যাহা কাটে শুধু, রবে না এমন কোনো কথা ।

যথা অর্থ সংজ্ঞা খুঁজে উদ্ভাস্ত না হয় যেন চিত্ত ;  
নাই ক্ষতি নিভুল শব্দটি যদি নাই পাওয়া যায় ;  
ব্যক্ত আর অব্যক্তের যুক্তবেণী মদির সঙ্গীত !  
তার মত প্রিয় আর নাহি কিছু নাহি এ ধরায় ।

সে যেন বিমুক্ত আঁখি ওড়নার সূক্ষ্ম অন্তরালে,  
স্পন্দহীন মধ্যাহ্নের সে যেন গো আলোক-স্পন্দন ;  
সে যেন সন্তাপহারী শরতের সন্ধ্যাকাশ-ভালে  
প্রদীপ ও দীপ্তিহীন নক্ষত্রের মৌন সংক্রমণ !

আমরা চাহি গো শুধু লীলায়িত 'ছায়া-স্বপ্নায়',  
রঙে প্রয়োজন নাই, কি হ'বে রঙীন তুলি নিয়ে ?  
'ছায়া-স্বপ্না'ই শুধু বিচিত্রের মিলন ঘটায়,—  
বাঁশী আর শিঙারবে,—স্বপনে স্বপনে দেয় নিয়ে

নিষ্ঠুর বিদ্রূপ আর অশুচি বাচাল পরিহাস,—  
পরিহার কর দুই প্রাণঘাতী ছুরির মতন ;  
রন্ধন-গৃহের যোগ্য ও যে নীচ রসুনের বাস,  
দেবতার (ও) পীড়াকর ; তাঁদেরো কাঁদায় অকারণ ।

কবিতার কুঞ্জগৃহে বাগ্মিতা প্রবেশ যদি করে,—

বাগ্মিতার গ্রীবা ধরি' মোচড় লাগায়ো ভাল মতে ;

অনুশীলনের লাগি সাধু শ্লোক এনো ভাষান্তরে,—

সে কাজ বরঞ্চ ভাল ;—কবিতারে মাঠে মারা হ'তে ।

বাণীর লাঞ্ছনা, হায়, বর্ণনা করিতে কেবা পারে,—

অনধিকারীর হাতে কি দুর্দশা, বিড়ম্বনা কত !

হীরা, জিরা মিলাইয়া শিকল সে গেঁথেছে পয়্যারে,

নিজ্জীব, বৈচিত্র্যহীন ;—অর্কবাচীন অনার্থ্যের মত ।

শব্দের ললিত লীলা,—সমাদর সর্বযুগে তার ;

উড়িয়া চলিলে শ্লোক মুক্তপাখা পাখীর মতন !

পাওয়া যাবে সমাচার প্রয়াণ-চঞ্চল চেতনার,

আরেক নূতন স্বর্গ,—ভালবাসা আরেক নূতন !

কবিতা সে হ'বে শুধু সঙ্গীতে সঙ্কেতে উদ্বোধন,—

আভাসের ভাষাখানি,—প্রভাতের মঞ্জিম বাতাস ;

ছ'পাশে দোলায়ে যাবে গোলাপ কমল অগগন !

বাকি যাহা,—সে কেবল পণ্ডশ্রম, পাণ্ডিত্য-প্রয়াস ।

পল্ ভার্নে ।

## স্বর্ণযুগ

দেখিয়াছি তারে মেঘের মাঝারে,  
পাহাড়ের জঙ্গলে,  
ছুঃখে গলে না স্নেহে সে ভোলে না,  
কেবলি নাচিয়া চলে !

তবু তার সেই চাহনিটি যেন  
পূর্বরাগের চাওয়া,  
দোলাইয়া যেন যায় বনে বনে  
প্রভাত-শুভ্র হাওয়া !

চিরকামনার স্বর্ণ যুগ সে,  
কীর্তি তাহার নাম ;  
শিকারী এবং কুক্কুরদলে  
ছায় না সে বিশ্রাম ।

পাউণ্ড ।

## কর্তব্য ও পুরস্কার-লোভ

পুরস্কার-লোভে হায় কর্তব্য কে করে ?  
মানুষ কি দেছে কবে বর্ষা-জলধরে ?

‘কুরান’-গ্রন্থ ।

## শ্রোতে

কালিকার আলো ধরিয়া রাখিতে নারি ;  
আজিকার মেঘ কেমনে বা অপসারি ?  
আজিকে আবার শরৎ আসিছে মেঘের চতুর্দলে,  
শত হংসের পক্ষ-তাড়নে উড়ো-কাঁদনের বোলে !

পাত্র ভরিয়া প্রাসাদ-চূড়ায় চল,  
প্রাচীন দিনের কবিদের কথা বল ;—  
শ্লোকে শ্লোকে সেই পরম গরিমা, চরম সুষমা গানে,  
ছত্রে ছত্রে অনলের সাথে জ্যোৎস্না পরাণে আনে ।

পাখীর আকুতি আমিও জেনেছি কিছু,  
পিঞ্জরে তবু আছি করি' মাথা নীচু ;  
কল্প-লোকের তারায় তারায় ফিরিতে তবুও হারি,  
পায়ের ধুলার মত ধরণীরে ঝেড়ে ফেলে দিতে নারি ।

শ্রোতের সলিলে মিছে হানি তরবারি,  
মিছে এ মদিরা শোক সে ভুলিতে নারি !  
নিয়তির সাথে দ্বন্দ্ব বাধায়ে মিথ্যা জয়ের আশা,  
তুলে দিয়ে পাল, হাল ছেড়ে শুধু শ্রোতে ও বাতাসে ভাসা

লি-পো

## ভাবের ব্যাপারী

উৎসব-শেষে অতিথির দল গিয়েছে চ'লে,  
পানের পেয়ালা ফেলে গেছে হায় হর্ম্যতলে ;  
আর কেহ নাই জাগায়ে রাখিতে সে কল্লোল  
ওঠ্ জামি । তবে পাত্রটা তোর ভরিয়া তোল্ !  
হোক সুরাশেষ কিবা অমৃতের ফেনা,  
জুড়ে দেরে ফের রসের সে লেনাদেনা !

কতই গাহিলি কতই নীরবে কাঁদিলি, হা রে  
মুক্তার মালা গাঁথিলি সোনার বীণার তারে ।  
বরষে বরষে কতই নূতন তুলিলি তান,  
জীবন ফুরায় তব্ হায় শেষ হ'ল না গান !  
তবে সুরু কর রসের সে লেনাদেনা,  
হোক সুরা কিবা সুধা-সাগরের ফেনা !  
জামি ।

---

## কবি

চন্দ্র আমার মনের মানুষ !  
বন্ধু সে পারাবার !  
গগন আমার ভবনের ছাদ !  
প্রভাত আমার দ্বার !  
সিন্ধু-শকুনে সঙ্গী করিয়া  
চুমি গো গগন-ভালে,  
নিজ দেবত্ব লুটতে না পারি  
ধরণীর ধূলিজালে ।

চাং চি হো ।

## সঙ্গীত-মিস্ত্রির নিবেদন

( মাঝাবৃত্ত অমিত্রাক্ষর )

ইংলণ্ড ! ইংলণ্ড !

সিক্কুর প্রহরী !

রাষ্ট্রের স্রষ্টা !

মানুষের ধাত্রী !

সঙ্গীত শুনিবার

অবসর আছে, কি ?—

সঙ্গীত-মিস্ত্রির

অপরূপ কীৰ্ত্তি ?

গোলমাল দিনরাত, •

কেমনে বা শুনিবে ?

নানা দলে কলহের

চীৎকার তুলিছে ;—

ভিক্ষুক ক্ষুধিত,

খনিজীবী খুসী নয়,

‘শ্রম’ নামে রাক্ষস

বন্ধনে অস্থির ।

তবু, কবি-কন্ম-

কারেদের নেহায়ে

পড়িতেছে হাতুড়ি,—

গড়িতেছে ছন্দ ;—

তন্ময় মুখ সব,—

উজ্জল, রক্তিম,

তীর্থ রেণু

হাপরের তাপে, হায়,

ঝলসায় চক্ষু !

সত্য কি ?—শুনিছ ?

তুমি সব দেখিছ ?

তবে বুঝি নয় ইহা

পশু ও নিষ্ফল ।

ওগো এই সঙ্গীত-

অনুরাগ, মানবের

স্বভাবেতে, শাস্ত

রহিয়াছে লগ্ন,—

জীবনের খাতি

প্রণয়ের পানীয়ে

পুষ্ট সে, হৃষ্ট সে

মৃত্যুর অতীত ।

বিশ্বের সুগভীর

মর্মেতে ভিত্তি,

যমজ সে নিখিলের

সকলের সঙ্গে ;

শুধু তাই ? কিবা এই

প্রকৃতির তত্ত্ব ?

ছন্দে সে প্রকাশের

নিরবধি চেষ্টা !

তরুলতা—পুষ্পে,

তারা—উদয়াস্তে,

নদী—ভাটা জোয়ারে

সঙ্গীতে বেপমান !

সঙ্গীত-মিস্ত্রির নিবেদন

রাজরাজ ব্রহ্মণ

কবিদের জ্যেষ্ঠ,

তঁারি মহাছন্দে

চরাচর চলিছে ।

তাই কহি, বিজ্ঞপ

কবিতারে ক'রো না,

মা আমার ! মা আমার !

মানবের ধাত্রী !

ধনজন, বৈভব,

সবই ক্ষণভঙ্গুর,

ছেড়ে যায় লক্ষ্মী,

শ্রব শুধু বাণী গো !

গান ঘিরে রাখে সব,

গান কভু মরে না,

মানুষ রচিবে গান

শুনিলে তা' মানুষে ।

সৃষ্টির একতান

সঙ্গীত যতদিন

ঝরি' ঝরি' অবিরাম

নাহি হয় নিঃশেষ,

ততদিন আমরাও

তারি সাথে গাহিব ;

যে গানের ছন্দে

নর্তিত বিশ্ব !

তবে, কবি-কর্ম-

কার দিক্ কবিতায়



তীর্থ রেণু

উপহার তোরে গো !

মানবের ধাত্রী !

বয়সের চিহ্ন

মুখে তোর পড়িছে,

স্বপ্নের মত ছায়

সময়ের ছায়া গো ।

গান সেই ঔষধ—

যাহে ফিরে যৌবন,

উৎস সে নবতার,

প্রভাতের নির্ঝর !

তঁাতশালে জগতের

ভাগ্য তো বুনিছ ;—

শ্রম লঘু হয় কিসে

গান নাহি গাহিলে ?

ভেবেছ কি ছুনিয়ায়

সার শুধু খাটুনি ?

পূজিবার,—বুঝিবার

আছে শোভা, হর্ষ ;

কবি নহে তুচ্ছ,

হীন নহে কবিতা,

মা আমার ! মা আমার !

মানবের ধাত্রী !

ওয়াটসন্ ।

## মেলার যাত্রী

( দান্দি শ্রাব্ )

চটপট ওঠ ওঠ গো মাস্মু !  
ছিরি ছাঁদ আছে মোদেরো মাস্মু !  
সূঁষার মত কপাল মাস্মু !  
বিক্মিক্ চোখ্ উজল মাস্মু !  
দাঁত আমাদের মুক্তো মাস্মু !  
ছুটি ঠোঁট উদ্যুক্ত মাস্মু !  
চুল চুলবুল হাওয়াতে মাস্মু !  
বসে কি ভাবিস্ দাওয়াতে মাস্মু !  
পশ্ মৌ পোষাক পরে নে মাস্মু !  
গাঁয়ে আমাদের মেলা যে মাস্মু !  
পাগড়ী মাথায় বেঁধে নে মাস্মু !  
চাদর খানাও কাঁধে নে মাস্মু !  
তাজা ফুলগুলো হাতে নে মাস্মু !

ধো-ধো-জিম্-জিম্ !

জিম্-জিম্-ম্-ম্ !

## পতঙ্গ ও প্রদীপ

( হিন্দি )

পতঙ্গ কহিছে 'দীপ ! তুমি দেখ রঙ্গ,  
তোমার লাগিয়া জ'লে নদিতে পতঙ্গ ।'  
দীপ কহে, 'হায়, বন্ধু, অভিমান মিছে,  
আগে হ'তে আমি অলি, তুমি অলি পিছে ।

## সঙ্কেত গীতিকা

ভোর হ'য়ে গেছে, এখনো ছয়ার বন্ধ তোর ।

সুন্দরী ! তুমি কত ঘুম যাও ? স্বজনী !

গোলাপ জেগেছে, এখনো তোমার নয়নে ঘোর ?

টুটিল না ঘুম ? দেখ চেয়ে,—নাই রজনী ।

প্রিয়া আমার,

শোনো, চপল !

গাহে কে ! আর

কাঁদে কেবল !

নিখিল ভুবন করে করাঘাত ছয়ারে তোর,

পাখী ডেকে বলে 'আমি সঙ্গীত-সুষমা' ;

উষা বলে 'আমি দিনের আলোক, কনক-ডোর',

হিয়া মোর বলে 'আমি প্রেম, অয়ি সুরমা !'

প্রিয়া ! কোথায় ?

শোনো, চপল !

বঁধুয়া গায়,—

নয়নে জল ।

ভালবাসি নারী ! পূজা করি, দেবী ! মূরতি তোর,

বিধি তোরে দিয়ে পূর্ণ ক'রেছে আমারে

প্রেম দেছে শুধু তোরি তরে বিধি হৃদয়ে মোর,

নয়ন দিয়েছে দেখিতে কেবল তোমারে !

প্রিয়া আমার,

শোনো, চপল !

গাহিতে গান

কাঁদি কেবল !

ভিক্তর হুগো ।

## কৃপা-কাৰ্ণৱ

অবগুণ্ঠন কৰ গো মোচন, নিশাৰ আঁধাৰ  
গিয়েছে ক'য়ে,  
বাহিৰ হও গো, তোমাৰে দেখিতে সূৰ্য্য এসেছে  
বাহিৰ হ'য়ে !  
মোর মৰমের যতেক তন্তু যত খুসী তুমি  
জটিল কৰ,  
কুসুম-গন্ধি কুন্তল শুধু কুটিল কোৱো না,  
মিনতি ধৰ ।  
যেখানে সেখানে অমন কৰিয়া চাহনি তোমাৰ  
যেয়ো না হানি;  
সাৱা ধৰণীতে হাহাকার ধ্বনি তুলো না, তুলো না,  
তুলো না ৰাণী !  
আকাশের তারা গণিয়া গণিয়া আমি যে যামিনী  
কাটাই নিতি,  
জাগো জাগো মোৰ প্ৰভাতের আলো ! মৌন ধৱাৰ  
ফাগুনী গীতি !  
ফজলীৰ দিন কাতৰে কাটিছে ;—কাৰণ তাহাৰ  
সুধালে কেহ,—  
সৱগের কথা কি বলিবে ? হায়, একটুও তাৰে  
দাওনি স্নেহ !

ফজলী ।

## শিকারীর গান

মহয়া গাছের তলে হরিণ চরে,  
আরে, ঘাসের 'পরে ;  
গুড়িগুড়ি বাঁকা পথে শিকারী চলে ;  
আহা, কতই ছলে !  
মহয়ায় হরিণের মন হরিল,  
সারা বন ভরিল ;  
তীর বেগে হয়ে খাড়া ধনুকধারী  
তীর হানে শিকারী !  
মহয়া গাছের ছায়ে হরিণ পড়ে ;  
লোহ লাগে শিকড়ে ;  
আহ্লাদে ফুকরিয়া চলে শিকারী,  
আজি, আমোদ ভারি !  
আরে ! ধনুকধারী !

---

## নারী

নারী নিরমলা, নারী সুন্দরী,  
নারী মনোরমা স্বর্গের পরী,  
নারী সে ভেষজ ব্যথিত মনের,  
নারী সে ভূষণ বীৰ্য্যবানের,  
নারী সম্পদ, নারী সন্মম,  
নারী-প্রেমলাভ ভাগ্য পরম ।

অল্‌রিচি :

## নৃত্য-গীতিকা

( মেক্সিকো )

গোটা গোটা উঠল ফুটে জাল-তু-মোতির ফুল,  
পাপড়ি সে পূরন্ত হ'ল বাতাসে ছলছল ;  
পাহাড় কোলে কুজাটিকা ঘুমিয়ে প'ল আজ,  
শীষ দিয়ে ঐ নীল পাখীটি ডুবলো পাতাব মাঝ !  
কঠিন ঠোঁটে গাছের বাকল কোন্ পাখী কাটে,  
কাঠবিড়ালীর 'চিড়িক্' 'চিড়িক্' শব্দে কান ফাটে ;  
কালো বাহুড় মাকুর মতন সাঁঝের জাল বোনে,  
ফলন্ত গাছ হয়ে কথা কয় মাটির সনে !  
হাওয়ার কোলে মিলিয়ে গেল একলা চীলের ডাক,  
বৃষ্টি এসে পড়ল ব'লে,— আয় গো নাচা যাক্ ।

---

## মন যারে চায়

( যুক্তারি )

কাকের ও কোলাহল চাইনে,  
মুখর ঘটক দল চাইনে,  
মন যারে চায় আমি তারে শুধু চাই ;  
ডগমগ চৌদোল চাইনে,  
জগবম্পের রোল চাইনে,  
মন যারে চায় আমি তারে শুধু চাই ।  
ছুরে আমের শাখা চাইনে,  
কপালে সিঁদূর আঁকা চাইনে,  
ভালবাসা যায় যারে তারে শুধু চাই ।

---

## বসন্তের প্রত্যাবর্তন

কিরণে ঝলমল                      অগাধ নীলজল,  
নীল কমল তায় ফুটেছে ;  
বনের পথ ধরি'                      চলেছে সুন্দরী,  
নীল কমল হেরি' ছুটেছে ।  
ঝাপসা ঝোপে ঝাপে      ব্যথিত বায়ু কাঁপে,  
পিচের শাখে শাখে পাতার সূচী ;  
ঝাউয়ের হৃদ ছায়া      'রচিছে কিয়ে মায়া  
ছড়ায়ে বন পথে সোনার কুচি !  
নীল কমল লগি'                      চলে কমল-সখী,  
বন বিজ্ঞান, ভিজা ভেষজ ভ্রাণ ;  
আবেশে একাকার                      চলিতে পিছে তার  
শুনি গো বারবার পুরাণো তান ;—  
“নিখিলে আছে মিশে • কাহিনী অনাদি সে,—  
যা' ছিল পুরাতন হ'ল সে নব ;  
কালের বিধে অরা                      তরুণ হ'ল ধরা  
পুরাণো প্রাণে নব প্রেমোৎসব !”  
স্বকৃত ।

---

## .. প্রেমিক ও প্রেমহীন

ভাল যারা বাসে শুধু তারা ভাল থাকে ;  
প্রেমহীন সারা হয় বহি' আপনাকে ।  
‘কুরাল’-গ্রন্থ ।

---

## “বৌ-দিদি”

বৌ-দিদি চাস্ ? বোন্টি আমার,  
বৌ-দিদি তোর চাই ?  
তারার হাতে খুঁজব এবার  
দেখব যদি পাই !  
তুই যে মোদের পুণ্যপ্রভা,—  
ঠাকুর ঘরের দীপ ;  
তোর মতোটিই আন্তে হ’বে  
পুণ্য হোমের টিপ্ ।

স্বপ্ন-দেবীর পাখা ছ’খান্  
ধার ক’রে-না-নিয়ে,  
ঝড়ের রাতে বেরিয়ে যাব  
কারেও না জানিয়ে ;  
ধরূব গিয়ে ঝড়ের বেগে  
রামধনুকের ডোর,  
রামধনুকের একটি রেখা  
বৌ-দি’ হ’বে তোর !

ডুবব সোজা সাগর জলে  
সূর্যালোকের মত,  
প্রবাল-গুহায় অঙ্গরীরা  
নাইতে যেথায় রত,  
পরীরানীর মুকুটখানি  
আন্ব সাথে মোর ;



ভীর্থ রেণু

সেই মুকুটের মধ্য-মণি  
বৌদি' হ'বে তোর !

পক্ষীরাজের পিঠেতে সাজ  
মুখে লাগাম দিয়ে,  
যাহু-জানা পাগল-পানা  
কল্লনাকে নিয়ে,  
সটান্ গিয়ে কল্ল-লোকের  
আন্দ সে মন্দার,  
বৌদি' তোমার সেই তো হ'বে ;  
বোন্টি গো আমার ।

ডিরোজিয়ো ।

---

## ভালবাসার সামগ্রী

ভালবাসি হাসিভরা বসন্ত মধুর,  
আর ভালবাসি নব বরষ প্রবেশ ;  
রসের পূরিয়া ভালবাসি গো আঙুর  
ভালবাসি সুখালস প্রেমের আবেশ !  
ধরে রাখ, দেখ দেখ, সুখ না পালায়,  
পালালে সে এ জীবনে ফিরিবে না হয় ।  
সম্রাট বাবর ।

## অতুলন

( একটি মালাই পাস্ত্রমের হুগো কৃত ফরাসী অনুবাদ হইতে )

প্রজাপতিগুলি খেলিয়া ফিরিছে পাখার ভরে,  
শৈল-মেথলা সিন্ধুর কূলে গেল গো তারা !  
পঙ্করতলে মন কাঁদে মোর কাহার তরে,  
জন্ম অবধি সারাটা জীবন এমনি ধারা ।

শৈল-মেথলা সিন্ধুর কূলে গেল গো তারা !  
গৃধ উড়িল—চলিল সে বাস্ত্রামের পানে ;  
জনম অবধি সারাটা জীবন এমনি ধীরা,  
কিশোর মূর্তি বড় ভাল লাগে মোর নয়ানে ।

গৃধ উড়িয়া চলে ওই বাস্ত্রামের পানে,  
পদ্মনপূরে পৌছি' গুটায় পক্ষ দু'টি ;  
কিশোর মূর্তি বড় ভাল লাগে মোর নয়ানে,  
তবু ভাল যারে বাসি তার মত নাইক দুটি ।

পদ্মনপূরে গৃধ গুটায় পক্ষ দু'টি,  
যুগল কপোত চলেছে উড়িয়া দেখ গো চাহি ;  
ভাল যারে বাসি তার মত আর নাইক দু'টি,  
মরম-দুয়ার খুঁজে নিতে তার তুল্য নাই ।

## সন্ধ্যার সুর

ওই গো সন্ধ্যা আসিছে আবার, স্পন্দিত-সচেতন  
বৃন্তে বৃন্তে ধূপাধার সম ফুলগুলি ফেলে শ্বাস ;  
ধ্বনিতে গন্ধে ঘূর্ণি লেগেছে, বায়ু করে হাহতাশ,  
সান্দ্র ফেনিল মূর্চ্ছা-শিথিল নৃত্য-আবর্তন !

বৃন্তে বৃন্তে ধূপাধার সম ফুলগুলি ফেলে শ্বাস,  
শিহরি' গুমরি' বাজিছে বেহালা যেন সে ব্যথিত মন ;  
সান্দ্র-ফেনিল মূর্চ্ছা-শিথিল নৃত্য-আবর্তন !  
সুন্দর-স্নান, বেদী সুমহান্ সীমাহীন নীলাকাশ ।

শিহরি' গুমরি' বাজিছে বেহালা যেন সে ব্যথিত মন,  
অগাধ আঁধার নির্বাক-মাঝে নাহি পাই আশ্বাস ;  
সুন্দর-স্নান বেদী সুমহান্ সীমাহীন নীলাকাশ,  
ঘনীভূত নিজ শোণিতে সূর্য্য হ'য়েছে অদর্শন !

অগাধ আঁধার নির্বাক-মাঝে নাহি পাই আশ্বাস,  
ধরার পৃষ্ঠে মুছে গেছে শেষ আলোকের লক্ষণ ;  
ঘনীভূত নিজ শোণিতে সূর্য্য হ'য়েছে অদর্শন,  
স্মৃতিটি তোমার জাগিছে হৃদয়ে, পড়িছে আকুল শ্বাস ।  
বদলেয়ার ।

## কৌশলী

( প্রাচীন মিশর )

শয্যাগ্রহণ করিয়া রহিব পড়িয়া ঘরে,  
নীড়িত জানিয়া পড়শী আসিবে দেখিতে মোরে ;  
আমি জানি মনে তাহাদেরি সনে আসিবে প্রিয়া,—  
আমারে নীরোগ করিয়া, বৈতে লজ্জা দিয়া !

## নীরব প্রেম

পাপিয়ার তান না ফুরাতে, রবি, সহসা যেমন ক'রে  
নিম্প্রভ করি' ছায় রশ্মিতে মন্ডর শশধরে,  
তেমনি করিয়া, সূর্য্যের মত উজ্জল তব রূপ,  
কণ্ঠ আমার ক'রেছে হরণ ; গান একেবারে চূপ !

উতলা বাতাস সহসা যেমন দ্রুত পাখাভরে আসি'  
জোর ফুঁয়ে ভেঙে ফেলে গো কীচক,—তার সবে-ধন বাঁশী ;  
তেমনি করিয়া আবেগের ঝড় আমারে করে গো ক্ষীণ,  
ভালবাসা মোর অমিত বলিয়া ভালবাসা ভাষাহীন ।

নয়ন আমার সে কথা তোমারে জানায়েছে নিশ্চয় ;—  
কেন যে বাঁশরী নীরব আমার বীণা সে মৌন রয় ;  
সে কথাটি যদি না পার বুঝিতে বিদায়, বিদায় সাকী,  
না-পাওয়া চুমার, না-গাওয়া গানের স্মৃতি লয়ে আমি থাকি ।  
ওয়াইল্ড্ ।

## প্রথম সন্ধ্যা

কতবার ভেবেছি গো, ভগবান নিজ করুণায়,  
নিভৃতে সৌন্দর্য্য তব দেখাইয়া দিবেন আমায় ;  
আজিকে আপনা হ'তে তুমি মোরে দিলে দরশন !  
অনেক দিনের সাধ—হৃদয়ের—করিলে পূরণ ।  
চক্ষু দেখিতেছি তোমা, কণ্ঠস্বর শুনিতেছি কানে,  
হে স্নানরী ! কহ কথা, আরবার চাহ মোর পানে ;  
মুগ্ধ এ শ্রবণে তুমি বল যাহা বলিবার আছে,  
অন্তরের অভিলাষ অসঙ্কোচে কহ মোর কাছে ।

ফর্দুসী ।

## মুগ্ধ

নীল আকাশের বিমল বিভাতে  
তোমারেই শুধু দেখি, কিশোরী !  
গিরি নিঝরের রূপালি তুফানে  
তুমি দেখা দাও মূরতি ধরি' !  
স্পন্দনহীন প্রথর রৌদ্রে  
রয়েছ দাঁড়ায়ে হে অঙ্গরী ।  
চঞ্চল শিখা তারায় তারায়  
হাসিছ আকুল জোছনা ভরি' !

যে দিকে চাই  
দেখি তোমায় !  
আঁখি ফিরাই,—  
রয়েছ ! হায় !

কভু পিছে কভু হাসিছ সমুখে,  
হায় নিষ্ঠুরা ; একি চাতুরী !

কিস্কানুড়ি ।

## প্রেম-পত্রিকা

প্রকৃতি-মধুরা, মুখে হাসি ভরা, ভিতরে বাহিরে মধু !  
রূপ-দেবতার প্রতিমা তুমি গো, গঠিত অমৃতে শুধু !  
সুলতানা ! আমি গোলাম তোমার, বাঁধা আছি হাতে গলে,  
রাখিতে, মারিতে, বিক্রি করিতে পার গো ইচ্ছা হ'লে ।

ওই অধরের সুধা পান করি' আয়ু হ'ল অক্ষয়,  
অমৃত-কূপের সন্ধান জেনে মরণে কি আর ভয় ?

তীর্থ রেণু

স্বাহু ও সরস নাহি চাহি যশ, তুমি রাখ হাতে হাত,  
রাজা বিনা কার এমনটা ঘটে ? আর কেবা হয় মাত ?

কপোতের মত শুভ্র আমার ক্ষুদ্র এ চিঠি থানি,  
পাখীনা মুড়িয়া চলিল উঠিয়া তোমারি সমীপে, রাণী !  
এমন একটা কিছু করা চাই শীঘ্র না ভোলে লোকে,  
সাবাস নেজাতি, তোম্—তানা--নানা, হাসি যে উছলে চোখে !  
নেজাতি ।

## ব্রাহ্ম গান

মেছুর নয়ন            মেঘের মতন,  
দারুচিনি জিনি দাঁত,  
চোখের চাহনি,    চাহনি সে নয়, —  
লাখ টাকা হাতে হাত !  
বোটাতে তোমার    জল যদি থাকে  
দাও গো না করি' হল,  
আমার পক্ষে            হ'বে ঔষধ  
তোমার হাতের জল !  
ওগো সুন্দরী            ক্রান্ত মনের  
পক্ষেতে তুমি তাঁবু,  
শর্কর-খাদ্য            বাদশাজাদা সে  
ও রূপের কাছে কাবু !  
তুমি যেন কোনো ফুলের গন্ধ,—  
কেবল গন্ধটুকু !  
গোলাম আমারে ক'রেছে তোমার  
মশালা-গন্ধি মুখ !

# সাধ

( মিশর )

তোমার ছুয়ারে দ্বারী হ'তে পেলো আমি তো ভাই

কিছু না চাই,

বাঁচিয়া যাই !

ভৎসনা-বাণী কম্পিত মনে শুনি গো কত,

শিশুর মত,

নয়ন নত ।

আমি যদি হায় হ'তাম তোমার হাবসী দাসী,

রূপের রাশি,

নিকটে আসি'

অবাধে দ্ব'চোখ ভরি' দেখিতাম ; সরম ভরে

যেতে না স'রে,

ঘোমটা প'রে !

হ'তাম যদি ও করে অঙ্গুরী, কণ্ঠে মালা,—

হৃদয় আলা !

রূপসী বাল্য !

মালারি মতন ছলিতাম তবে হৃদয় তলে,

নানান্ ছলে,

বেড়িয়া গলে ;

এক হ'য়ে যেত আঙ্গুলি আর অঙ্গুরীতে,—

অতি নিভূতে,—

ছুইটি চিতে ।

## সঙ্কোচ

ভালবাসি তারে প্রাণপণ ভালবাসা,  
তাহারি বিরহে মরিয়া যেতেছি হুখে ;  
সে নাম শুনিতে কেহ যদি কর আশা,  
বলিব না, হায়, আনিতে নারিব মুখে !

মিলন জনমে যদি নাই ঘাটে, হায়,—  
আশা যদি শুধু উঠিয়া মিলায় বৃকে,—  
অশরণ হিয়া ফাটিয়া টুটিয়া যায়,—  
তবুও সে নাম বলিতে নারিব মুখে !

গোপন সে নাম বাহির করিতে কেহ  
ছুরি ল'য়ে যদি আসে মোর সম্মুখে,—  
চিরে চিরে করে চিরুণীর মত দেহ,—  
তবু বলিব না,—আনিব না তাই মুখে !  
যার কেশজালে হৃদয় পড়েছে ধরা,—  
যেখানে সেখানে যখন তখন

সে নাম কি যায় করা !  
জাফর

## দুঃসহ দুঃখ

চাঁদের নৌকা ভাসিয়া চলেছে নৈল-শিখর 'পরে  
প্রদীপের আলো মরে ;  
অতীত অযুত বসন্ত আজি বৃকে মোর হাহা করে,  
আর, আঁখি জলে ভরে !  
মরমের ব্যথা বুঝিলে না, বঁধু ! এ দুঃখ রাখিতে ঠাই  
নাই গো কোথাও নাই ।

ওয়াং সেং-জু।



## টাদের লোভ

অবগুণ্ঠন ঘুচাও, রূপের  
আলোকে ভুবন ভরিয়া দাও,  
পুরাতন এই ধূলির ধরণী  
নিমেষে সর্গ করিয়া দাও !  
স্বর্গ-নদীর মৃৎ-হিল্লোল  
হাসিতে তোমার দোলায়ে দাও,  
অগুরু-গন্ধে ছেয়ে ফেল দেশ,—  
কুঞ্চিত কেশ এলায়ে দাও !  
তব কপোলের সুকোমল লোম  
ফার্মী আখরে লুকুম লিখে,  
বাতাসের হাতে দিয়ে, বলে দেছে,—  
“জয় ক’রে এস দিগ্বিদিকে !”  
অমৃত কুপের সফান, যদি  
বিধাতা না দেন, পায় না কেহ,  
হাজার বরষ ঘুরে মর কিবা  
মাটি হ’য়ে যাক সোনার দেহ !  
জয়নাব ! তুমি অ-বলার রীতি  
এবারের মত ছাড়িয়া দাও,  
নিষ্ঠায় মন দৃঢ় কর, সখী,  
আকাশের টাঁদ পাড়িয়া নাও !  
জয়নাব !

## তবু

তবু মোরে হ'ল না প্রত্যয় !  
হাজারের মাঝে, ওরে !      বেছে যে নিয়েছে তোরে  
আমার এ অবোধ হৃদয় ।

ছিছু একা, ছিলাম স্বাধীন ;  
তোমারি লাগিয়া হায়,      শিকল প'রেছি পায়,  
রহিব তোমারি চিরদিন ।

ফর্দ সী ।

---

## উপদেশ

কথা শোন, বুল্‌বুলি !  
দিন কিনে নে রে বণ্ট !  
অরুণ এ দিনগুলি  
ভালবাসিবারি জন্ত ।

বিজ্ঞেরা অকারণে  
নিন্দে প্রণয়টিকে,  
প্রেমিক জেনেছে মনে  
বিজ্ঞ আমোদ ফিঁকে ।

স্বপ্ন যদি এ প্রণয়  
নিজ্রা বাড়ানো যাক্ ;  
জাগার বয়েস এ নয়,  
সে ভাবনা আজ থাক ।

তীর্থ রেণু

যদি দেখি সুখ-স্বপন  
স্বপনেরি সাথে চুঁয়ায়,  
শেষ করা যাবে জীবন  
ভুলচুকে ধরা ধুয়ায়।

দে জুয়ি।

---

## নিশ্ফলারত্ন

( মিশর )

মৃণালের লাগি কাঁদিছে মরাল  
কাতরে বিদায় কালে,  
তুমি তো দিলে না ভালবাসা, শুধু  
আমি জড়াইছু জালে ;  
হৃদি-তন্তুতে পড়েছে গ্রস্থি  
কেমনে ছিঁড়িব, হায়,  
কেমন করিয়া এড়াব না জানি,  
ছাড়াতে জড়ায় পায় !  
নিত্য যে আমি সন্ধ্যাবেলায়  
নিয়ে যাই পাখী ধ'রে,  
পরিজনে যদি সুধায় আজিকে,  
কি কহিব উত্তরে ?  
তোমার প্রেমেরে বন্দী করিতে  
আজি পেতেছিছু জাল,  
নিশ্ফলে বেলা ফুরাল আমার  
বুধা কেটে গেল কাল।

## গুপ্তপ্রেম

হিয়ার মাঝারে প্রাণ কাঁদে মোর  
খেদে ছ'নয়ন বুঝে ;  
বঁধুতে আমাতে হ'ল না মিলন,  
চিরদিন দূরে দূরে ।  
মন্দ লোকের সন্দেহে ধিক্,  
বিধাতা জানেন মন,  
চক্ষের দেখা দেখিতে পাবনা  
তাই ভাবি অন্ধুখন ।

কুরেন্বার্গ ।

---

## অভ্যর্থনা

পদ্মে রচিয়া বন্দন-মালা ছায় না তোরণে দোলায়ে,  
সম্বল তার আঁখি-পদ্মের দৃষ্টি ;  
সুরভি অধরে মুহু হাসি লয়ে বাতায়নে থাকে দাঁড়ায়ে,  
পুষ্পদশনা করে না পুষ্পবৃষ্টি ।  
মঙ্গল ঘট বুকে ক'রে থাকে, শ্রম জলে অভিষিক্ত,  
মাটিতে নামায়ে রাখিতে দেখিনি কভু সে,  
তরুণীর পতি অভ্যর্থনা বাহির হইতে রিক্ত,  
অস্তুরে মিঠা অমৃত ছিটায় তবু সে ।

রাজা অমর ।

---

## সন্ধ্যার পূর্বে

ওগো !            দিনের নাবাল ভুঁয়ে,  
আর                রজনীর এই পারে,  
কিছু                ধরিয়া পাইনে ছুঁয়ে  
আঁখি                ডুবে যায় একেবারে ;  
ছায়া                মোলায়েম, আলো মৃদু,  
পড়ে                পথে ঘাটে লুয়ে লুয়ে ;—  
রবি                ছড়িয়ে গেছে যে সীধু,  
বাদল                যে ফুল গিয়েছে থুয়ে ।  
এই                নিভৃত নিমেষ গুলি  
সে কি                বৃথাই বহিয়া যাবে ?  
মরণ                • আছে যে নয়ন তুলি,—  
শেষে                প্রেমের অযশ গা'বে ?  
তবে                ফুলেরা দেখুক, অয়ি !  
এই                ভরা প্রেম নিমেষের,  
ওগো                ভালবাসা হ'ক জয়ী  
আজ                মরণের 'পরে ফের ।

স্বইন্বার্ণ ।

---

## অসাধ্য-সাধন

দেহ-বিমুক্ত আত্মা দেখিবে ?—  
এস তবে স্বরা করি',  
মৌন পূজায়,—স্থলিত-বসনা  
দেখ ঐ সুন্দরী ।

নৈলি ।

## পান

নয়নে নয়ন রাখ গো  
হাতখানি রাখ হাতে,  
অধরে অধর ঢাক গো  
ঘন চুষন পাতে !  
চুষন সে যে মধুর মদিরা  
প্রেমিকে করে সে পান,  
পিয়াও, পিয়াও, কাফ্রি-কুমারী !  
চুষন কর দান ।

কমল—কমলে নেহারি’ .  
ফোটে গো যেমন প্রাতে,  
প্রণয় তেমনি দৌহারি  
বিকশিছে এক সাথে ।  
শ্যামল তমাল, শ্যামা লতিকায়  
কোরো না গো ঠাই ঠাই,  
কাফ্রির কালো কাফ্রিণি ভাল,  
তুলনা তাহার নাই ।  
নিখো ডান্‌বার ।

## খেয়ালির প্রেম

ওগো রাণী ! দাস পড়িয়াছে বাঁধা তোমার চুলের

শিকল-জালে,

সকল দাসের আগে চলা তাই দৈবে ঘটেছে

মোর কপালে !

প্রেমের শিবির রচনা করেছি, নিন্দা-নাকাড়া

গিয়েছে বেজে ;

গোলাম তোমার আঁমীর হ'য়েছে, ওই চাহনির

ভূষণে সেজে !

আমার মনের গহন গুহায় পশেছে তোমার

দম্ব্য আঁখি ;—

হৃদয় পরাণ আতিপাতি করি' ধরিতে তোমারে

পারিব নাকি ?

রাঙা অধরের চুম্বন লোভে রাঙা মদিরার

পাত্র চুমি,

স্বরার পাত্র দেখিবা মাত্র মনে হয়, বুঝি,

নিকটে তুমি ।

বিধাতার বরে গরীব মেসিহি আপন খেয়ালে

রয়েছে স্মখে,

বাদশার চেয়ে বড় হ'য়ে গেছে তোমার মূর্তি

ধরি' এ বৃকে ।

মেসিহি ।

## সুলতানের প্রেম

ছিন্ন কলিজা পলিতা হ'য়েছে,  
হাসির আশ্রন লাগায়ে দাও,  
বিধাতার বরে আলো হ'বে ঘর  
মোর দীপখানি জাগায়ে দাও !  
আঁখি জলে মোর হয়েছে সাগর,  
এ তো দু'দিনের বন্ধ্যা নহে,  
কত ঝ'রে গেছে কতই ঝরিছে  
কেবা নির্ণয় করিয়া কহে ?  
স্নান সঙ্কার অরুণ শিঙার,—  
সে আমারি রাঙা চোখের ছায়া,  
আঁধার গগনে তাই তো লেগেছে  
পদ্মরাগের রঙীন মায়া ।  
তুমি সুষমার কাব্য মহান,—  
গোলাপ তো তার একটি পাতা ;  
তব কপোলের মৃদু-লোম-লেখা  
ফার্সী আখরে লিখেছে গাথা !  
আমি বলেছিলাম “জুম্ সুলতান  
তোমার চুমার একটি মাগে”  
মনে পড়ে ? তুমি হেসে বলেছিলে,—  
“দাবী আছে বটে বিধির আগে ।”  
জুম্ সুলতান ।



## প্রেমের অত্যাঙ্কি

( একটি স্পেন্‌ দেশীয় কবিতার অনূসরণে )

হাজারটা মন থাক্ত যদি সব কটা মন দিয়ে,  
ভাল তোমায় বাস্‌তাম্‌ আমি, প্রিয়ে !  
কুবেরের ধন পাই গো যদি পায়ে তা' অর্শিয়ে  
ভাব্ব,—কিছুই হয়নি দেওয়া, প্রিয়ে ।  
লক্ষ-লোচন ইন্দ্র হয়ে, তোমার পানে থাক্‌ব চেয়ে,  
হাজার বাহু দিয়ে তোমায় ধৰ্ব্ব আলিঙ্গিয়ে,—  
কার্তবীৰ্য্য রাজার মত, প্রিয়ে !  
কান্নুর মত শিখ'ব বেণু বৃন্দাবনে গিয়ে,  
তোমায় শুধু ক'র্তে খুসী, প্রিয়ে !  
ফাগুন হ'য়ে দিব তোমায় লাবণ্যে ছাপিয়ে,  
প্রণয় হ'য়ে সোহাগ দিব, প্রিয়ে !  
কবি হ'ব মন গলাতে, রাজা হ'ব সাধ মিটাতে,  
নিত্যকালে পেতে তোমায় স্বৰ্গ হ'ব প্রিয়ে ।  
সকল সাধন,—সকল পুণ্য দিয়ে ।

---

## অদৃষ্ট ও প্রেম

অদৃষ্ট শাসন করে নিখিল ভুবনে,  
শাসনে সে রাখে নৃপগণে ;  
নারীর হৃদয়, প্রাণ, প্রেম চিরদিন  
হ'য়ে আছে তাহারি অধীন !  
রক্ত হ'তে পারে ক্ষয়, কি ফল তাহায়  
অদৃষ্ট প্রেমের গতি, কে রুধিবে, হায় ।

ফর্দুসী ।

## মনের মানুষ

( স্নাইডেন )

সিন্ধু-শকুন শুভ্র পাখা হেলিয়ে চ'লে যায়  
মত্ত তুফান ধ'র্ত্তে আসে, ভয় করে না তার ।  
যে দিকে যাক্ ফিরবে কপোত নীড়েই পুনরায়,  
পরান আমার অহর্নিশি তোমার পানে ধায় ;—

ওগো, মনের মানুষ !

জোয়ারের জন হ'ক সে প্রবল, প্রেমের কাছে নয়,  
পণ্যবহা নদীর মত অগাধ সে প্রণয় ।

ঝরণা জলের মতন বিমল অগ্নি নিরাময় ;  
প্রেমের চোখে তন্দ্রা নাহি সদাই জেগে রয় ;—

ওগো, মনের মানুষ !

অতল-তলে নামতে পারি আনতে মুকুতায়,—  
যেখানে চেউ গুমরে কাঁদে মৌন বেদনায় ।  
বরফ ফুঁড়ে যে ফুল ফোটে পর্বতের চূড়ায়,  
প্রেমের লাগি আনতে পারি—আনতে পারি তায় ;—

ওগো, মনের মানুষ !

---

## বন-গীতি

তেতে যখন উঠছে কোঠা, যায় না ঘরে ঢেঁকা,  
তখন উচিত বেরিয়ে পড়া 'ছই-প্রাগীতে-একা' ।  
চোরাই সোহাগ বেঁটে নেওয়া নয়কো নেহাৎ মন্দ,  
বনের ভিতর ঘনায় যখন অল-বোখারার গন্ধ ।

তীর্থ রেণু

সুখি মামার পাইক গুলো বাইরে বিষম খুঁজ্চে,  
পালিয়ে-ফেরা ফেরার ছোটোর ছুঁছুঁ মিটা বুঝ্চে ।  
ঝোপের খোপে কুল্ফি হাওয়া দিচ্ছে হেথা জুড়িয়ে,  
ছুঁছুঁ ছোটো পাড়্ছে গাছের নিচে তলার কুড়িয়ে ।

দিনটা যখন যাচ্ছে ভাল যায় সে ঘোড়া ছুটিয়ে,  
দীর্ঘ ঘন ঘাসের রাশে পড়্লে কে ওই লুটিয়ে ?  
মুইয়ে-পড়া তৃণ আবার দাঁড়ায় ঘন সার দিয়ে,  
কিছু দেখা যায় না গো আর আঁধার বনের ধার দিয়ে ।

আল্‌বার্ট গায়্‌গায়্‌ ।

---

## মিলনানন্দ

( মিশর )

যখনি তাহারে আসিতে দেখিতে পাই,  
হৃৎ-পিণ্ডটা দ্রুত তালে উঠে তুলে ;  
হৃ'বাহু বাড়ায়ে বাহুতে বাঁধিতে চাই,  
অসীম পুলক উগলে হৃদয়-কূলে ।

ভূজ-বন্ধনে বন্দী যদি সে করে,  
তবু আরবের আতরে তিতিয়া উঠে ;  
চুমে যদি হাসি-বিকচ-বিস্বাধরে,  
বিনা মদিরায় সংজ্ঞা আমার টুটে !

## লুকা

আহা      রাই আমাদের শক্ত মেয়ে,  
ও সে      ছাড়েনা দাঁও হাতে পেলে ;  
রাই      দশটা চাঁপা আদায় ক'রে  
মোটো      একটি চুমা শ্যামকে দিলে !

তার      পরদিনেই এক নূতন কাণ্ড,  
ইঠাৎ      শ্যামের বরাত গেল খুলে ;  
রাই      দশটা চুমা দিলে সেদিন  
মোটো      একটি কদম্বের বদলে !

ওগো      তার পরের দিন রাই আমাদের  
যেন      চাইতে কিছু গেল ভুলে ;  
আহা      শ্যামকে শুধু রাখতে খুসী  
আপন      অধরখানি ধরলে তুলে !

হায়,  
নিজের      তার পরের দিন মূর্খ মেয়ে  
কারণ,      সবই শ্যামের পায়ে খুলে ;  
চুমা      সন্দেহ তার চন্দ্রাকে শ্যাম  
            দিয়েছে গো বিনিমূলে ।

হ্যা-ফ্রেণি ।

## মনোজ্ঞা

( মিশর )

তোমার মনের মতন হইতে কি যে ছিল প্রয়োজন,  
সে কথা আমারে দিয়েছিল ব'লে গোপনে আমারি মন ।  
তুমি যাহা চাও, চাহিবার আগে, আমি তা' করিয়া রাখি,  
যেখানে যখন খুঁজিবে বন্ধু সেখানে তখন থাকি ।  
পাখী মারিবার ভীরধনু লই পাখী ধরিবার জাল,  
মৃগয়ার মাঠে ছুটে সারা হই, রোদে হয় মুখ লাল ;  
আরবের পাখী মিশরে আসে গো আতর মাখিয়া পাখে,  
টোপের উপর ঠোকর মারিয়া শূন্যে ঘুরিতে থাকে !  
গায়ে আরবের ফুলের গন্ধ, পায়ে তার খসখস,  
তোমারে বন্ধু মনে পড়ে গেল, আঁখি হ'ল সুখালস ;  
শুধু কাছকাছি পেলে তোমা' বাঁচি অধিক কামনা নাই,  
তীব্র মধুর নূতন এ সুর বারেক শুনাতে চাই ।

---

## বিদেশী

স্বপনের শেষে আঁখি কচালিয়া কি দেখিছু আহা মরি ।  
চন্দ্রলোকের কাস্তি যেন গো এসেছে মূর্তি ধরি' !  
ভাগ্য আমার ফলিল কি আজ ? লভিছু দৈব বল ?  
বৃহস্পতি কি এল একাদশে ? সখী তোরা মোরে বল ।  
পরিধানে তার বিদেশীর বেশ, পরিচিত তার মুখ,  
প্রেমের রূপের পূর্ণ সুষমা মন করে উৎসুক !  
অনিমেষ চোখে পলক পড়িতে অমনি নিরুদ্দেশ !  
দেবতার দূত ছলিয়া গেল রে মনে বুঝিলাম বেশ ।  
মিহির আর মরণ হ'ল না ; নিশার তিমির চিরে  
সিকন্দরের মত সে গিয়েছে অমৃত-কূপের তীরে ।

মিহি ।

## প্রেম-তত্ত্ব

এই ভালবাসা, এই সেই প্রেম, স্বর্গের সুখ  
মর্ত্যে পাওয়া,  
ঘোমটা ঘুচানো পলকে পলকে, আলোকে পুলকে  
উধাও ধাওয়া !  
প্রেমের পহেলা সংসার ভোলা, প্রেমের চরম  
পক্ষ মেলা,  
আঁখির আড়ালে ফেলিয়া জগৎ, আকাশে বাতাসে  
মত্ত খেলা !  
প্রেমিকের দলে ঢুকেছ যখন, দৃষ্টি বাহিরে  
দেখিতে হবে,  
হৃদয়-পুরীর অলিগলি যত একে একে সব  
চিনিয়া ল'বে ।  
নিশ্বাস নিতে কোথায় শিথিলি, ওরে মন, তুই  
নিস্ তা' জেনে ;  
কেন যে হৃদয় স্পন্দিত হয়—তার সমাচার  
কে ছায় এনে !

কুমি । .

## ‘প্রেম’

গানটি ফুরাইলে                      যদি না মনে লয়  
এমন শুনি নাই জীবনে,  
সে জন গেলে চলে                      যদি না মনে হয়  
মানুষ নাই আর ভুবনে,  
‘রূপসী’ বলিয়া সে সোহাগ না করিলে  
যদি না মানো দীন আপনায়,

তীর্থ রেণু

যদি না জানো মনে “জীবনে মরণেও”  
ব’ল’ না ‘প্রেম’ তবে কভু তায় ।  
বসিয়া জনতায় তারি সৈ প্রেমমুখ  
খেয়ানে যদি দিন না কাটে,—  
গগন ব্যবধান,— তবুও মনো প্রাণ  
না সঁপি’ যদি বুক না ফাটে,  
তাহার নিষ্ঠায় রাখিয়া বিশ্বাস  
স্বপন ভরে দিন নাহি যায়,  
ভাঙিলে সে স্বপন মরিতে নার যদি  
ব’ল’ না ‘প্রেম’ তবে কভু তায় ।  
এলিজাবেথ্ ব্যারেট ব্রাউনিং ।

## বিদায় ক্ষণে

উটের সহিস সাড়া দিয়ে গেল  
পড়ে গেল হাঁকাহাঁকি,  
এমন সময়ে দেখিলু অদূরে  
দাঁড়ায়ে আমার সাকী !  
মন্দ লোকের নিন্দার ভয়ে  
একটি কথা না বলি’  
নিমেষের তরে এসে চলে গেল  
আঁখি এল ছলছলি’ ।  
গোপন কথার শ্রোতা বহু জুটে,  
খুঁজিতে হয় না লেশ,  
এবারের মত বিদায় বারতা  
চোখে চোখে হ’ল শেষ ।  
বেহায়েদ্দিন জোহির ।

## স্বপ্নাতীত

ছলেছিল অচিন্ পাখী এই ডালের এই ফেঁকড়িতে,  
পরশে ফুল ধরিয়েছিল তায় গো !  
তখনো তার হয়নি বাসা আগ্ ডালের ঐ বাঁকটিতে  
একেবারে নীল আকাশের গায় গো !  
ফেঁকড়ি কাঙাল, স্বপ্নাতীত, হায় গো,  
তারেই কিনা গান শোনানো ! বেছে নেওয়া তায় গো !

থুয়েছিল রাজার মেয়ে মাথাটি তার এই বৃকে,  
শুভক্ষণে ক্ষণিক প্রেমের উচ্ছ্বাসে,  
তখনো সে তাহার যোগ্য উচ্চ প্রেমের রাজসুখে  
পায়নিক, হায়, যায়নি মেতে উচ্ছ্বাসে !  
কাঙাল হৃদয়—হর্ষে বুঝি টুটবে সে,  
তারেও কিনা প্রেম দেওয়া গো জমিয়ে রেখে উদ্দেশে ।  
রবার্ট ব্রাউনিং ।

আমার আঁধার ঘরে,  
রাতে এসেছিল হান্কা বাতাস  
ফাস্তুনী লীলাভরে ।  
আমারে ঘিরিয়া ঘুরে ফিরে শেষে  
চুপে চুপে বলে “ওরে !  
উড়ু উড়ু মন উড়াব আজিকে,—  
সাথে নিয়ে যাব তোরে ।”



তীর্থ রেণু

সাগরে চলিল ধারা,  
জ্যোৎস্না-জড়িত শতেক যোজন  
মিলায় স্বপন পারা ।  
মন-রাখা ওগো মনের রাখাল !  
এহু কি তোমারি দেশে ?  
চান্দা নদীর কিনারে কিনারে  
ফাগুনী হাওয়ায় ভেসে ?

ক্ষণিক স্বপ্নাবেশ  
অঁখির পলক পড়িতে টুটিল,—  
হ'য়ে গেল নিঃশেষ !  
ব্যথিত নয়ন লুকানু যেমন  
বিতথ শয্যা-মাঝে,  
পরাণ আমার হ'ল উপনীত  
অমনি তোমার কাছে !

কোথায় চম্পাপুর !  
কোথা আমি, হায়, তুমি বা কোথায়,—  
শতেক যোজন দূর !  
মাঝে ব্যবধান গিরি, নদী, গ্রাম,  
পথে বাধা শত শত,  
সুপ্ত মু'খানি ছুঁয়ে এহু তবু,—  
চকিতে হাওয়ার মত !

৭সেন-৭সান ।

## বন্দ্যার কবিতা

কেমন হ'য়েছে মন,—মনে নাহি সুখ,  
হারায়ে শীতের বাস শীতে কাঁপে বুক ;  
কি হ'ল আমার ওগো সদা ভাবি তাই,  
চন্দনের খাটে শুয়ে চোখে ঘুম নাই ।  
বড়ই দুখিনী আমি বড় অভাগিনী,  
বিদেশে রয়েছে বঁধু আমি একাকিনী ;  
দিন যায় যাতনায় হায় হায় করি,  
রেশ্‌মী বালিশে শুয়ে আমি কেঁদে মরি ।  
তোমারে জানাই বঁধু তোমারে জানাই,  
এ দশায় এ দেশে থাকিতে সাধ নাই ;  
এস একবার এস সাধি পায়ে ধরি'  
ফুল শেষে শুয়ে বঁধু মরি যে গুমরি' ।  
ঝরণা ঝরার মত আঁখিজল ঝরে,  
কেঁদে নদী বয়ে যায় বঁধুয়ার তরে ;  
কি হ'বে ফুলের শেষে, চন্দনের খাটে,  
বঁধু বিনা হাহাকারে সদা বুক ফাটে !  
ফিরে এস, ফিরে এস, এস বঁধু মোর,  
তুমি এলে শুকাইতে পারে আঁখি-লোর ।

---

## পথিক-বধূ

( মিশর )

দুয়ারের পানে সতত চাহিয়া থাকি,  
বঁধু যে আমার আসিবে দুয়ার দিয়া,  
পথে পাহারায় রেখেছি দুইটি আঁখি,  
কর্ণ সজাগ স্তব্ধ ক'রেছি হিয়া !

স্তব্ধ হৃদয় অসাড় হইয়া আসে,  
বন্ধু তোমার সাড়া যে পাইনে তব ;  
তব ভালবাসা নিষি সে আমার পাশে,  
তা' বিনা পরাণ তৃপ্ত হ'বেনা কভু !

প্রবাসে বসিয়া পাঠায়েছ সমাচার,  
'বিলম্ব হবে'—জানায়েছ লিপিমুখে,  
কেন লিখিলে না 'ভালবাসি নাকো আর,  
মনমত ধন মিলেছে,—রয়েছি স্মুখে ।'

চঞ্চল ! তুমি কেন এত নির্দয় ?  
এমনি ক'রে কি বেদনা সঁপিতে হয় !

ভাল রীতি তব ওহে ভালবাসা !  
রয়েছ আমারে ভুলে !  
তোমার লাগিয়া আমি পথ চাই,  
তুমি তো এস না মূলে !

তীর্থ রেণু

আপন ভাবিয়া নিকটে গেলাম  
চ'লে গেলে পায় পায়,  
কমল ভাবিয়া ধরিতে ধাইনু,  
কাঁটায় বিঁধিলে হায় !  
সাথী সমঝিয়া মুখ চাহিলাম  
বিরক্ত হ'লে, বঁধু,  
বেজার হইলে, বৃকে চাপাইলে  
পাষাণের ভার শুধু !  
আশা পথ চেয়ে তবুও রহিনু,  
রহিনু জন্ম ধ'রে,  
ছলনা যে হায় ব্যবসায় তব  
বুঝিনু তা' ভাল ক'রে !  
শতবার তুমি ক'রেছ ছলনা,—  
করেছ শতেক ভাবে,  
দুঃখ কেবল এ ব্যাভার তব,—  
স্মরণে রহিয়া যাবে ।  
শ্রুতের লাগিয়া পাহাড়-আড়ালে  
লইলাম আশ্রয়,  
সুখ দূরে থাক্, সিংহ আসিয়া  
হিয়া উপাড়িয়া লয় !  
তাড়াতাড়ি ক'রে হ'লনা শিঙার  
ফেলে এনু ফুল-ডালা,  
এই কি আমায় পরাইলে সখা  
বিষম জ্বালার মালা ?  
শিকারের মত ক্ষত বিক্ষত  
করিলে আমারে বাজ !

তীর্থ রেণু

জোর জবরিতে পরাণে মারিলে,  
এই কি উচিত কাজ ?  
নিম্খুন্ করি' কাটারি রুখিলে  
পূরে কি মনস্কাম ?  
অকুটি করিয়া যে ছুরি হানিলে  
তাহাতেই মরিলাম ।  
ওগো মনোচোর ! মনের মানুষ !  
কেন তুমি চঞ্চল ?  
চিরদিন কি হে নিরাশ করিবে  
চিরদিন নিষ্ফল ?  
সুস্তিত হই, নিশ্বাস ফেলি  
পূর্বেবর কথা স্মরি,  
কহে বিন্দন, তবু দেখা নাই,  
বিরলে বুরিয়া মরি ।

বিন্দন ।

---

### ‘তাজা-বে-তাজা’

গাও, কবি ! গাও, কর বিরচন  
তাজা তাজা গান, কবিতা নূতন ;  
আঙুরের রসে ভিজে যাক্ মন,—  
তাজা ! তাজা ! তাজা ! নূতন ! নূতন !  
পুতলীর মত রূপসীর সাথে,  
হাসিমুখে এসে বস গো ছায়াতে ;

তীর্থ রেণু

আদায় করিয়া লহ চুম্বন,  
তাজা ! তাজা ! তাজা ! নূতন ! নূতন !

‘ননুয়া তনুয়া’ সাকী একেবারে  
দাঁড়ায়েছে আসি’ আমারি হুয়ারে,  
সে শুধু করিবে সুধা-বিতরণ  
তাজা হ’তে তাজা ! নূতন ! নূতন !

পেয়ালা হেলায় ঠেলিয়া রাখিলে  
জীবনে কি কভু আনন্দ মিলে ?  
পিয়ে দেখ হিয়া মাঝে প্রিয় ধন,  
চিরদিন তাজা ! নিত্য-নূতন !

মন-কাড়া দেখে বন্ধু কেড়েছি,  
তারে ছাড়া আর সকলি ছেড়েছি,  
মোরে তুমিবারে করে সে যতন,  
ধরে নব রূপ, নিত্য নূতন !

ওগো সমীরণ ! তুমি কামচরী,  
যাও তুমি সখা মন্দিরে তারি,  
চির অনুরাগী, ব’ল’ গো, এজন,  
তাজা এ হৃদয় ! এ প্রেম নূতন !

## উড়ে পাখী

আপন হুখে আপনি আছি মরম ব্যথায় মর্মে মরি'  
কোন্ দেশের এক উড়েপাখা মন্টি নিয়ে গেছে সরি'  
মধুর, মধুর তার মাধুরি !

নিজের লোহে লাল হ'য়েছি নিজের সাথে যুদ্ধ করি ,'  
জীবন—সে হ'য়েছে ব্যাধি, চিকিৎসা কর সুন্দরী !

চতুর ! কেন আর চাতুরী ?  
নাস্পাতি ঢেকেছ বুক, বেখেছ মুখ মিঠায় ভরি',  
ব্যথা দিয়ে চলে গেছ ওই খেদে, 'হায়, কেঁদে মরি ;  
নিষ্ঠুর ! দেখা দাও গো ফিরি' !  
ওগো আমার সাধের স্বপন ! চিরদিনের যাতুকরী !  
ভিখারী ছুয়ারে তোমার আছি দিবা বিভাবরী,  
হাজির আছি শুন্তে হুকুম, —  
মধুর ! মধুর যার মাধুরী !

ডুম্ মীরণ ।

## একা

গোলাপ এখনো রাঙা আগুনের মত !  
নৈশ বায়ে বনবীথী ছুলিছে মন্থরে ;  
তৃণশয্যাকালে, হায়, ছিন্ন নিদ্রাগত,  
সহসা উঠেছি জেগে পল্লব-মর্মরে ।

ওগো এস ! এস একবার !  
গভীর এ নিশীথের শোনো হাহাকার !

## তীর্থ রেণু

চাঁদ লুকায়েছে লতা-কুঞ্জের আড়ালে,  
জোছনার কুচিগুলি পড়ে হেথাহোথা ;  
বঞ্জুল-চুস্বিত কালো লহরের তালে,  
জেগে ওঠে কবেকার—কোথাকার কথা !

আর্জ তুণে নয়ন লুকাই,  
তোমারে এমন চাওয়া কভু চাহি নাই ।

আজিকের মত ভাল বাসিনি গো কভু,  
খুঁজিনি কখনো বুঝি আজিকার মত !  
আঁখি-অধরের খেলা খেলেছি তো তবু,  
হাসিমুখে আদর তো করিয়াছি কত ।

সুগোপন সুখের আভাস,—  
তারো মাঝে, মনে হয়, পাড়েছে নিম্বাস ।

তুমি যদি দেখিতে,—ও জোনাকী ছুঁটিরে,—  
ছুঁটি প্রাণী রাত্রি মাঝে একটি আলোক ;  
চারিদিকে বনচ্ছায়া ; নিশীথ তিমিরে  
সাঁতারিছে তৃপ্তিহীন তৃপ্তিহীন চোখ !

এস ! একা রহিব গো কত ;  
গোলাপ এখনো রাঙা আগুনের মত !

রিকার্ড ডেস্কেল ।



## পতিতার প্রতি

চঞ্চল হ'য়ে উঠিস্নে তুই, ওরে,  
কেন সঙ্কোচ ? কবি আমি একজন ;  
সূর্য্য যদি না বর্জ্জন করে তোরে,—  
আমিও তোমায় করিব না বর্জ্জন ।

নদী যতদিন উছলিবে তোরে হেরে,—  
বন-পল্লব উঠিবে মর্ম্মরিয়া,—  
ততদিন মোর বাণীও ধ্বনিবে যে রে  
তোর লাগি,—মোর উছলি' উঠিবে তিয়া ।

দেখা হ'বে ফের, কথা দিয়ে গেলু নারী,  
যতন করিস্ যোগ্য আমার হ'তে,  
পৈর্যা ধরিস্,—শক্ত সে নয় ভারি,  
আসিব আবার ফিরে আমি এই পথে ।

কবি আমি শুধু কল্প-ভুবন-চারী,  
ব্যভিচারী নই, তবু করি অভিসার ;  
ভাল হ'য়ে থেক, মনে রেখ মোরে, নারী !  
আজিকার মত বিদায়, নমস্কার !

হুইট্‌ম্যান্ ।

## সাকীর প্রতি

বিষন্ন হ'য়েনা সাকী হ'য়েনা মলিন,  
এ দিন যে আনন্দের দিন ;  
যুদ্ধদিনে প্রাণপণে ক'রেছি লড়াই,  
এস, আজ জীবন জুড়াই ।  
আনন্দের পাত্র তুলে লও হাসিমুখে,  
কাঁপে চুনি আঁখির সমুখে !  
ভাবনার বিষে মন ডুবায়েনা, হায়,  
ধৌত তারে কর মদিরায় ।

ফর্দ সৌ ।

## আপান-গীতি

( ফরাসী )

রাঙিয়ে স্বচ্ছ কাঁচের গেলাস !  
আয় রে আমার তরল বিলাস !  
অপ্সরীদের অধর সুধা ! বক্ষ-লোহের দোসর তুমি !  
এস মদির-নেত্রা সাকী !  
এস, তোমায় সাম্নে রাখি,  
গুণ্-গুণ্-গুণ্, ঢুক্-ঢুক্-ঢুক্, জমিয়ে রাখ আসর তুমি ।  
নাই জগতে এমনটি সুখ,—  
গু-গুণ্-গুণ্-গুণ্ ! ঢুক্-ঢুক্-ঢুক্ !  
পয়সা তিনে স্বর্গ কিনে স্বপ্ন-পরীর অধর চুমি ।

## বৎসরান্তে

সেও তো এমনি এক বিহ্বল শ্রাবণে

নব অনুরাগে ভরি' উঠেছিল হিয়া !

তব অলকের গন্ধ সন্ধ্যা-সমীরণে

পান আমি ক'রেছিলাম, প্রিয়া !

আজিকে মাথার কেশে রচিলে আসন,

দাঁড়ায়ে দেখিব শুধু, গলিবে না মন ।

সেও তো এমনি এক শ্রাবণ-দিবসে

মৃতিমতী দেবী বলি' গুঁজেছিলাম তোর,

তুমি যা' পবিত্র করি' দিতে গো পরশে

বুকে তুলে নিছি তা' আদরে ।

আজিকে টুটেছে প্রেম, মন উদাসীন,

যতনে নাহিক ফল, সে যে প্রাণহীন ।

লরেন্স্ গোপ্ ।

## আত্মধাতিনী

আরেক দুর্ভাগিনী

গেছে সংসার থেকে,

জীবন যাতনা মানি'

মৃত্যু নিয়েছে ডেকে ।

ধরু গো আস্তে ধরু

সাবধানে তোল, বাছা ;

মুখখানি সুন্দর,

বয়েস নেহাৎ কাঁচা ।

তীর্থ রেণু

তবু সে পরেছে আজ  
মহাযাত্রার সাজ ;  
স্মার্ত্ত বসনে, চুলে  
অবিরত জল ঝরে ;  
ঝটিতি নে গো নে তুলে,  
ঘণা ভুলে, স্নেহভরে ।

তুলিস্নে হেলা ক'রে,  
ব্যথার ব্যথী হ', ওরে !  
দাও নয়নের বারি ; .  
গ্রানি তার ঘুচিয়াছে,  
এখন যেটুকু আছে—  
সে যে পবিত্র—নারী ।

তার সে মতিভ্রমে  
ভাবিস্নে আজ ভ্রমে,—  
আর সে অত্যাচারে ;  
সব কলঙ্ক শেষ,  
শুভ-সুন্দর বেশ  
মৃত্যু দিয়েছে তারে ।

থাক্ তার শত ক্রটি  
তবু সে মানুষ, ওরে,  
লালাশ্রাবী নোঁট দুটি  
মুছে দে যতন ক'রে ।  
কবরী পড়েছে খসি'  
জড়ায়ে দে চুল মাথায়,

তীর্থ রেণু

কি নিবিড় কেশরাশি !  
বিস্ময়-নীরে ভাসি'—  
ঘর ছিল তার কোথায় ?

বাপ, মা,—কেহ কি নাই ?  
নাই কি আপন বোন ?  
নাই সহোদর ভাই ?  
আর কোনো প্রিয় জন ?—  
প্রিয় যে সবার চেয়ে ?  
হায়, অভাগিনী মেয়ে !

পর-দুখ-অনুভব  
হায় সে কি দুর্লভ !  
সংসার স্মৃকঠিন !  
থাম-দেওয়া মোটা মোটা  
এত বাড়ী, এত কোঠা,—  
তবুও সে গৃহহীন !

বাপ, মা, ভায়ের স্নেহ  
দিতে পারিলেনা কেহ ?  
কি বিষম ! কি ভীষণ ।  
প্রেম—গৌরব-হারা,  
( প্রমাণ খুঁজিছে কারা ? )  
দেবতার কৃপাধারা  
তাও যে অদর্শন ।

তীর্থ রেণ

কত গৃহে আলো জ্বলে'—  
ঝলকে নদীর জলে,  
কত উৎসব হয়,  
অভাগী আঁধারে থেকে  
অবাক নয়নে দেখে,  
নিশীথে নিরাশ্রয় !

কনকনে হিম হাওয়ায়  
কাঁপিয়ে দেছিল তারে,—  
কাঁপাতে পারেনি যাহায়  
শ্রোতে কি অন্ধকারে ;  
লাজ অপমান স্মরি'  
মরণ নিল সে বরি',—  
পরান ছুটিতে চায় রে !  
যেথা হোক ! যেথা হোক !  
এ—জগতের বাইরে !

নদীর খরশ্রোতে  
গেল সে শীতল হ'তে,—  
ঝাঁপ দিল বিহ্বলে ;  
লুপ্ত পুরুষ ! কই ?  
এসে দেখে যাও, ওই  
কর্মের ফল ফলে !—  
পার যদি স্নান কোরো,—  
পান কোরো ওই জলে ।

তীর্থ রেণু

ধৰ্ গো আস্তে ধৰ্,  
সাবধানে তোল, বাছা ;  
মুখখানি সুন্দর !  
নয়েস নেহাৎ কাঁচা ।

তলুখানি নমনীয়  
থাকিতে থাকিতে, ওরে  
যতনে শোয়ায়ে দিয়ে  
শেষ শয্যার 'পরে ;  
চকিত চোখের পাতা  
খোলা যেন থাকে না ভা',—  
দিয়ে সে বন্ধ ক'রে ।

ভীষণ চাহিয়া আছে  
মৃত্যু-হতাশ আঁখি,  
'ভবিষ্যতের পানে  
যেন সে দৃষ্টি হানে  
হানির মাঝারে থাকি' ।  
অমানুষ মানুষের  
গভীর অবজ্ঞায়  
এ দশা আজিকে এর,  
তাই পাগলের প্রায়  
খুঁজেছে সে বিশ্রাম ;  
শোচনীয় পরিণাম ।

দু'টি হাত ধীরে ধীরে  
রাখ গো বুকের 'পরে,

তীর্থ-রেণু

মরণ-নদীর তীরে  
যেন ঈশ্বরে স্মরে !

দোষ তার মেনে নিয়ে,  
ক্রটি—সে স্বীকার ক'রে,  
সঁপে তারে যাও দিয়ে  
বিভূর চরণ 'পরে ।

হুড ।

---

### বন্ধন-ভুগুথ

পিঞ্জর গড়ি' গোলাপের শাখা দিয়ে  
বুলবুলে আনি' যতনে রাখিছু তায়,  
তবু কোন্‌ ছুখে মরে গেল সে কাঁদিয়ে ?  
কাননের পাখী বাঁধন সহ্য না, হায় ।

নৈলি ।

---

### জ্ঞান পাগী

হৃদয় সে হ'ল দর্পণ আপনার,  
অতল-গভীর, তরল-পরিষ্কার !  
জ্ঞান-পাগী-জলে সন্ধ্যা নামিল, হায়,  
একটি তারার দীপ্তি ছলিছে তায় ।  
অকারণে আলো করিয়া প্রেতস্থান  
মশাল জ্বালিয়া হাসিতেছে শয়তান ।  
এ এক গর্ব্ব ! তৃপ্তি এ অপরূপ !  
জেনে শুনে ঘোলা ক'রে তোলা জ্ঞান-কূপ !

বদলেয়ার ।



## মনিহারী

রক্ত আলো মিলিয়ে গেল ইতস্ততঃ ক'রে,  
মৌন চাঁদের স্রমমাতে রাত্রি ওঠে ভ'রে !  
জান্‌লা খুলে বাদ্‌লা হাওয়া নিই গো মাথা পেতে,  
কালো চুলের লহর দোলে জ্যোৎস্না-তরঙ্গিতে !  
নিশার বায়ু নীল পদ্মের গোপন কথা বলে,  
টুপ্ টুপিয়ে শিশির পড়ে স্তব্ধ ঝাড়িয়ার তলে ।  
ইচ্ছা করে—বাজাই বীণা ;—শুনবে কে তা' আর ?  
মৃতের জগৎ জাগায় এমন শক্তি আছে কার ?  
এমনি ক'রে স্বপ্ন মিলায় উড়ে পাখীর সাথে !  
মনের মাঝে হারামণি পাই গো গভীর রাতে !  
মেং-সৌ-জান্ ।

---

## নয়ন জলের জাজিম

হাজারটা হাত আড়ষ্ট হিম  
কাজের বিষম গুঁতাতে,  
জগৎ-জোড়া বৃন্‌ছে জাজিম্  
নয়ন-জলের সূতাতে !  
টানার 'পরে পড়েন পড়ে,  
কাজ্‌টা ভারি খাপী গো ;  
নিত্য নিশায় জাজিম বিছায়  
অশ্রু জগৎ-ব্যাপী গো !  
পন্ ওয়াটিমার্ ।

---

## বাল-বিধবা

আমার স্বপন,                      সুখের স্বপন,  
নিমেষে ফুরাল,— এই সে ক্রেশ !  
ইন্দ্র ধনুর                      ভঙ্গুর তনু  
অস্ত রবির কিরণে শেষ ।  
রিক্ত শাখার                      রক্তিম পাতা,  
বাতাসে ছতাশে কাঁপিয়া মরি,  
নিষ্ঠুর জগতে                      আছি কোনো মতে,  
জানিনা কখন পড়িব বরি' !  
গঙ্গায় ধারা                      যতদূর যায়  
ওগো দয়াময় ! তাহারো পারে  
লয়ে যেয়ো এই                      সুখ-বঞ্চিত  
চির-লাঞ্চিত ভাষা ভারে ।

ডিরোজিয়ারে ।

## লয়লার প্রতি

তুমি যেথা নাই সে দেশে কেমনে থাকি ?  
স্বপনে যে আজো তোমারি মূর্তি আঁখি ।  
নিরখি' স্বপনে আঁখি ভ'রে আমে জলে,  
জেগে দেখি আছে একাকী এ শিলাতলে !  
মরু মরীচি বিস্তারে শুধু মায়া,  
ধরিবারে ধাই,—সুধুরে মিলায় ছায়া !

## তীর্থ রেণু

ভাবনার জ্বালা জ্বলিছে অনুক্ষণ,  
মরণ-সাগরে ডুবিলে জুড়ায় মন ।  
আকাশের পাখী ধরিতে করিছু সাধ,  
ধরিছু যখন নিয়তি সাধিল বাদ ;  
চোখের উপরে কেড়ে নিয়ে গেল তারে,  
বক্ষে চাপিয়া ধরিলাম—নিরাশারে ।  
মায়াবীর রাজা খিজিরে করিছু সাথী,  
অমৃতের কূপে পৌছিছু রাতারাতি ;  
তীরে গিয়ে দেখি শুকায়ে গিয়েছে জল,  
সকল যতন হ'য়ে গেল নিষ্ফল !  
লয়লা আমার কর তুমি হাহাকার,  
নিষ্ঠুর নিয়তি, নিস্তার নাহি আর ।  
মজ্‌নু ! 'গুমরি' 'গুমরি' কাঁদরে তুই,  
তোর অশ্রুতে ফুটিবে মরুতে শুভ্র সুরভি জুঁই ।  
শতিকা ।

---

## অনুতাপ

আমি তারে ভাল বাসি নাই, তবু,  
চলে সে গিয়েছে ব'লে  
ফাঁকা ফাঁকা যেন ঠেকেছি জীবন,  
নয়ন ভরিছে জলে ।  
কত কথা সে যে আসিত বলিতে  
শুনিনি তাহার আধা,  
আজ কথা যদি কহে সে আবার  
আর দিব না গো বাধা ।

তীর্থ রেণু

ক্ৰটি খুঁজিবারে ব্যস্ত ছিলাম  
ভাল বাসিব না ব'লে,  
জ্বালাতন তারে করেছি কেবল  
মরেছি আপনি জ্ব'লে ।  
প্রণয়ে নিরাশ হইয়া যেজন  
মরণ নিয়েছে ডেকে,  
তারি তবে মালা রচিব এখন  
জীবন-যামিনী জেগে ।

ন্যাগুর ।

## তান্কা

[ 'তান্কা' জাপানী সনেট । ইহা পাঁচ পংক্তিতে সম্পূর্ণ । ইহার প্রথম ও তৃতীয় চরণে পাঁচটি করিয়া এবং দ্বিতীয়, চতুর্থ ও পঞ্চম চরণে সাতটি করিয়া অক্ষর থাকে । 'তান্কা' নাদারপ্তঃ অমিত্রাক্ষর হয় । ]

( ১ )

ফাগুন এ ঠিক,  
গগনে আলেখ্য না ধরে ;  
প্রসন্ন দিক্,  
তবু কেন ফুল ঝরে ?  
ভাবি আর আঁখি ভরে ।  
কিনো ।

( ২ )

ঝাঁঝি ডাকা শীত !  
একা জাগি বিছানায় ;  
কাঁপিতেছে হৃৎ,  
কাছে কেহ নাহি, হায় ;  
ধরণী তুষারে ছায় ।  
গোকুল ।

তীর্থ রেণু

( ৩ )

দুঃখে কাঁদিলে,  
নিয়তির পদে নমি,  
ভয় শুধু মনে  
শপথ ভেঙেছ তুমি ;  
দেবতা কি যাবে ক্ষমি' ?  
শ্রীমতী উকন্ :

( ৪ )

মুগ্ধ প্রভাত,  
শিশির ঝলকে ঘাসে ;  
শরতের বাত  
উদ্ভাস ওই আসে,  
সোনার স্বপন নাশে !  
আসায়াস্ :

( ৫ )

চপল সে ঠিক  
দম্কা হাওয়ার মত ;  
জানি, তার কথা  
ভুলিলেই ভাল হ'ত ;—  
ব্যর্থ যতন যত ।  
শ্রীমতী দৈনী-নো-সান্দি ।

( ৬ )

কুসুমের শোভা  
টুটে সে বৃষ্টিজলে,  
রূপ মনোলোভা

তীর্থ রেণু

তাওতো যেতেছে চলে ;  
আসা-যাওয়া নিঃফলে ।  
শ্রীমতী কোমাটী ।

( ৭ )

প্রবল হাওয়ায়  
মেঘ ভেঙে চুরে যায় ;  
জ্যোৎস্না চুঁয়ায়,  
চাঁদ ফিরে হেসে চায়,  
আঁধার লুকায় কায় ।  
শাক্যো-নো-তায়ু-আকিস্মকে ।

( ৮ )

যামিনী ফুরালে  
প্রভাত আসিবে, জানি ;  
সূর্য্য জাগালে,  
তবু বিরক্তি মানি ;—  
তোমাতে বক্ষে টানি ।  
মিচি-নোবু ফুজিবারা ।

( ৯ )

জেলেদের জাল  
দেখা নাহি যায় জলে,  
এমনি কুয়াসা ;—  
দৃষ্টি নাহিক চলে,  
'বেলা হ'ল' তবু বলে !  
সাদাঘোরি

ভীৰ্খ রেণু

( ১০ )

রাগ কোরো না গো  
জল দেখি নয়নেতে ;—  
বঁধু গেছে মোর,  
সুনাং বসেছে যেতে ;  
মন বাঁধি কোন্ মতে !  
শ্রীমতী সাগামি ।

( ১১ )

তার ব্যবহার  
বুঝিতে পারি না আর ;  
প্রভাত বেলায়  
জটা বেঁধে গেছে, হায়,  
চুলে,—আর চিন্তায় ।  
শ্রীমতী হোরিকারা ।

---

## নৃত্য-নিমন্ত্রণ

( মুণ্ডারি )

আয় গো ক'নে সবাই মোরা নাচতে যাই,  
পাথর তো নই থাকব পড়ে একটি ঠাঁই !  
আয় গো ক'নে নিমন্ত্রণে যাই সবাই,  
গাছের মত শিকড় গেড়ে থাকতে নাই ;  
জীবন গেলে ক'বের দেহ পুড়িয়ে ছাই,  
বাঁচার মত বাঁচতে চাই,—নাচতে যাই ।

## সুপ্রভাত

স্বজনী ! আমার কাননের ফুল !

তেম্‌নিটি তুমি আছ কি আজো ?

ধূলা পায়ে তোরে দেখিতে এসেছি,

এস বাহিরিয়া যেমন আছে।

ভুবন ভ্রমিয়া আজিকে এসেছি,

শোলোক রচেছি, ভালও বেসেছি ;—

তবে, সে কাহিনী তোর কাছে কিছু নয় !

( তবু ) ছয়ারে যখন এসেছি হঠাৎ,—

ছয়ার খুলিতে হয় ; -

স্বজনী ! সুপ্রভাত !

পদ্মের দিনে দেখেছিছু তোরে,—

হৃদয়-পদ্ম খুলেছি সব,—

তুমি বলেছিলে “আর কারো প্রেম

চাহিনা, চাহিনা, চাহিনা ভবে !”

জ্বরিতে গিয়ে যে এল দেবী ক’রে,—

অঁখি আড়ে তার কি করিলি ? ওরে !

সে কথায়, হায়, কাজ কি আমার আর ?

( তবু ) এই পথে আজ এসেছি,—হঠাৎ,

খোলো জাল জালানার !

স্বজনী ! সুপ্রভাত !

দে য়াসে ।



## বিবাহ-মঞ্চল

( পার্শ্বজাতি )

‘আজ আমাদের বিয়ে বাড়ী !’—কেমন ক’রে জান্‌লি ভাই ?  
‘গয়না আসে, ময়রা আসে, স্মাকরা আসে, জান্‌ছি তাই !’  
‘আজ আমাদের বিয়ে বাড়ী !’—কেমন ক’রে জান্‌লি ভাই ?  
‘ঘরে দ্বারে উঠান্‌ পরে লোক ধরে না,—জান্‌ছি তাই !’  
‘আজ আমাদের আমোদের দিন !’—কেমন ক’রে জান্‌লি ভাই ?  
‘বাজ্‌ছে বাঁশী, বাজ্‌ছে ন’বৎ, শুন্‌ছি কানে, জান্‌ছি তাই !’  
‘মোদের বাড়ী বব্বের বাড়ী !’—কেমন ক’রে জান্‌লি ভাই ?  
‘ঘোড়ার সারি দাঁড়িয়ে দ্বারে দেখ্‌ছি চোখে জান্‌ছি তাই !’  
‘বরের বাড়ী আমোদ ভারী !’—কেমন ক’রে জান্‌লি ভাই ?  
‘বন্ধু কুটুম ! তাক্‌ হুমাহু ! আঙিনায় আর নাইক্‌ ঠাঁই !—  
জান্‌ছি তাই !’

---

## সাঁওতালি গান

সোনার সাজনি দিছি কিনিয়ে,  
রূপার সাজনি দিছি তায় ;  
‘আসিব’ বলিয়ে গেছে চলিয়ে,  
তবে সে এলনা কেন, হয় !

---

## বিবাহান্তে বিদায়

( মুণ্ডারি )

ভাই বোনেতে ছিলাম রে এক মায়ের জঠরে,  
মায়ের যা' দুধ সব খেয়েছি আমরা ভাগ ক'রে ;  
তোমার ভাগ্যে ভাইরে তুমি পেলো বাপের ঘর,  
আমার ভাগ্যে ভাই রে আমি হ'লাম দেশান্তর ।

মাসেক ছ'মাস কাঁদবে বাপে, সারাজীবন মায়,  
দিনেক ছ'দিন হয় তো রে ভাই কাঁদবে তুমি, হায় ;  
ভায়ের বধু কাঁদবে শুধু বিদায়ের কালে,  
পোষা পাখী মুছ'বে আঁখি আঁখির আড়ালে ।

---

## স্ত্রী ও পুরুষ

( মাদাগাস্কার )

স্ত্রী ।    নিত্যই তুমি বল, 'ভালবাসি'  
          আজিকে সুধাই তাই,—  
          কিসের মতন ভালবাস মোরে ?—  
          আমি তা' শুনিতে চাই ।  
পুরুষ ।    অন্নের মত ভালবাসি তোমা',—  
          অন্নগত এ প্রাণ,—  
          যা' নহিলে চোখ দেখিতে না পায়,  
          শুনিতে না পায় কান ।

তীর্থ রেণু

- স্ত্রী । ক্ষুধার তাড়না না থাকে যখন  
অন্ন তখন কিবা ?  
এই ভালবাসা ? ইহারি গর্ব  
কর তুমি নিশি দিবা !
- পুরুষ । স্নিগ্ধ বিমল নির্ঝর জল  
সম তোমা' ভালবাসি,  
কর্মক্রান্ত, সমুদ্ভ্রান্ত,—  
তাই কাছে ছুটে আসি ।
- স্ত্রী । গুম্ফে ও চুলে ধূলা যবে বুনে  
লোকে' হেসে বলে 'চাষা'  
তখনি কেবল প্রয়োজন জল ;  
এই তব ভালবাসা ?
- পুরুষ । শীতে সখল "লম্ব"র মত  
তুমি গো আমার পক্ষে,  
তাই সাথে নিয়ে ফিরি চিরকাল,  
বাঁধিবারে চাই বক্ষে ।
- স্ত্রী । হ'লে পুরাতন ফুরায় যতন  
দূরে পড়ে থাকে "লম্ব",  
এই পুরুষের ভালবাসা বুঝি ?  
এই নিয়ে এত দম্ভ !
- পুরুষ । মধু চক্রের মতন তোমায়  
ভালবাসি প্রাণ ভ'রে,—  
হরষে যে ধন লুটিয়া এনেছি  
ষতনে রেখেছি ঘরে !
- স্ত্রী । মধুচক্রের সব নহে মধু,  
সব(ই) নহে পরিপাটি ;

তীর্থ রেণু

অনেক তাহাতে আছে জঞ্জাল,  
ডের আছে মলামাটি ।

পুরুষ । রাজার মতন ভালবাসি তোরে,—  
ভালবাসি গরিমায়,—  
যাহার আদেশে ওঠে বসে লোক,—  
যার গুণ সবে গায় ।

স্ত্রী । রাজার সঙ্গে প্রেমের তুলনা  
কোরে তুমি চিরদিন,  
যার কটাক্ষে নত হ'য়ে আসে  
নয়ন লজ্জাহীন ;—

পুরুষ । যার কটাক্ষে কলঙ্কী হিয়া  
সমরে মরিয়া যায়,  
যার ইঙ্গিতে সব সঙ্কোচ  
নিঃশেষ লয় পায় ।

## রণচণ্ডীর গান

( আইসল্যাণ্ড )

পড়ল টানা যমের তাঁতে  
পড়বে কেরে পড়বে কে !  
রক্তে রাঙা শক্ত মাকু  
মরবে কে আজ মরবে রে !  
ঘন বুনন্ চলছে বেড়ে  
নাইক ছাড়ান-ছিড়েন্ যে,  
নাড়ীর মত নীল টানা, আর  
রক্ত-রাঙা 'পড়েন্' সে !

## তীর্থ রেণু

সকল টানার মাথায় মাথায়  
চাপিয়ে নরমুণ্ড ভার,  
ঠেলছি মাকু রক্তমাথা  
কাটার, টাঙি, খড়্গ আর ।  
শঙ্কি গুলো চরুকি আমার  
কামাই নেই একদণ্ড তার,  
আগাগোড়া লোহায় গড়া  
তাতখানা খুব চমৎকার !

ভজা নেছে গুটিয়ে লাটাই,  
রিক্তা নলী এলায় রে !  
বশ্ম চিবায়, চশ্ম চিবায়,  
জীবন নিবায় হেলায় সে !  
মরণ ঝড়ের মধ্যখানে  
বাঁচবে কে আর বাঁচবে কে ?  
প্রাণের আশা নেই কাহারো,  
রিক্তা এখন নাচবে যে !

নন্দা, জয়া, দিগ্বিজয়ীর  
কর্ণে জপে জয়ের গান ;  
রিক্তা এসে কঠোর হেসে  
হরণ করে বীরের প্রাণ !  
নগ্ন ভীষণ খড়্গ হাতে  
ঘোড়ায় তবু চড়বি কে ?  
অগম দেশে চলবি খেয়ে  
ফিরবি নে আর মরবি রে !

## দুঃখ ও সুখ

হৃদয়ের মাঝে পাশাপাশি আছে  
গুপ্ত দু'খানি ঘর,  
দুঃখ ও সুখ বাস করে তাহে,—  
যমজ দু' সহোদর ।  
সুখ জেগে উঠে আপনার মনে  
খেলে গো আপন ঘরে,  
দুঃখ ছেলে দুঃখ এখনো  
ঘুমাইছে অকাতরে ।  
ওরে সুখ ! তুই চুপি চুপি খেল,  
করিস্নেহে কলরব ;  
এখনি দুঃখ উঠবে জাগিয়া  
করিবে উপদ্রব ।

অজ্ঞাত ।

---

## বসন্তে অশ্রু

নব বসন্ত ডাক দিয়ে গেছে  
দুয়ারে দুয়ারে, হায়,  
নব বধু তাই এসে দাঁড়ায়েছে  
আধ খোলা জানালায় ।  
জ্বলিতে জড়িত নীল রেশমের  
বসনে ঢেকেছে কায়া,  
ললাটে এখনো চিহ্ন পড়েনি  
নয়নে পড়েনি ছায়া ;

তীর্থরেণু

সহসা বাতাস বয়ে নিয়ে এল

উতলা ফুলের বাস,

সহসা তাহার মন উথলিয়া

পড়িল গো নিশ্বাস !

রণচণ্ডীয়ে যে ধন সঁপেছে,—

যা' দিয়েছে কীৰ্ত্তিরে,—

তাহারি লাগিয়া বিহ্বল হিয়া,—

নয়ন ভরিছে নীরে ।

ওয়াং-চাং-লিং ।

---

## সৈনিকের গান

(গ্রীষ্ম)

শড়্কির মুখে কৰ্ষণ করি

আমরা এমন চাষা !

কাতার নাহিক, কর্তন করি

খড়্গে ফসল খাসা !

নিরস্ত্র করি শত্রু সকলে

নিরস্ত্র হই তবে,

পদতলে পড়ি' 'হুজুর' 'জনাব'

বলি' তারা কাঁদে সবে ।

আপনার 'পরে আপনি কর্তা

কর্তা আপন ঘরে,

সাধ্য কি কেউ আমাদের আগে

সমরে অস্ত্র ধরে ।

## বৌরের ধর্ম

বৌরের ধর্মে যা' বলে করিয়ো,—যে কথা যে কাজ  
পুরুষে সাজে ;  
প্রশংসা যদি হয় প্রয়োজন খুঁজিয়ো আপন  
মনের মাঝে ।  
ধন্য জীবন তাহারি,—যে জন নিজে বিচারিয়া  
নিজের তরে  
নীতি ও নিয়ম করি' প্রণয়ন, আমরণ তাহা  
পালন করে ;  
নহিলে কেবল বেঁচে মরে থাকি,—পুতুলের মত  
আমা ও যাওয়া,—  
একখানি ছায়া,—এক জোড়া চোখ,—একটা শব্দ,—  
একটু হাওয়া !  
কাটমেন্স ।

## যোদ্ধা জননী

এস বাছা, এস বাপা ! ছলল রে আমার  
বিদায় দিয়ে তোরে,  
ভাবছি এখন শূন্য ঘরে শূন্য হৃদয় নিয়ে  
থাকব কেমন ক'রে ।  
ডাক এল আর চ'লে গেলি ছরন্ত যুদ্ধেতে,  
বাপের মৃত্যু ভুলে,  
অভাগী এই বিধবাকেই আবার দিতে হ'ল  
বুকের পাজর খুলে,—



তীর্থ রেণু

দিতে হ'ল প্রাণের চেয়ে যে জিনিষটি প্রিয়,—

পররে হাতে তুলে ।

বাছা আমার ভাবে কেবল গৌরবেরই কথা,

জয়ের স্বপন দেখে ;

আমরা হিয়া অমঙ্গলের মিথ্যা ভয়ে কেঁপে

উঠছে থেকে থেকে ।

হয়তো বাছা হ'বি জয়ী, জয়ের মালা সবাই

দেবে তোমার গলে,

আমি সে আর দেখুনাকো, দুঃখে ও আহ্লাদে

ভেসে নহ্নন জলে ;

আমি তাহার আগেই যাব,—আগেই মিশে যাব

বসুমাতার কোলে ।

অল্প দিনেই যায় রে ভুলে ছেড়ে যাওয়ার ব্যথা

অল্পবয়সীরা,

বুড়া হাড়ে দুর্ভাবনা ঘুণের মত ধরে,

কেবলি ছায় পীড়া !

আর যারা তোর পথ চাহে আজ, বয়স তাদের কম,

হয় তো, তারা তোরে

দেখতে পাবে, খুসী হ'ব ; ভালয় ভালয় যদি

ফিরে আসিস্, ওরে !

দেখতে শুধু পাবেনাকো দুঃখিনী তোর মা,

সে অভাগী আগেই যাবে মরে ।

বেইনি ।

## দুৰ্গম-চাৰী

ফিৰে যাও, বল গিয়ে নাবিকের দলে  
যে রাজ্যে করেছি পদার্পণ, সে আমার  
হ'বে পদানত। যদি কভু দেখা হয়,  
আমারে দেখিবে রাজবেশে, নহে দেখা  
হ'বেনা জনমে। এখনো বিলম্ব কেন ?  
ইচ্ছা নাই যেতে ? যাও,—যাও, কথা শোনো ;  
অত্যাধি বন্ধু ঘোড়া, ভৃত্য তলোয়ার !  
বিদেশী দাসের দলে সেনা করি ল'ব,  
আমার আদেশ তারা পালিবে যতনে,—  
বৰ্দ্ধরের দল। চঞ্চল সমুদ্র সাথে,  
সম্পর্ক করিয়া দিহু শেষ। ফিৰে যাও।

নয়ন ! এখন হ'তে কর, অবেষণ  
কোথা আছে কাপুরুষ, দুৰ্গ বিৰচিয়া !

\* \* \*

ঘোড়ার চাৰিটা ক্ষুর বাজিছে আজিকে  
মানবের কঙ্কালে কপালে,—পদে, পদে !  
অদৃষ্ট কি বিভীষিকা দেখায় আমারে ?—  
আমাৰি পরীক্ষা হেতু ?—রাজ্যের ভোরণে  
দৰ্পে চল কাল ঘোড়া বৰ্দ্ধরে দলিয়া,  
আমি যা' ওরা তা' নয়,—তা'ই ভুলুপ্তি।  
হাট লোপেন্।

## বন্দী

বিকল ভাবে                      বিরস ভাবে  
সারাদিনমান  
কারা-গৃহের                      প্রাচীর 'পরে  
উড়িছে নিশান ;  
বাতাসে তার                      শব্দ উঠে  
পিচ্চিত্র সুরে,  
ক্রান্ত হিয়া                      আমারে, হায়,  
অতিষ্ঠ করে !  
ছাদের কোলে                      তীব্র আলো  
গবাক্ষে জাগে,  
চেয়ে চেয়ে                      শূন্য নয়ন  
নির্ব্বাণে মাগে ;  
হাতে শিকল,                      পায়ে বেড়ি,  
পরান সে অধীর,  
কারাবাসীর                      হৃৎথে কালো  
পাষাণের প্রাচীর ।  
পাষাণ প্রাচীর                      আত্মনাদের  
আখরে চৌচির,  
নির্যাতনের                      নিশান ওড়ে  
নির্দোষী বন্দীর ।

উইলিয়ম মরিস্ ।

## বন্দী সারস

বন্দী সারস দাঁড়ায়ে আছে,  
পিঞ্জরতলে আঙিনা মাঝে,  
উড়ে যেতে তার মন চায় ;  
সাগর পার যাবে আবার,—  
সে আশা এখন মিছে হায় ।

এক পায়ে ভর করিয়া রহে,  
রাজ্য চোখ দিয়ে সলিল বহে,  
আর পায়ে ফিরে করে ভর ;  
বদল করে, ভাবিয়া মরে,  
হায় অসহ্য অবসর !

কভু মাথা গোঁজে পাথার নীচে,  
সুদূরের পানে তাকায়,—নিছে,—  
প্রাচীরে ঘিরেছে চারিদিক ;  
নাহিক ফাঁক, শিলার থাক,  
মিছে চেয়ে থাকা অনিমিখ ।

তীর্থ রেণু

আকাশের পানে আঁখি ফিরায়,  
দেখে চেয়ে চেয়ে,—উড়িয়া যায়  
স্বাধীন সারস দলে দল  
দেখিতে দেশ ; সে শুধু ক্লেশ  
সহিছে, দহিছে অবিরল !

আজো ভুলে আছে মিছে আশায়,  
ভাবে,—ফিরে পাখা গজাবে, হায়,  
উড়িতে আবার হ'বে বল ;  
বন অগাধ ভ্রমিতে সাধ,  
মন হয়ে উঠে চঞ্চল ।

শ্যাম লাবণ্যে শরৎ হাসে,  
সারসের দল আর না আসে.  
পিঞ্জরে একা আছে সেট :  
বন্দী পাখী অন্ধ আঁখি,  
রক্ত নেই একেবারেই ।

আকাশের পথে কারা ও যায় !  
পাখার শব্দ ধ্বনিছে, হায়,  
কে যায় পাখায় করি' ভর !  
পাতিয়া কান শোনে সে তান  
উড়ে চলে কোন্ নভচর ।

তীর্থ রেণু,

মনের আবেগে উড়িতে চায়,  
অক্ষম পাখা,—পড়িয়া যায়,  
উঠিতে শক্তি নাহি তার,  
পাখায় আর সহে না ভার,  
বেড়ে ওঠে শুধু হাহাকার ।

হায় পাখী ! মিছে ভরসা রাখা,  
আর কি তোমার হ'বে গো পাখা ?  
হ'লেও সে,—লাভ নাহি তায় ;  
যতই হোক,—নিষ্ঠুর লোক—  
বারে বারে কেটে দিবে, হায় ।

আরাণী ।

## বীরমৃত্যু

বীরের মত ম'র্ত্তে পোলে চাইনে কিছু আর,  
সব কলঙ্ক ফেলবে ধুয়ে বৃকের রক্তধার !  
তপ্ত গোলা—বক্ষ 'পরে ধব্বল লুফে তায়,  
মুক্ত মাঠে খোলা হাওয়ায় জীবন যেন যায় ।  
শত্রু যদি হয় সাহসী—হয় সে বীর্যবান—  
বীরের মৃত্যু আমায় তবে ছায় সে যেন দান ।  
স্বদেশ কিবা বিদেশ 'পরে ম'র্ত্তে ক্ষতি নাই,  
চাইনে নাম ; বীরের মত ম'র্ত্তে যদি পাই ।  
মৃত্যুতে মোর যে বংশটির দীপ হ'বে নির্বাণ,  
মৃত্যু স্বীকার,—মর্যাদা তার কর্বনাক য়ান ।  
মৃত্যুতে মোর জয়ের ধ্বজা নাই তলিল শির,  
শত্রু মিত্র বলবে ভবু 'পতন হ'ল বীর' ।

ফিজবল ।

## নিশানের মর্যাদা

( নান্সান্ যুদ্ধের পর একজন মৃত জাপানী সৈনিকের পাগড়ীর মধ্যে প্রাপ্ত )

প্রভু !      নিশি অবসানে শিশিরের সনে  
                 হয়ত জীবন ফুরাবে প্রাতে,  
তবু      নিশানের মান রক্ষা করিব,—  
                 দিব না সে খন শত্রু হাতে ;  
কতু      ছাড়িব না তাহা ; অস্ত্রমে তারে  
                 পাগড়ী করিয়া বাঁধিব মাথে ।

## ক্লান্ত সিপাহী

চির সহিষ্ণু সাহসী সিপাহী  
ক্লান্ত চরণ আজ,  
বিশ্রাম তরে আশ্রয় নেছে  
নিভৃত সমাধি-মাঝ ।  
মিথ্যা আজিকে তূর্য্য-নিনাদ  
আর সে দিবে না কান ;  
ছাউনি ফেলেছে মরণের ছায়ে,  
যাত্রার অবসান !  
বালক বয়সে ছেড়ে এসেছিল  
গরীব বাপের ঘর,  
ভাগ্য ফিরাতে সৈনিক হ'য়ে  
যুঝেছে নিরন্তর ;  
দুর্গম দেশে সে দুঃসাহসী  
ফিরেছে সর্বদাই.  
সম্পদ কিবা না ছিল সহায়  
না ছিল বন্ধু ভাই ।  
দুঃখ বিপদে গ্রাহ করে নি  
চ'লেছে গাহিয়া গান,  
আজি বিশ্রাম পেয়েছে আরাম  
ঘূর্ণার অবসান ।



তীর্থ রেণু

ফাল্গুনী মিঠা পুষ্প ছিটায়  
আবরিয়া শবাধার,  
ছঃখ সুখের দোসরেরা তার,  
মুছে আঁখি শতবার ;  
কাঁদিয়া বেচারী সেপাহীর নারী  
চলিয়াছে ত্রিয়মান,  
তার সিপাহীর হ'য়ে গেছে রণ  
যাত্রার অবসান !

অজ্ঞাত ।

## ক্ষুদ্রগাথা

“ও রাজপুত্র ! ও বন্ধু ! দেখ চেয়ে !”  
“ডাকিছ কি সখা শরের আঘাত পেয়ে ?”  
“দেখি, দেখি,—বুকে কিসের ও রাঙা দাগ ?”  
“ওকি দেখিতেছ ? ছড় গেছে বুঝি ? যাক্ ।”  
“ওকি রাজপুত্র ! ফের, ফের এই বেলা,  
খাড়া এ পাহাড়, উপরে শত্রু মেলা !”  
“পাথরেতে ঠেকে উছট লেগেছে বুঝি ;  
ও সিপাহী লোক ! বন্দুক ধর ! যুঝি !”

হুণ সৈন্যেরা চ'লেছে দর্পভরে ;  
রাজার পুত্র,—সহসা আহত শরে,—  
কহিল ফুকারি “হোঠোনা সিপাহী লোক !”  
আর কথা নাই,—নিবেছে জীবনালোক ।

জিউলে ।

## মল্লদেব

( একটি ফরাসী গাথার অনুকরণে )

যুদ্ধে গেছেন মল্লদেব !

ঝনন্-ঝন্ ! ঝনন্-ঝন্ ! ঝন্-ঝনন্ !

কবে ফিরিবেন জানি নে গো,

কবে হ'বে তাঁর শুভাগমন !

ফিরে আসিবেন ফাল্গুনে, •

রণন্-রণন্ ! রণন্-রণন্ ! রন্-রণন্ !

সাধের ফাগুয়া-উৎসবে,—

যবে আনন্দে দেশ মগন ।

ফাল্গুন এল, ফুরাল গো,

রণ্-রণন্ ! রণ্-রণন্ ! রণ্-রণন্ !

ফিরে না এলেন মল্লদেব,

না জানি কোথায় হায় সেজন ।

রাণী উঠিলেন দুর্গেতে ;

রণ্-রণন্ ! রণ্-রণন্ ! রণ্-রণন্ !

দুর্গম সেই দুর্গ-চূড়া,—

পুষ্প-পেলব তাঁর চরণ ।

### তীর্থরেণু

দূরে দেখিলেন সৈনিক !  
ঝন্-রণন্ ! ঝন্-রণন্ ! ঝন্-রণন্ !  
মলিন তাহার মূর্তি গো !  
অস্থ তাহার ধীর গমন !

‘ওরে বাছা ! ওরে ঘোড়-সওয়ার !  
ঝন্-রণন্ ! ঝন্-রণন্ ! ঝন্-রণন্ !  
কোন্ সমাচার আনলি তুই ?  
বলু আমায়,—বলু এখন ।’

‘এমনি খবর আমার গো,—  
ঝন্-ঝনন্ ! ঝন্-ঝনন্ ! ঝন্-ঝনন্ !  
ভরবে জলে ভাসবে গো  
প্রফুল্ল ওই ছুই নয়ন ।

‘রঙীন বসন ছাড়বে গো !  
ঝন্-রণন্ ! ঝন্-রণন্ ! ঝন্-রণন্ !  
হাতের কাঁকণ কাড়বে গো !  
ছাড়বে গো সব ভূষণ ।

‘স্বর্গে গেছেন মল্লদেব ;  
ঝনন্-রন্ ! ঝনন্-রন্ ! ঝন্-রণন্  
ক’রে এলাম ভস্মশেষ,  
চিহ্নমাত্র নাই এখন !—নাই এখন !’

## জাতীয় সঙ্গীত

( জাপান )

অযুত যুগ ধরি'            বিরাজো মহারাজ !  
রাজ্য হ'ক তব অক্ষয় ;  
উপল যতদিন            না হয় মহীধর ;—  
প্রভূত শৈবালে শোভাময় ।

---

## নবাব ও গোয়ালিনী

( গুজরাটি গাথা )

সহর ছেড়ে সেপাই নিয়ে গুজরাটের এক গাঁয়ে,  
ছাউনি ফেলে, নবাব সাহেব রেকলেন সন্ধ্যায় ;  
অলিগলির ভিতর দিয়ে চলতে অকস্মাৎ  
দেখতে পেয়ে গোপের মেয়ে ধর্তে গেলেন হাত !  
হাত ছিনিয়ে গোপের মেয়ে কটমটিয়ে চায়,—  
ঈষৎ হেসে নবাব সাহেব ডেকে বলেন তায়,—  
“নবাব আমি, আমার সাথে নগরে তুই চল,  
চাষার হাটে রূপের রাশি করিস্ নে নিফল ।”  
“চাষার গ্রামই ভাল আমার, নগরে দিষ্ট থাক্ !”  
“নবাবকে তুই জবাব করিস্ ! বড্‌ড যে দেমাক !”

### তীর্থ রেণু

নবাব বলে “হিঁদুর মেয়ে, শোন্‌রে আমার বোল,  
সোনায়ে দেব অঙ্গ মুড়ে ধুক্‌ড়ি কাঁথা খোল।”  
“লজ্জা ঢেকে ধর্ম রেখে সোনায়ে মারি লাথি !”  
“নবাবকে তুই জবাব করিস্ ! আঃ‌রে হারামজাদি !”  
“একলা পেয়ে মন্দ বল, স্পর্ধা তোমার বড়,  
ন’ লাখ আমার গুজরাটি ভাই কর্ব ডেকে জড় ;  
মারি চাপড়,—পাগ্‌ড়ি উড়াই,—লাল ক’রে দিই মুখ ;  
নারীর সাথে রঙ্গ করার দেখ্‌বে কেমন সুখ ?  
হাঁক দিলে মোর ন’ লাখ ভায়ে ভাঙ্‌বে তোমার জাঁক,  
লাঠির গুঁতোয় পথের পাঁকে গুঁজতে হবে নাক ;  
নিলাম ক’রে বেচিয়ে দেব নবাবী তাঞ্জাম,  
সান্ত্রী সেপাই, ঢাল তলোয়ার, সকল সরঞ্জাম !  
টাকা টাকা বেচ্ব টাটু,—দাম্‌ড়িতে দশ উট”—  
গতিক দেখে ঘোড়ায় উঠে নবাব দিলেন ছুট !

---

## জন্মভূমি

শ্রদ্ধা রাখিয়ো সারাটি জীবন স্বদেশের গোরবে,  
হেথা যে তোমার হিন্দোলা ছিল, হেথাই সমাধি হ'বে ;  
আকাশের তলে তোরে কোল দিতে আছে আর কোন্ দেশ ?  
দুঃখ কি সুখ যা' ঘটুক তোর হেথা আদি হেথা শেষ ।

তোদের পূর্ব পুরুষের স্মৃতি লেখা আছে এরি বৃকে,  
কত বরণ্য এদেশে ধন্য করিয়াছে যুগে যুগে ;  
'অর্পাদ-বীর অর্পণ তোরে ক'রে গেছে এই ভিটা,  
'ছনিয়া' ইহার নামটি ক'রেছে ছনিয়ার মাঝে মিঠা ।

ম্যাগিয়ায় ! নিজ জন্মভূমিতে ভক্তি রাখিয়ো তবে,  
আজন্ম সে যে ক'রেছে লালন অস্ত্রে সে কোলে লবে ;  
বিপুল জগতে তোরে কোল দিতে আর কোনো দেশ নাই,  
মরণ বাঁচন এইখানে তোর দুখ সুখ এই ঠাঁই ।

ভোরোজ মাটি

## ফৌজদার

বিরক্ত বিব্রত ফৌজদার

আরামের আরাধনা করে,

দুরন্ত গরন যবে, আর,

কাছারিতে লোক নাহি ধরে ;

তীর্থ রেণু

শুনিতে শুনিতে মোকদ্দমা

পদে পদে সন্দেহ কেবলি,

রাশি রাশি মিথ্যা হ'য়ে জমা

আসামীরে ফেলে শেষে দলি' !

আরামের লাগি ফেলে শ্বাস,

'খালো দাও' বলি' চাঁদে ডাকে,—

'ডাকাতে না শাস্তি করে নাশ,

চোর যেন কানাচে না থাকে ।'

এত খাটে, এত ভেবে মরে,

তবু তার না পূরে আশয়,

চোরেরা তবুও চুরি করে,

নালিশের শেষ নাহি হয় !

কত মতলব হয় মাটি

কত চেষ্টা ব্যর্থ হ'য়ে যায়,

'দেশের হিতের তরে খাটি'

এই ভেবে সপ স'য়ে যায় ।

বিরক্ত বিব্রত কেন তবে ?

অক্ষত শান্তির কেন আশা ?

শান্তি লাগি যুদ্ধ হেথা হবে,

পৃথিবী যে মানুষের বাসা !

ওয়ারেণ্ হেষ্টিংস্ ।

## তৈমূর-স্মরণ

( তাতার ও তিব্বত-বাসী মোগলদিগের মধ্যে প্রচলিত )

শিবিরে মোদের দৈব পুরুষ  
তৈমূর ছিল যবে,  
মোগল জাতির বীর্য্য তখন  
বিখ্যাত ছিল ভবে ;  
ধরণী সে হ'ত নিজে অবনত  
মোগলের পদভরে,  
শুধু কটাক্ষে লক্ষটা জাতি  
কাঁপিয়া মরিত ডরে !  
তৈমূর ! অবিলম্বে তুমি কি '  
ল'বে না নূতন কায় ?  
এস, ফিরে এস দৈব-পুরুষ  
র'য়েছি প্রতীক্ষায় ।

মোগল আজিকে শাস্ত হ'য়েছে,—  
নিরীহ গড্‌ডলিকা,  
নিরালয় মাঠ আলয় যাদের  
হৃদয়ে বহ্নিশিখা !  
কই গো, তেমন শিরদার কই ?  
কোথা সেই সর্দার ?  
মোগলে যেজন রণপণ্ডিত  
করিবে পুনর্ব্বার !



তীর্থ রেণু

তৈমূর ! অবিলম্বে তুমি কি  
ল'বে না নূতন কায় ?  
এস, ফিরে এস দৈব-পুরুষ  
র'য়েছি প্রতীক্ষায় ।

মোগলের ছেলে বন্ড ঘোড়ায়  
বাহুবলে বশে আনে,  
দৃষ্টি তাহার মরু-বালুকার  
লিখন পড়িতে জানে !  
তবু সে দৃষ্টি ব্যর্থ এখন  
মিছা কাজে আছে ভুলি' ;  
বুথা বাহুবল,—দাঁকাতে পারে না  
পৈতৃক ধনুগুলি ।  
তৈমূর ! অবিলম্বে তুমি কি  
ল'বে না নূতন কায় ?  
এস, ফিরে এস দৈব-পুরুষ  
র'য়েছি প্রতীক্ষায় ।

দৈব-পুরুষ তৈমূর পদে  
আমরা নোয়াই শির ;  
সবুজ চায়ের পাতা দিই তাঁরে  
পালিত মেঘের ক্ষীর ।  
হৃদয়ে মোদের তৈমূর-কথা  
যুগে যুগে জাগরুক,

তীর্থ রেণু

উৎসাহ ভরে উত্তত বাহু

মোগল সমুৎসুক ।

লাগা আমাদের মন্ত্র পড়ুন,

করুন আশীর্বাদ,

শঙ্কী ও শর হবে খরতর,

পূর্ণ হইবে সাধ ।

তৈমূর অবিলম্বে তুমি কি

ল'বে না নূতন কায় ?

এস, ফিরে এস দৈব-পুরুষ

রয়েছি প্রতীক্ষায় ।

## স্বদেশ

সাঁচ্চা লোকের স্বদেশ কোথা ? কোথায় গো তার দেশ ?

যেখানে তার জন্ম ঘটে ? —সীমার মাঝে শেষ ?

চিহ্ন-করা গণ্ডী-ঘেরা ক্ষুদ্র সীমার মাঝে

কখনো বসতে পারে ? —পরাণ কভু বাঁচে ?

তাই তো ! তবে ?...সাঁচ্চা লোকের স্বদেশ হ'বে ঠিক

নীল আকাশের মতন বিশাল, মুক্ত চতুর্দিক !

যে দেশেতে অব্যাহত স্বাধীনতার তান ?

মানুষ যেথায় মানুষ এবং মাতৃ ভগবান ?

সাঁচ্চা লোকের সেই কি স্বদেশ ? প্রবাসী আত্মার

আরো বিশাল ক্ষেত্র কি গো হয় নাকো দরকার ?

## তীর্থরেণু

তাই তো ! তবে ?...সাঁচ্চা লোকের স্বদেশ হ'বে ঠিক  
নীল আকাশের মতন বিশাল, মুক্ত চতুর্দিক !  
যেথায় যেথায় পরছে ওগো মানুষ বারম্বার,  
দুঃখ শোকের শিকল বেড়ী, সুখের পুষ্পহার ;—  
আত্মা যেথায় তপশ্চরণ ক'রে নিরন্তর  
সত্য ও সুন্দরের দিকে হচ্ছে অগ্রসর,—  
সাঁচ্চা লোকের জন্মভূমি সেই খানেতেই ঠিক,  
জগৎ-জোড়া স্বদেশ তাহার মুক্ত চতুর্দিক ।  
একটিও, হায়, মানুষ যেথায় কাঁদছে সকাতরে,  
মোদের স্বদেশ সেই যেন হয় ভগবানের বরে ;  
যেখানটিতে একখানি হাত মুছায় দুটি চোখ  
জগৎ মাঝে সেইটুকু ঠাই তোমার আমার হোক ;  
সাঁচ্চা লোকের জন্মভূমি সেখানটিতেই ঠিক,  
বিশ্বজোড়া বিশাল স্বদেশ মুক্ত চতুর্দিক ।

লাওয়েল ।

---

## বিপদের দিনে

বিপদের দিনে হ'স্ নে রে মন হ'স্ নেকো স্রিয়মাণ,  
হাসিমুখে থাক্ তোর সে ভাবনা ভাবিছেন ভগবান ;  
গোলাপে ছিঁড়িয়া কেহ কি পেরেছে হাসি তার কেড়ে নিতে ?  
বুলায় প'ড়েও হাসি ফোটে তার পাপ্‌ড়িতে পাপ্‌ড়িতে !

কমি ।

## পিড়পীঠ

ওগো      কোথা সেই দেশ, কেমন সে দেশ  
                 কে মোরে বলিবে তাহা ?  
মোর      পরাণের চেয়ে প্রিয় সে, তবুও  
                 চক্ষে দেখিনি, আহা !  
তবু      সে আমার দেশ, আমারি স্বদেশ,  
                 না জানি দেখিব কবে !  
কবে      মন্দার-হরিচন্দন-বীথি  
                 নয়নে উদয় হ'বে !

হেথা      যত অনশন-ক্লিষ্ট বামন  
                 মিলিয়াছে একটাই,  
হায়      ক্ষুদ্রতা আর গৃধা তৃষ্ণার  
                 অবসান হেথা নাই !  
হেথা      মৃত্যু ফিরিছে ছয়ারে ছয়ারে,—  
                 রাজা প্রজা কাঁপে ত্রাসে ;  
ওগো      নৃত্য-শালায় নৃপূরের ধ্বনি  
                 বারে বারে থেমে আসে !  
হেথা      রাণী কেবা ? হায় ! দাসী কে হেথায় ?  
                 মরণ-অশ্রু সব !  
হায়      ধূলি শয্যায় এক হ'য়ে যায়  
                 হাসি-রোদনের রব !

তীর্থ রেণু

হায় অতুলন রূপ হয় অগোচর,  
কুরুপের (ও) মুখ ঢাকে,  
ওগো জলের লেখার মতন লুকায়  
চিহ্ন কিছু না থাকে !  
যায় আলোক হইতে পুলক হইতে  
মলিন ধুলির তলে,  
এই উষ্ণ শোণিত হিম হ'য়ে যায়  
ধমনীতে নাহি চলে !  
হায় এমনি করিয়া লুকায় যেন সে  
ছিল না মর্ত্য-লোকে ;  
ওগো সবারি দৃষ্টি এড়ায় মানুষ,—  
ভগবান ব্যতিরেকে ।  
সেই ত্রীপদে যে চির-জীবন-নিব্বার,  
এতো শুধু ফুৎকার,—  
শুধু ক্ষণিকের মায়া,—মরণের ছায়া,—  
স্বপনের সঞ্চার ।  
ওগো, নিখিল শরণ, শঙ্কা হরণ  
সেই ত্রীচরণ চুমি'  
আছে ছায়ার মায়ার মরণের পারে  
আমার জন্মভূমি ।  
ক্রিষ্টিনা রসেটি ।

---

## ভবিষ্যতের স্বপ্ন

ভবিষ্যতের তিমির-গর্ভে দেখিলাম ডুব দিয়ে  
চক্ষু চোখেতে বিশ্ব লোকের স্বপ্ন দেখিছু কি এ !  
দেখিছু আকাশ ভরিয়া উঠিল বণিকের ব্যোমযানে,  
রাঙা গোধূলির নাবিকেরা মণি বোঝাই করিয়া আনে ।  
ঘোর হৃদ্যর শুনিছু গগনে, বীভৎস হিম পড়ে,  
ব্যোম-পথে ব্যোম-বাহিনী লইয়া লক্ষ জাতিতে লড়ে ।

সহসা বহিল দখিনা বাতাস ঝঞ্ঝার মাঝখানে,  
‘সাধারণী ধ্বজা তুলিয়াছে শির’ কহিল কে কানে কানে !  
‘স্পন্দরহিত রণছন্দুভি হ’বে ওগো এইবারে,  
বিশ্বমানব মিলিবে আসিয়া জগৎ-সম্মুখাগারে ;  
দশের সহজ বুদ্ধি মিলিয়া শাসিবে পালিবে ধরা,  
সার্বজনীন বিধানে ধরণী প্রশান্ত হ’বে স্বরা ।’

টেনিসন্ ।

---

## বিচিত্রকণ্ঠা

কাঁটা গুল্মে যে গুল্মাব ফুটাতে পারে,  
শীতের বাতাসে ছুটায় যে দক্ষিণে,  
তার অসাধ্য কিছু নাই সংসারে,  
হরষের হাসি ফুটাবে সে ছুদ্দিনে ।

কুমি ।

## শুরু নিশীথে

শুরুা যামিনী প্রসন্ন হ'ল  
লভিয়া তোমার জ্যোতি,  
দেহ-নিরুদ্ধ আত্মারে তাই  
দিল সে অব্যাহতি ;  
ছিঁড়িল শিকল হ'ল সে উজল  
ক্ষটিক মালার মত !  
প্রভু ভূত্যের ভেদ ঘুচে গেল.  
ভুবন স্বপ্নহত !  
বন্দী ভুলিল বন্ধন, রাজা  
রাজ্য ভুলিল ঘুমে  
পুণ্য যামিনী সাম্য আনিল  
বিষম মর্ত্য ভূমে !  
রুমি ।

---

## অলক্ষ্যে

অলক্ষ্যে অচেনা লোক আসে প্রতি ঘরে,  
অচেনার মাঝখানে কত খেলা করে !  
অলক্ষ্যে চলিয়া যায় শেষে একদিন,  
শূন্য নীড় পড়ে থাকে দেহ প্রাণহীন  
'নাল-আদিয়ার'-গ্রন্থ ।

---

## গল্পব

“বোঁটার বাঁধন টুটে  
কোথা চলেছিচ্ছুটে ?  
ওরে ও শুষ্ক পাতা ?”  
হায় আমি জানি না তা’ !  
ছিন্নু যে বটের শাখে  
ঝড় লেগেছিল তাকে,  
সে অবধি মোরে, হায়,  
বাতাস ফিরায় পায় ;—  
দখিনে ও উত্তরে,  
বনে ও বনান্তরে ;  
মাঠে, পাহাড়ের কোলে,—  
অস্থির ক’রে তোলৈ !  
আমি চলি সেইখানে  
বাতাস যে দিকে টানে ;  
শঙ্কায় নাহি মরি,  
অম্লযোগ নাহি করি ।  
আমি চলি সেই দেশে,  
যেখানে সকলি মেশে,—  
রাঙা গোলাপের দল,—  
‘লরেল্’ সুশ্রামল !

আৰ্ণব :



## স্মৃতি

যৌবন আমি ভালবাসিতাম  
সুখাবেশে সুমধুর,  
হউক ক্ষুদ্র তব সে পাত্র  
প্রেমে শুধু পরিপূর !  
ত'লাম সেয়ানা হ'ল বিবেচনা,  
গেল নাবালক নাম,  
আমার বুদ্ধি কহিল আমারে,—  
“ভালবেসো অবিরাম ।”  
তার পর চলি' গেল যৌবন,  
উড়িয়া পলাল সুখ ;  
তব ভাল আজো আছে যে জাগিয়া  
মনে আনন্দটুক ;  
সে শুধু এখনো ভালবাসি ব'লে,—  
খুসী আছি ভালবেসে ;  
প্রেমের অভাব পূরাইতে কিছু  
না'ই মানুষের দেশে ।

মাদাম দুদেতোৎ ।

## দুর্বোধ

এখনো দুর্বোধ !

জীবন কেটেছে এক সাথে,  
হঃখে সুখে, বসন্তে বর্ষাতে,  
একই ঘরে গেছে দিন রাত,  
বিবাহে মিলেছে হাতে হাত,  
কত লীলা, কত খেলা, কত সে প্রমোদ ;  
তবু হায়, তবুও দুর্বোধ !

এখনো দুর্বোধ ! •

শৈশবের স্মৃতি মমতার,  
প্রশংসা, সন্মেল তিরস্কার,  
ভুল করা, উপদেশ পাওয়া,  
দেশে দেশে সঙ্গে সঙ্গে যাওয়া ;  
বিমুখ, বিরূপ শেষে—হয় তো বিরোধ  
পরস্পর, এমনি দুর্বোধ !

তবু ও দুর্বোধ !

একই কাজে এক যোগে থেকে,  
পরস্পরে 'মিতা' বলে ডেকে,  
দ্বন্দ্ব ক'রে, বুকে টেনে নিয়ে,  
অকুণ্ঠিতে প্রাণ খুলে দিয়ে,  
আঁখি আড়ে ছাড়াছাড়ি শেষে জন্মশোধ ;  
দেখা হ'লে তখন দুর্বোধ !

তা'র রেণু

তবুও হয়না পরিচয় !

মানুষ কি একান্ত একাকী,—

ভাবি আর স্তব্ধ হয়ে থাকি !

জনে জনে গণ্ডী দিয়ে দিয়ে,

প্রকৃতি গো রেখেছ ঘিরিয়ে ;

গণ্ডী শুধু গণ্ডী ছোঁয়, মিলন না হয় ;

হয়না যথার্থ পরিচয় ।

হাউটন্ ।

## নশ্তা

আমার ডিবায় নশ্তা আছে ভারি চমৎকার !

তুমি কিন্তু পাচ্ছ নাকো একটি কণাও তার ।

যা' আছে তা' আমার আছে দিচ্ছি নে তা' অগ্নে,

এমন নশ্তা হয় নি তোদের বোঁচা নাকের জগ্নে ।

নশ্তাদানে নশ্তা আছে কিন্তু সে আমার ;

তুমি বাপু পাচ্ছ নাকো একটি কণাও তার ।

মরুভূমির মুখে শোনা অনেক দিনের গান,

আধখানা তার শুনেছিলাম, শিখেওছি আধখান ;

সে যা' হোক, ঐ গানটা শুনে হ'ল কেমন জেদ,

নশ্তা আমার নিতেই হ'বে, রাখ'ব নাকো খেদ ।

নশ্তাদানে নশ্তা আছে ভারি চমৎকার,

তুমি কিন্তু পাচ্ছ নাকো একটি কণাও তার ।

## তীর্থ রেণু

এক যে রাজার জ্যেষ্ঠ পুত্র—অনেক টাকার মালিক,  
বাড়ীর দ্বারে সিংহ তাঁহার গাড়ীর দ্বারে শালিক !

তিনি আপন কনিষ্ঠকে বল্লেন ডেকে “ভায়া !

কমণ্ডলু নাওগে, দেখ সংসার শুধুই মায়া ;

নশ্বদানে নশ্ব আছে কিন্তু সে আমার,

তুমি ভায়া পাচ্ছ নাকো একটি কণাও তার ।”

এক মহাজন,—লোকটি পাকা, অর্থাত্‌ বুনো বেজায়,

ঋণ দিলেন এক নায়গ্রাস্তে অহৈতুকী কৃপায় !

সুদের সুদটি শুষে নিয়ে বেচে ভিটেমাটি,

ঋণী জনকে শুনিয়ে দিলেন তত্ত্বকথা খাঁটী,—

“ডিবার মধ্যে নশ্ব আছে, কিন্তু সে আমার,

তুমি বাপু পাচ্ছ না আর একটি কণাও তার ।”

আছেন কত গৃধ্র উকীল, শকুন ব্যারিষ্টার,

বুদ্ধি যোগান নির্ঝোঁধেদের দয়ার অবতার ;—

ফন্দী ক’রে খসিয়ে টাকা শূন্য ক’রে থলি

মক্কেল বিদায় করেন তাঁরা এই কথাটি বলি,

“ডিবার মধ্যে নশ্ব আছে ভারি চমৎকার,

তুমি এখন পাচ্ছ না আর একটি কণাও তার ।”

হীরার কণ্ঠি গলায় দিয়ে নাচঘরে যান ক্ষেত্রী,

কণ্ঠিতে তাঁর নেত্র দিলেন একটি অভিনেত্রী ;

ক্ষেত্রী কৃপন মুখ বাঁকিয়ে বল্লেন “সোহাগ থাক্,

না হয় তোমার পদ্মচক্ষু, বাঁশীর মতন নাক,

দেখ্‌ছ, ডিবার নশ্ব আছে, কিন্তু সে আমার,

তুমি ডিয়ার ! পাচ্ছ নাকো একটি কণাও তার ।”

লাতাগ্রা ।

## অভেদ

আমরা সবাই ভাই,  
শরণীর কোলে জন্ম নিয়েছি স্তম্ভ তাহারি খাই ;  
কিবা সে শূদ্র, কিবা ব্রাহ্মণ,  
সবারি সমান জন্ম মরণ,  
এক মনোপ্রাণ, এক ভগবান, কোনোখানে ভেদ নাই ।  
কর্মের ফলে কেউ বা ভিখারী,  
কেউ ধনবান, কেউ বা মাঝারি ;  
বড় যারে দেখ সে শুধু মঞ্চে দাঁড়ায়েছে উঠে তাই ।  
বৃষ্টি বাতাস—নিতি এই দুয়ে  
ব্রাহ্মণে ছোঁয় চণ্ডালে ছুঁয়ে !  
সকলেরি সাথে কোলাকুলি করে জোছনা সর্বদাই ।

আমরা সবাই ভাই !  
কেউ কালো, কেউ গোউর বরণ,  
লম্বা ও খাটো—সব খাঁটি মন,  
দুধ সেই শাদা—কালো হোক্ চাই ধলোই ইউক্ গাই ;  
আমরা সবাই ভাই !

কপিলর ।

## জীবন

খাবার জন্মে একমুঠো ভাত, শোবার জন্মে একটি কোণ,  
কঁাদতে পুরো একটা বেলা, হাসতে মোটে একটু ক্ষণ ;  
আনন্দ সে ছ'এক পোয়া, দুঃখ কষ্ট ছ'এক মণ,  
ফুর্তি যত দ্বিগুণ তাহার মৌন বিষাদ-বিলপন ;

এই জীবন !

একটি কোণ আর একমুঠো ভাত—প্রেম থাকেত রাজ্যধন,  
কান্না তখন স্বস্তি আনে, একটু হাসিই জুড়ায় মন ;  
ফুর্তি তখন দ্বিগুণ নিঠে ; দুর্ভাবনা কতক্ষণ ?  
হাসির কাছে আশী রচে পারার মতন উদ্বেজন ;

এই জীবন ।

নিগ্রো ডান্‌বার ;

---

## করুণার দান .

বড় ভাল বেসেছিলাম, ওরে !  
বেসেছিলাম দীর্ঘ দিন ধরে,—  
করুণায় তাই ভগবান  
কণ্ঠে মোর দিয়েছেন গান ।  
বিফলে বেসেছি ভাল ব'লে—  
কণ্ঠে সুর টুটে পলে পলে,—  
করুণায় তাই ভগবান  
মৃত্যু মোরে করিছেন দান ।

নিগ্রো ডান্‌বার ।

## ‘কা বার্তা’

জগৎ ঘুরিয়া দেখিলু সকল ঠাঁই,  
বিশ্বাদ হ’য়ে গিয়েছে বিশ্ব, পাপের অন্ত নাই !  
অতি নির্বোধ, অতি গর্বিত নারী সে গর্ভদাসী,  
ভালবেসে তার শ্রান্তি না হয় পূজিতে না আসে হাসি !  
লালসা-লোলুপ পুরুষ পেটুক, কঠোর, স্বার্থপর,  
বাঁদীর বান্দা, নরকের ধারা, পঙ্কে তাহার ঘর ।  
উচ্ছ্বসি’ কাঁদে বলি পশুগুলা, কসায়ের বাড়ে খেলা,  
শোণিত-গন্ধি হয় উৎসব যত পড়ে আসে বেলা ।  
নিষ্ঠা আচারে পাগ্লামি-পূজা করিছে কতই ভেড়া,  
ছুটিতে গেলেই নিয়তি নীরবে উঁচু ক’রে ছান্ বেড়া ;  
শেষে ঢেকে ছান অগাধ আফিমে, সংজ্ঞা থাকে না আর,  
এই তো মোদের সারাজগতের সনাতন সমাচার !

হে প্রিয় মরণ ! প্রাচীন নাবিক ! নৌকা আনহে তীরে ;  
হুর্বহ মোর হ’য়েছে জীবন, লও তুলে লও ধীরে ।  
অজানা অতলে ঝাঁপ দিব আমি, প্রাণ যে নূতন চায়,  
স্বর্গ সে হোক অথবা নরক, তাহে কিবা আসে যায় ?  
বদলেয়ার ।

## খোয়ানো ও খোঁজা

আপন মায়ের খোঁজে গেছে মা আমার,  
তার আগে তার মার ( ও ) অমনি ব্যাপার !  
জগৎ সমান ভাবে চলিয়াছে সোজা,  
চলেছে সমান ভাবে খোয়ানো ও খোঁজা !

‘নাল-আদিয়ার’-গ্রন্থ ।

## প্রহরায়

প্রহরায় দৌহে জেগে বসে আছি,—

আমি আর সংশয়,

ঝড়ের রাতে হ'য়ে কাছাকাছি—

আমি আর সংশয় ।

মগ্ন গিরির শঙ্কা করিয়া

তাকাই অন্ধকারে,

চটু চলে যায় তরী লজ্জিয়া

ভরে বুক হাহাকারে ।

নৌকায় দৌহে পায়চারি করি

আমি আর প্রত্যয়,

ঘন ঘটামাবে মোরা দৌহে হেরি

অকূলে অরণোদয় !

পূর্বের ঝরোখা খুলি' যেথা উষা

উকি ছায় শেষ রাতে,—

সংশয় আর প্রত্যয় যেথা

অভেদ আমার সাথে !

গাইন্ ।



## তিনটি কথা

মানুষের মনে আমি সযতনে  
লিখে যাব তিন বাণী,  
অগ্নি আখরে পরাণের 'পরে  
অমর এ লিপিতানি ;—  
আশা রেখো মনে, হৃদীনে কভু  
নিরাশ হয়োনা, ভাই,  
কোনোদিন যাহা পোহাবে না, হায়,  
তেমন রাত্রি নাই ।  
রেখো বিশ্বাস, তুফান বাতাসে,  
'হ'য়ো না গো দিশাহারা,  
মানুষের যিনি চালক, তিনিই  
চালান চন্দ্র তারা ।  
রেখো ভালবাসা সবারি লাগিয়া,  
ভাই জেনো মানবেরে,  
প্রভাতের মত প্রভা দান কোরো  
জনে, জনে, ঘরে, ঘরে ।  
মনে রেখ এই ছোট ক'টি কথা,—  
'আশা', 'প্রেম', 'বিশ্বাস'  
আঁধারে জ্যোতির দরশন পাবে,  
পাবে বল, যাবে ত্রাস ।

শিলায় ।

## বিদায়

বিদায় ! যে দেশে গেলে ফেরে নাকো আর  
এবার আমারে যেতে হ'বে সেই দেশে ;  
বিদায় জন্মের মত বন্ধুরা আমার,—  
যদিও তাহাতে কারো যাবে নাকো এসে

তোমরা হাসিবে বটে শত্রুরা আমার,  
এ চির প্রয়াণ-বার্তা,— অতি সাধারণ ;  
সবারে জানিতে তবু হ'বে এর পাদ  
একদিন ; ওগো মিত্র ওগো শত্রুগণ !

একদিন অন্ধ-করা অন্ধকার তীরে  
দাড়ায়ে আপন কন্ম স্মরিবে যখন,  
কখনো দহিবে ক্ষোভে, কভু অসন্তোষে.  
পরম কৌতুকে হেসে উঠিবে কখন ।

সংসারের রঙ্গগৃহে যখনি যেজন  
অভিনয় সাজ করি' চ'লে যেতে চায়,—  
উল্লাস-অবজ্ঞা-ভরা বিপুল গর্জ্জন  
একবার ফিরাইয়া আনিবেই তায় ।

মানুষ দেখেছি ঢের এ দীর্ঘ জীবনে,  
দেখেছি অনেক আমি অন্তিম শয্যায় ;—  
বৃদ্ধ বিপ্র, বৃদ্ধ বেশা, বৃদ্ধ বিচারক,—  
সবারি সমান দশা মৃত্যু যাতনায় ।

## তীর্থ রেণু

মিথ্যা প্রায়শ্চিত্ত আর মিথ্যা চান্দ্রায়ণ,  
মিথ্যা গঙ্গাযাত্রা, মিছে মৃদঙ্গের রোল,  
সফরে চলেছে ওই আত্মারাম বুড়া,—  
তার লাগি মিছে অশ্রু, মিছে 'হরিবোল' ।

হাসে শয়তানী হাসি হেটো লোক যত,  
জীবনের ভুল ধরি' পরিহাস করে ;  
এমনি করিয়া শেষ হয় প্রহসন,—  
তাও লোকে ভুলে যায় দিন দুই পরে !

হায় ! ক্ষুদ্র পতঙ্গিকা ! ক্ষণিকের জীব !  
অদৃশ্য সূতায় বাঁধা রঙিন পুতুল !  
নির্ব্বাণের করতলে ঘাড়-নাড়া বুড়া !  
কি তোরা ? কোথায় যাস্ ?—চেয়ে জুল্জুল !

আজ আমি দাঁড়াইয়া যেই সন্ধিস্থলে,  
কে পারে দাঁড়াতে হেথা অব্যাকুল মনে ?  
যে জানে ভয়ের কিছু নাহি পৃথ্বীতলে,  
জীবনে যে খ্যাতিহীন, অজ্ঞাত মরণে ।

ভল্টেয়ার ।

## বেদনার আশ্বাস

বেদনার মাঝে আছে ওগো আছে  
সীমাহীন আশ্বাস,  
কঠিন তালের আঁঠিতে লুকানো  
রয়েছে কোমল শ্বাস !  
কুমি ।

---

## মরণ

( মিশর )

মরণ,—জ্বরের দাঠ অবসানে  
মুক্ত বাতাসে যাওয়া ;  
নিখিল ব্যাধির ঔষধ সে যে  
দৈবে শিয়রে পাওয়া !  
মরণ,—স্মরতি পূজা ভবনের  
ধূপের অঙ্ককার,  
বাত্যা-তাড়িত তরীতে নিদ্রা,—  
লেশ নাই সংজ্ঞার ।  
সে যে কমলের গুট্‌ পরিমল,—  
সৌম্য প্রাপ্তি ভূমা !  
মহা নিব্বরের বস্তু মরণ,—  
অনাদি কালের চূমা !

তীর্থ রেণু

যুদ্ধের শেষে নৌ-সেনানীর  
ফিরে যাওয়া নিজ দেশে,  
আকাশ নীলের বিমল বিকাশ  
ঘোর ঝঞ্ঝার শেষে ;  
বন্দী জনের কামনার নিধি  
মরণেরে মনে হয়,  
বহুবরষের কারা-ক্লেশে যার  
জীবন দুঃখময় ।  
সেই তো দেবতা দেহ-অবসানে  
যে গেছে মৃত্যু-লোকে,  
মোচন করিয়া দূরে ফেলে দেছে  
শোচনার নিম্নোকে ;  
সূর্য্যের কাছে সূপে বসে আছে  
সূর্য্যেরি নৌকায়,  
তপন কালে দেবতার সাথে  
বলি-উপহার পায় ;  
মৃত্যুরে পোয়ে পায় গো না চেয়ে  
জ্ঞানীর অধিক জ্ঞান,  
জীবিতে যা' রবি না ছান্ কখনো  
মৃতজনে তাহা ছান্ ।

---

## মায়া

প্রেমিক মরেছে, মরে গেছে প্রিয়া তার  
তাদের প্রেমের চিহ্নটি নাই আর !  
ওগো ভগবান ! একি অপরূপ মেলা !  
ছায়ায় ছায়ায় ভালবাসাবাসি খেলা !  
মন যাহা নহে তাই ত'ল উন্নয়ন,  
এ লীলা বুঝিবে বুঝাইবে কোন্ জনা !  
রুমি।

---

## নশ্বর

( প্রাচীন মিশর )

আপনি আপন সমাধি-ভবন নিরমিল যারা  
রাখিতে দেহ,  
আজি তাহাদের সে দেহ কোথায় ? চিহ্ন খুঁজিয়া  
পায় না কেহ !  
কোথা তাহাদের কীৰ্ত্তি-কাহিনী ? আজি কোন্ জন  
জানে বা তাহা ?  
কত শ্লোক আজ মুখে মুখে ফিরে, কার সে রচনা  
জানি নে, আহা !  
ভেঙেছে প্রাচীর রাজ-সমাধির, হায় এস্তুফ !  
হায় গো প্রভু !  
ভিত্তি তাহার খুঁজে পাওয়া ভার, যেন সে ছিল না,—  
হয় নি কভু।

---

## ত্রিলোকী

অসীম ব্যোমেরে সূর্য্য কি কথা বলে ?  
সাগর কি কথা বলে গো হাওয়ার কানে ?  
কোন্ কথা চাঁদ বলে চুপে রাত্রিরে ?  
কোন্ জন তাহা জানে ?

ভ্রমর কি ভাবে হেরিয়া কুসুমদলে ?  
কি ভাবে গো পাখী নিরখি' নীড়ের পানে ?  
রৌদ্র কি ভাবে মেঘ দলে চিত্রি' রে—  
কোন্ জন তাহা জানে ?

গোষ্ঠ গোধনে কি কহে গানের ছলে ?  
কোন্ সুরে মধু মৌমাছি টেনে আনে ?  
অতল কি গান শোনায় হিমাদ্রিরে ?  
কে জানে এ তিন গানে ?

ফাল্গুন যেই লিপি লেখে চৈত্রে,রে,  
বৈশাখ যাহা পড়ে গো আখর চিনে,  
জ্যৈষ্ঠেরে দিয়ে যায় যে লিখন, শেষে,  
তাহার জন্মদিনে ;

উষার পুলক দিনের প্রকাশ হেরে,  
দিনের পুলক বিকশি' মধ্যদিনে,  
গানের পুলক ফেটে গিয়ে নিশ্বাসে  
বেসুর করিয়া বীণে ;—

## তীর্থ রেণু

কে জানে ? কে বুঝে মরণ রহস্যের ?  
কে জানে চাঁদের ক্ষয়, উপচয়, ঋণে ?  
মানুষের মাঝে নাই কারো হিসাবে সে ;  
মৃত্যু জানাবে তিনে !

প্রবল ঢেউয়ের কিনারার প্রতি টান,  
কিনারার টান ভগ্ন ঢেউয়ের দিকে !  
আকাশ-বিদারী জ্বালাময় ভালবাসা,—  
জাগে যে বজ্রশিখে,—

যাবে না সে বোঝা, যতদিন আছে প্রাণ !  
ধ্রুবতারা করি' মরণের ছু' আঁখিকে  
যে অবধি জরি' না যায় প্রাণের বাঁসা,—  
চেয়ে চেয়ে অনিমিখে ;

একটি নিমেষে সমস্ত' সমাধান  
যতদিন নাহি হয় গো, দিগ্বিদিকে  
উষার মতন হাসিতে ফুটায়ে আশা  
অথবা দ্বিগুণ ম্লান করি' গোধূলিকে ।  
সুইন্বার্ণ ।



## অভিমান

ভাল হ'ত যদি প্রভু কিঙ্কর কিছু না হ'তাম আমি,  
ভাল হ'ত যদি জগতের মাঝে জন্ম না হ'ত, স্বামী !  
ধূলিই যখন হ'লাম হে প্রভু ! না হ'য়ে রূপা কি সোনা,—  
ভাল হ'ত হ'লে মরুর বালুকা যেথা নাই আনাগোনা ।  
ফুটে উঠিলাম তবু ও যখন না হ'লাম শতদল,—  
ভাল হ'ত হ'লে গিরি-শৈবাল অখাত নিষ্ফল ।  
জীবের মধ্যে গণ্য হ'লাম, —না হ'লাম বুল্‌বুল !  
ভাল হ'ত যদি জন্ম নিতাম যে দেশে ফোটেনা ফুল ।  
মানুষ হইয়া হ'ল না যখন মানুষের মত মন,  
ভাল হ'ত যদি হ'য়ে জড়মতি রহিতাম আমরণ ।  
তা' হ'লে যাতনা সহিতে হ'ত না কামনা দিত না ফাঁসী,  
বড় ভাল হ'ত অজানা রহিত এই ভালবাসাবাসি ।  
মরণ এখন শরণ আমার, জীবনের পথে কাঁটা,  
জাফর-কহিছে, বড় ভাল হয়—হ'য়ে গেলে নাম-কাটা ।

জাফর ।

## চিত্র বিচিত্র

জগতের এই নহবৎ-ঘরে বাত্বকরের দলে,  
জনম-নাকাড়া বাজাতে বারেক একে একে সবে চলে !  
নিত্য প্রভাতে নূতন সত্য জেগে ওঠে অভিরাম,  
গৌরব-ঘটা ঘিরি' লয়ে চলে নূতন নূতন নাম !  
সংসার যদি সমানে চলিত একটানা এক দেখে,  
কত না তব্ব গুমরি' মরিত প্রকাশের পথ চেয়ে ;  
তপনের ছটা যদি না ফুরাত ফুরালে দিনের নাট,  
তা' হ'লে কি কভু ফুটিত প্রদোষে ফুল্ল তারাব হাট ?  
শিশিরের যদি অন্ত না হ'ত, তবে বনে উপরনে  
গোলাপের কলি আঁখি কি মেলিত ফাগুনের চুখনে !  
জামি ।

## জিজ্ঞাসা

( বাস্তুটোল্যাণ্ড )

কে ছুঁয়েছে ছুঁটি হাতে আকাশের তারা ?  
শূন্যে চাঁদ কে রেখেছে ধ'রে ?  
কেন ছুটে নদী নদ অবিরল ধারা ?—  
শ্রান্ত হ'লে জুড়াইতে যায় কার ঘরে ?  
ভেসে ভেসে আসে মেঘ, ভেসে চলে যায়,  
তার দেশ কোথায় ? কে জানে !  
কে বরিষে বৃষ্টি ধারা ? সে কি শুষ্ক ? হায়,  
তারে কভু দেখিনি তো উঠিতে বিমানে !

## বিগ্রহ

নিশীথে আমার এই মন্দির-প্রাঙ্গণে  
ধাতুময় সপ্ত খেঁচু জাগে,  
বিচিত্র পাষাণ দীপ জ্বলে সারারাত  
মিট্ মিট্ মিট্ লাখে লাখে !

আমি লীলাভরে,  
গভীর মন্দির গর্ভে বসি গুপ্ত ঘরে,  
রত্ন-বেদী 'পবে !

চন্দনের কডিকাঠ সারি, সারি, সারি,  
সারারাত চেয়ে চেয়ে দেখি ;  
বসে থাকে তারাগুলি ঘুলঘুলি জুড়ে,  
মিট্ মিট্ মিট্ করে আঁখি ।

আমি যদি দাঁড়াইয়া উঠি একবার !—  
গুঁড়া হয়ে পড়ে যাবে ছাদ ;  
ডিম্বাকার হীরকের তৃতীয় নয়ন  
ঠেকে ভেঙে ফেটে যাবে চাঁদ ।

উঠিবনা,—থাক !  
স্কুলোদর পূজারীরা ডাকাইয়া নাক  
নিশ্চিন্তে ঘুমাচ্ !

যোগাসনে, তার চেয়ে বসে এক মনে  
নিজের নাভিটি ধ্যান করি ;  
পদ্মরাগ-বিমণ্ডিত নাভিপদ্ম, আহা !  
কিবা শোভা ! কিবা কারিগরি !

—

আর্ণো হোল্‌জ ১

## মহাদেব

আমি জলন্ত, আমি জীবন্ত, আমি দেখা দিই

অগ্নিরূপে,

পঞ্চভূতেরে নিত্য নূতন মুখোন্ পরাই

আমিই চুপে !

আমি মহাকাল, আমিই মরণ, আমি কামনার

বহির্জালা,

সৃষ্টি লয়ের ঘূর্ণিবাতাসে ছিঁড়ি গাঁথি গ্রহ-

তারার মালা ।

আমি জগতের জনমের হেতু, আমি বিচিত্র

অস্থিরতা,

বাহির দেউলে কামের মেথলা ভিতরে শান্ত

আমি দেবতা !

আমি ভৈরব, আমি আনন্দ, আমিই বিশ্ব,

আমিই শিব,

হৃৎপিণ্ডের শোণিত-প্রবাহ নিয়মিত করি'

বাঁচাই জীব ।

পরশে চেতনা এনে দিই জড়ে, পুনঃ কটাক্ষে

ধ্বংস করি,

নিশ্বাসে আর প্রশ্বাসে মম জীবন মরণ

পড়িছে বরি' !

জন্ম-তোরণে মৃত্যু-মূর্তি আমি প্রবৃত্তি

সকল কাজে,

এ মহা দ্বন্দ্ব, ইহা আনন্দ, আমারি ডমক

ইহাতে বাজে ।

আল্‌ফ্রেড্‌ ল্যাংল ।

## ধর্ম

শাস্ত্রের প্রদীপ নহি, নহি আমি ধর্মের নিশান,  
সিদ্ধ মহাপুরুষের সিদ্ধির অপূর্ব অবদান  
তুচ্ছ মানি,—সাধারণ ভ্রুংখ কাহিনীর তুলনায় ;  
মানুষের অশ্রুজলে, মানুষের মৌন শোচনায়  
আমারে আকুল করে,—মানুষের প্রার্থনায় চেয়ে ।  
পুণ্যাত্মা ! নালিশ রাখ, নীলাকাশ ফেলিয়া না ছেয়ে  
নাকী সুরে । এই কিহে ভক্ত তুমি ? ঈশ্বর নির্ভর  
এরি নাম ? এরি অহঙ্কার কর ধার্মিক প্রবর ?  
মন্দির-কন্দর ছাড়ি' এস বন্ধু ! এস বাহিরিয়া,  
স্বর্গের কামনা তোলো ! প্রব্যথিত মানবের হিয়া  
তোমারে খুঁজিছে, ওগো ! এস, এস মানুষের মাঝে,  
নরলোকে আছে কাজ ; স্বর্গে তুমি লাগিবে কি কাজে ?  
মমতার চক্ষে চাও, দুর্ব্বলেরে তোলো হাত ধ'রে,  
স্বর্গ পাবে মর্ত্যে বসি',—পুণ্যফলে, দেবতার বরে ।

ডান্‌বার ।

## শ্রেষ্ঠ ভক্ত

মিঞা আবু বিন্ আদম্,—( তাঁহার বংশ বিশাল হোক, )  
নিশীথে জাগিয়া দেখিলেন ঘরে উছলে চন্দ্রালোক !  
রূপে উদ্ভাসি' জোছনার রাশি পদ্মফুলের মত,—  
দেবদূত এক,—সোনালি পুঁথিতে লিখিতে আছেন রত ;  
চিন্তে মিঞার ছিল না বিকাব, তাই সাহসের ভরে  
সুধালেন তিনি “কি লিখ আপনি পুঁথির পাতার ‘পরে :’  
আঁখি তুলি’ ধীরে স্বপন-মূরতি ‘কানে কহিলেন তার,  
“বিশ্বরাজারে যারা ভালবাসে নাম লিখি তা’ সবার !”  
“আমার নাম কি লিখেছেন ?” আবু সুধালেন মৃদুভাষে,  
“লিখি নাই” শুধু কহি সংক্ষেপে দেবতার দূত হাসে !  
বিনয় বচনে কহিলেন আবু “লিখো তবে অন্তত :—  
আবু ভালবাসে সর্বভূতেরে ঠিক আপনারি মত ।”  
কি লিখি’ পুঁথিতে অলিখিতে হয় দেবতা গেলেন চলি’,  
পরদিন রাতে এলেন বিভাতে ভুবন সমুজ্জলি’,  
সোনালি পুঁথিটি খুলি’ ধরিলেন আবুর আঁখির আগে,  
নিখিল ভক্ত জনের শীর্ষে আবুর নামটি জাগে ।

লী গান্ট ।

## আদর্শ যাত্রী

বিশ্বাস তোমার দণ্ড হে যাত্রী নিভীক !  
নির্দ্বন্দ্ব সে কমণ্ডলু । চলিয়াছ ঠিক  
বীরের মতন ! ভ্রুকুটির নাহি ভয় ;  
অবজ্ঞা বিদ্রূপ কিছু গ্রাহ্য নাহি হয় !  
আত্মার অপূর্ব জ্যোতি অমল উজ্জল  
স্মিতহাস্তে উদ্ভাসিছে ও নৈত্র যুগল !  
তোমার নাহিক কাজ মোহান্তর বেশে,  
তোমাতে যে প্রেমচ্ছদ দিয়েছেন হেসে  
সর্বসাক্ষী ; জগতের শ্রেষ্ঠ পরিচ্ছদ ;  
জয় ! জয় ! তুমি পেলেন পরম সম্পদ !  
যাও হে, বিলাও নাম মানুষ্যের হাতে,  
নামের মশাল জ্বালি,—অন্ধকার কাটে  
যাহে সব ; খ্যাতি তুমি কর না তো আশ,  
নরক 'না চাহে দীপ,—সে যে স্বপ্রকাশ ।

সেন ।

## আনন্দ-বাণী

নীরবে নিয়ত ভরে

হৃদয়ের সরোবরে  
তব প্রেম, হে প্রেম নিলয় !  
অমৃতের উৎস তুমি                গার্জ কর মরুভূমি,  
                স্বরূপ দেখাও কুণাময় !  
তোমার প্রেমের স্রোত                করিয়াছে ওতঃপ্রোত  
                প্রিয় তব ভক্তের প্রাণ,  
ছিছু আমি অকিঞ্চন                তুমি দেছ সর্ব্বধন,  
                আমি কিনা দিব প্রতিদান ।  
সকল ভক্তের পিছে                আছি আমি সব নীচে  
                হে দেবতা ! সত্য সনাতন !  
পরম পরশ দিয়া                তনু মন গলাইয়া  
                গ্রাসি তাপ কর বিমোচন ।  
চিন্তার অতীত যাহা                চিন্তা কর তুমি তাহা  
                চিন্তামনি ! অমিয়-সাগর !  
স্বর্ষকালে-স্বপ্রকাশ !                মিনতি করিছে দাস  
                যোগ্য স্তুতি শিখাও শঙ্কর !  
অনন্ত আনন্দ-সুখা !                নাহি ক্ষোভ নাহি ক্ষুধা  
                নাহি ক্ষয়, নাহি নাহি ক্ষতি,  
প্রলয় অনল মাঝে                মহিমায় স্থান্ন রাজে ,  
                শূন্যমাঝে পূর্ণ পরিণতি ।  
বাঁধ্‌ যত অবহেলে                ভেঙে ফেলেন তুমি এলে  
                হিয়াতলে বস্তুর মতন,



তীর্থ রেণু

আমাতে করিলে বাস !      এর বেশী কোন্ আশ  
করিব তোমারে নিবেদন ?

ক্ষিতি-জল-অগ্নি-বায়-      ব্যোমে বিস্তারিয়া কায়  
ভূতের অতীত ভূতনাথ !

তোমারে দেখেছি আজ      আমি সর্ব-ভূত-মাঝ  
সুপ্রভাত ! আজি সুপ্রভাত !

তুমি ধারা চেতনার      জীবনের পারাবার,  
কে জানে হে তব বিবরণ !

আমার তিমির নাশ      করিলে হে স্বপ্রকাশ !  
সূর্য্য সম বিতরি' কিরণ ।

রশ্মিময়, পিঙ্গ জট,      তুমি হে অনাদি বট,  
সূর্য্য, তারা, পৃথ্বী তব ফল ;

বারিগর্ভ হতাশন !      কেবা পর ? কে আপন ?  
বল মোরে, নিখিল-সম্বল !

আমারে গ্রহণ করি'      নিজেবে মঁপিলে, মরি ;  
কে জিতিল ? তোমারে সুধাই.

আমারি অন্তরে ঘর      বাঁধিলে, হে মহেশ্বর ;  
কুলাল না ত্রিভুবনে ঠাঁই !

মাণিকবাচকর ।

## সাধু

অন্তর নিরমল, বচন রসাল,  
থাক আর নাই থাক তুলসীর মাল ;  
সংযম-নিয়মিত বিমল চরিত চিত,  
থাক আর নাই থাক শিরে জটাজাল ;  
কামনা কামের ফাঁস যে জন ক'রেছে নাশ,  
ছাই মাথা হ'ক কিবা না হ'ক কপাল ;  
অন্ধ যে পরধনে, বধির যে কুবচনে,  
তুকা জানে সেই সাধু বাকৌ জঞ্জাল ।

তুকারাম ।

## ঋণী ঠাকুর

নারায়ণ দেউলিয়া এইবার !  
লক্ষ লোকের কাছে ঋণী প্রভুটি আমার ।  
প্রভাত হ'লে দেউল ঘিরে জগৎ ফুকারে,—  
'আমার নিধি দাও হে ঠাকুর ফিরিয়ে আমারে' ;  
তখন মায়ায় হনু অমনি পাষণ অবতার ।  
মরমপাতে খত লিখেছ,—আছে নাম সহি,  
চরণ বাঁধা রেখে গেছ,—মাথায় তাই বহি ;  
এখন ফাঁকি দিবে কি তাই কও না কথা আর ?  
তুকা বেনে মহাজন আজ ঠাকুর দেনাদার ।

তুকারাম ।

## প্রার্থনা

( মেক্সিকো )

মনসা কাঁটার শুভ স্মমনস্ !  
আমারে কর গো বুড়া,  
কুহকের জাল ছিন্ন কর গো  
মায়াবীর মায়া গুঁড়া ;  
ভেমন বয়স পাই যেন, যাহে  
লাঠি হয় সম্বল,  
আমার আরতি গ্রহণ কর গো  
নিশীথের শতদল !

---

## প্রার্থনা

( সিউস্ জাতি )

হে দেবী পৃথিবী, ওগো পিতামহী  
দেহ আয়ু, দেহ বল ;  
বুনো ঘোড়া যেন ধরিতে পারি গো  
মারিতে শত্রুদল ।  
শান্তির দিনে অন্তরে যেন  
কখনো না পশে রোষ,  
নিজ গোত্রের 'পরে যেন কভু  
হয় নাকো আক্রোশ ।

---

## প্রার্থনা

( নাভাহো )

অনন্ত-যৌবন, প্রভু, আকাশের রাজা !  
পূজা লও, রাখ মোর দেহ মন তাজা ;  
চিরদিন রেখ' মোরে সবল সুন্দর,  
সৌন্দর্য্যে পূর্ণতা যেন পায় চরাচর ।

---

## প্রার্থনা

( মেক্সিকোর আন্তেক জাতি )

তুমি মাঝে মাঝে দণ্ড যা' দাও  
দয়াময় প্রভু মোর, .  
তাহে নিঃশেষে হয় যেন নাশ  
মম ভ্রান্তির ঘোর ।

---

## প্রার্থনা

( জাবিড় )

কিসে শুভ কিসে অশুভ আমার কিছুই বুঝিনে প্রভু !  
প্রার্থনা করি তবু !  
তুমি সব জানো, এইটুকু জেনে আছি আমি আশা ধরি,  
তাই প্রার্থনা করি ;  
যাহা দিতে চাও তাই শুধু দাও,—তাতেই আমার শুভ,  
এ কথা জেনেছি ক্রম,  
তোমার অর্থে সার্থক কর মোর প্রার্থনাচয়,  
প্রভু ! মঙ্গলময় !

---

## প্রার্থনা

হে প্রভু ! আমার চরণ ক্লান্ত  
এই পথখানি এসে ;  
ব্যথিত পান্থ করহে শান্ত,  
পরান জুড়াও হেসে ।

কম্পিত পদে ফিরেছি যে পথে  
সেখাই কাঁটার বন ;  
তীর্থ সুদূর যাত্রী বিধুর,  
ব্যবধান ত্রিভুবন ।

সন্তাপহর ! তোমার অঙ্গর  
প্রেমের নিব্বর পানে  
নিয়ে যাও প্রভু ! বড় বাথা বৃকে,  
পরশ বুলাও প্রাণে ।

নিগ্রো ডান্ধার ।

## ব্রহ্মস্ময়

তোমার আলোকে সৃষ্টি দেখেছি,  
তোমাতেই শুধু দেখিনি কভু,  
অন্তরযামী গোপনে কোথায়  
লুকায়ে রয়েছ, হে মোর প্রভু !  
হ্যালোক ছলিছে আলোকে তোমার,  
ছলিছে ছলিছে তপনশশী,  
রসের ফোয়ারা হ'য়ে মাতোয়ারা  
নিব্বর ধারা পড়িছে খসি' !

পবনের মত তুমি ভগবন্ !

আমরা পবন-ধূনিত ধূলি,

পবনেরে কেহ চক্ষে দেখে না,

দেখে চঞ্চল কণিকাগুলি ।

তুমি ঋতুরাজ বিরাজিছ তাই

আমরা এসেছি পুষ্পপাতা,

ঋতুরাজে কেহ চক্ষে দেখে না,

দান দেখে লোক, দেখে না দাতা !

নিগূঢ় গোপন আত্মা তুমি হে,

হস্ত চরণ আমরা সবে,

তুমি চালাইলে তবে চলি মোরা

তুমি বলাইলে বলি সে তবে !

আমরা রসনা, পশ্চাতে তার

তুমি সে প্রজ্ঞা ঋতসুরা,

তোমারি বিভায় আকাশ আকুল

তোমারি প্রভায় ভুবন ভরা ।

তুমি সমুদ্র আমরা তুফান,

তুমি আনন্দ আমরা হাসি ;

স্বরূপ গোপন ক'রেছ, হে প্রভু !

লুকাতে পার নি করুণাশি ।

সৃষ্টির কাজে দেখিয়া ফেলেছি,

করুণার মাঝে পেয়েছি দেখা,

কর্মে বচনে অনন্তদেব !

নিশিদিন তুমি জাগিছ একা ।

কমি ।

## সায়ুজ্য-সাধনা

মনোমন্দির প্রাণেশের লাগি'

কর সম্মার্জন,

তাহার বাসের যোগ্য করিতে

কর ওগো প্রাণপণ ;

আপনার কাছে বিদায় লও গো

দেরি করিয়ো না আর,

তুমি-হীন ওই তোমারি ভিতরে

ফুটিবে মহিমা তাঁর ।

মায়ুদ্ শবিস্তারী ।

## কামনা

কাছে কাছে সদা রহিব তোমার এই শুধু মোর সাধ,

তোমার নিকটে বসিতে পাইব,—এই মহা আঙ্খলাদ !

সারাদিনমান নয়ন ভরিয়া রহিবে মূর্তি তব,

নিশার আধারে চরণ ছ'খানি মাথায় তুলিয়া ল'ব ।

গহন ছায়ায় শয়ন বিছায়ে, ও রাঙা অধর হ'তে

মুহুমুহু মধু পান করিব হে ভাসিব সুধার স্রোতে !

বিস্কৃত হিয়া যাবে জুড়াইয়া স্নিগ্ধ প্রলেপে ভিজ্জে,

এর বেশী সুখ চাহি না গো আমি ভাবিতে পারি না নিজে ।

উষর এ মোর মন-মরুভূমি, তুষায় চেতনা-হারা,

নব প্রাণ দানি' কবে উছলিবে তোমার স্নেহের ধারা ?

জামি ।

## প্রিয়তমের প্রতি

ভাবনার ভারে এগো প্রিয়তম হ'য়েছি কুঁজা,  
তব প্রেমময় পরশে আমায় কর হে সোজা ।  
এই হাতখানি রাখিলে মাথায় জুড়ায় মাথা,  
নিখিল-ভরণ করণ ও কর, জেনেছি খাতা !  
ছায়া দান করি' হে প্রভু সে ছায়া নিয়োনী হরি'  
ব্যথিত,—ব্যথিত, - ব্যথিত আমি হে কাঁদিয়া মরি ।  
নয়নে ছলিয়া নয়নের ঘুম গিয়েছে চলি',  
তোমার শপথ তব আশাপথ চাহি কেবলি ।

কমি ।

---

## বিরহী

কেমন উপায় করি ভেটিতে তোমায়,  
ভাবিতে ভাবিতে মোর তনু জরি' যায় ।  
তাজিয়া আপন জন যাই পরদেশ,  
তোমায় দেখিতে যদি পাই পরমেশ !  
সহিতে না পারি নাথ ! সহিতে না পারি,  
পুড়িয়ে করিব ছাই এ তনু আমারি ;  
অল্প আয়ুর কাল,—নিতি ক্ষয় পায়,  
বল, আর কবে দেখা দিবে হে আমায় ?  
বিচারি' আপনি কর যে হয় বিহিত,  
হুকুম শুনিতে তুকা সদা অবহিত ।

তুকারাম ।



## বিচারপ্রার্থী

দয়্যাহীনে দণ্ড দিতে তুমি আছ, হরি !  
নালিশ তোমার নামে কার কাছে করি !  
কাতরে মিনতি করি নাহি তোলো কানে,  
নীরবে বসিয়া থাক,—ব্যথা পাই প্রাণে ;  
আকুল নয়নে চাই ধরিয়া চরণ,  
প্রাণের বেদনা সদা করি নিবেদন ;  
মনের মোহের ফাঁস কর প্রভু ক্ষয়,  
তুকা কয়, আর নয়,—এস দয়াময় !

তুকারাম ।

---

## শুভ যাত্রা

প্রভুরে তোর . . . . . স্মরণ ক'রে  
যাত্রা করিস্ মন !  
প্রভুর নামে . . . . . রিক্তাতিথি  
মিলায় কাম্য ধন ;  
মাহেন্দ্র যোগ ঐ যে তোমার,  
ক্ষতি-ক্ষয়ের ভয় কোথা আর ?  
তুকা কয় . . . . . প্রভুর সেবায়  
সদাই শুভক্ষণ ।

তুকারাম ।

## বিরহী

সংসার হ'তে এবার আমার গালিচা গুটায়ে  
তুলিব কাঁধে,  
তোমার মুখের মাধুরী নিরখি' ম'রে যেতে মোর  
পরাণ কাঁদে ;  
সেই উল্লাসে আপনা হারাব, হারাব আমার  
যা' কিছু আছে,  
মিছে ভাবনার কাটনা ভাঙিয়া লুটাবে তোমার  
পায়ের কাছে ।  
মোরে আর তুমি খুঁজিয়া পাবে না, পরাণ তখন  
দেহে না রবে,  
মোর পরাণের ঠাইটুকু জুড়ে তুমি সে আমার  
পরাণ হবে !  
নিজের ভাবনা দূর হ'য়ে যাবে, ধুয়ে মুছে যাবে  
হৃদয় মম ;  
আমারে ভরিয়া তুমি শুধু র'বে—তুমি শুধু র'বে  
হে প্রিয়তম !  
ধরণীর মণি ! স্বরগের সার ! আমারে ফেলিয়া  
রেখনা একা,  
আপনারে আমি ভুলিব, হে সখা, তুমি যদি দাও  
বারেক দেখা ।

জামি ।

## প্রেম নির্মাল্য

মধুর মদির মস্ততা এস, এস তুমি ভালবাসা,  
এস হৃদয়ের প্রানি-বিমোচন, সকল দর্প-নাশা !  
ধন্বন্তরী তুমি আমাদের, তুমিই পাতঞ্জল,  
যোগের সূত্র শিখাও, কর গো নিরাময় নির্মাল্য ।

প্রেমের আবেশে পাহাড় টেলেছে সাগর উঠেছে তুলে,  
প্রেমের মহিমা মর্ত্য-মানুষে নিয়েছে স্বর্গে তুলে !  
যদি প্রেমময় ধন্য করেন মোরে চুশন দানে,  
উজ্জ্বলি' হিয়া কাঁদবে ফাটিয়া মুরলি-ললিত-তানে ।  
কমি ।

## দর্বেশের ঘূর্ণি নৃত্য

দাও ঘুরপাক                      জ্ঞান ঘুচে যাক,  
   ঘুরুক মাথা,  
চোখে মুখে নাকে                      ছুটুক আগুণ  
   উঠুক গাথা !  
কোথা পায়জামা                      গাগ্‌ড়ি কোথায়  
   যাব তা' তুলে,  
ঘুরপাক দিয়ে                      করিব নৃত্য  
   হ' বাহু তুলে ।  
রাঙা সুরা আর                      রাঙা পেয়ালার  
   ঘুচিবে ভেদ,  
হৃদয়ে প্রণয়ে                      হ'বে একাকার  
   র'বে না খেদ ।

দর্শনের ঘূর্ণি নৃত্য

কি করেছি আর      কি যে বাকী আছে

জানিব না তা',

সব জানি তবু      কিছুই জানিনে

টলিছে মাথা !

শাস্ত্র শুনবে ?      পণ্ডিত আছে,—

জানিনে অত,

ভাবে বুঁদ হ'য়ে      চরণে দলেছি

শাস্ত্র যত !

ঘুরপাক্ দাও      আগুন জ্বালাও,

টুটুক বাধা,

ভয়ে সংশয়ে      ফুকরি' মরুক্

যতেক গাধা ।

কাফের কে আর      কে মুসল্‌মান্ ?—

প্রেমের দাস !

প্রেমে সব এক,      ওরে ছাখ্‌ ছাখ্‌ !

কি উল্লাস !

সুখে আছি বুকে      আকাশ আঁকড়ি'

বিভোল্‌ প্রাণে,

পায়ের তলায়      কে কি বলে, হায়,

পশে না কানে !

ঘুরুক্‌ ভাও,      এ ব্রহ্মাণ্ড

ঘুরুক্‌ সাথে,

আমরা প্রেমিক,      পরশ মানিক

পেয়েছি হাতে !

সৈয়দ নিমতুল্লা ।

## আমি

আমি ইসলাম, আমিই কাফের,  
আমিই ঘোরাই চন্দ্রতারা !  
গগন-ললাটে মেঘের অলক  
আমিই বরষা বৃষ্টি-ধারা !  
আমিই তড়িত-তন্তু-বিধার,  
আমিই বিকট বজ্র-শিখা,  
কালকূটে ভরা আমি ভুজঙ্গ,—  
রঙ্গে পরাই মৃত্যু-টিকা ।  
অস্থি-চর্মে গ'ড়ে উঠি আমি  
রক্তে মাংসে রহি গো জীয়ে,  
অনাদি জ্ঞানের হিন্দোলে ছলি  
অনাদি প্রেমের পীযুষ পিয়ে !  
ঋতু বসন্তে মর্তে যে আনে,—  
হৃদি-মন্দিরে নিবসে যেই,  
সম্মত হয় সম্মান হ'তে,—  
কিঙ্কর হ'তে—আমিই সেই !  
মেঘ হ'য়ে যাহা উর্দ্ধে উঠিছে  
জল হ'য়ে যাহা নামিছে নীচে  
—আমি সেই—যাহা অন্ধজনের  
নাচিছে চোখের সমুখে পিছে !  
বিনা ইন্ধনে যে আগুন জলে,—  
চক্ৰমকি' উঠে চক্ৰমকিতে,—  
আমি সেই !—আমি অনেকের প্রভু,—  
সেবা করি তবু পুলক চিতে ।

আ মি

কে আছ ব্যথিত চিন্তা মথিত  
এস, আমি দিব জুড়াতে ঠাই,  
নয়ন-নগরে পরাণের ঘরে  
বাহিরের গোল কিছুই নাই !  
এত কথা যুনা জানেনা জানেনা,  
অনাদি রসনা বলায় তারে ;  
আদি ও অন্ত একাধারে আমি,  
মুট সে যেজন বৃষ্টিতে নারে ।

যুনাশ ।

---

## প্রেমের ঠাকুর

নিত্য নাহিলে                      হরি যদি মিলে  
জলজন্তু তো আছে,  
ফলমূল খেলে                      হরি যদি মেলে,—  
বানর রয়েছে গাছে ।  
তৃণ দাঁতে ধরি                      যদি মিলে হরি  
তবে হরি হরিণের,  
কামিনী ত্যজিলে                      হরি যদি মিলে  
খোজা তো রয়েছে ঢের ।  
গুধু হুধ খেলে                      হরি যদি মেলে,—  
কত আছে কচি ছেলে,  
কহে মীরাবাই                      বিনা প্রেম, ভাই,  
সে ধন কভু না মেলে ।

মীরাবাই ।

## ভোলামনের প্রতি

কি রে মন তুই কৃপাময় নাথে রয়েছিস্ নাকি তুলে,—

বিশাল বিশ্বে তুলে

শূন্যে যে ধরে' আছে ;—

পীযুষ সৃষ্টি করেছেন যিনি শিশুরে করাতে পান,

মাতা আর সন্তান,

যাঁর করুণায় বাঁচে !

বিষম রোদ্রে ক্ষুদ্র তৃণের অঙ্কুরে যে বাঁচায়

করুণার ধারা ধায়

জুড়ায় তাপিত প্রাণ ;

অনাদি অশেষ'অনাথ-শরণ রক্ষা করেন তোরে—

স্মরণে রাখিস্, ওরে !

সকলি যে তাঁরি দান ।

তিনি যে নিখিল-বিশ্বস্তর-চির-আনন্দ-ধাম,

ভাব তাঁরে, তুকারাম !

কর তাঁরি নাম গান ।

তুকারাম ।

---

## পূজার পুষ্প

হাত দিয়া তুলিব না, পরশে দূষিত হ'বে ফুল,

থাক তারা আলো করি' তৃণ লতা বনতরুকুল ;

সহজ শুচিতা সহ আমি দিব্ব সর্ব্ব পুষ্পদলে,

অতীত ও অনাগত বুদ্ধদের চরণকমলে ।

রাণী কোমিষু ।

## দুঃখলোপী মিলন

( রাবেয়া )

প্রভু ! আমি কেমনে বুঝাব  
আমার সে প্রাণের বেদন ?  
নয়ন, তোমার আবির্ভাবে,  
হয় যে গো উৎসবে মগন !  
প্রভাতে উদিলে দিননাথ  
মলিন কি রহে শতদল ?  
পাই যবে তোমার সাক্ষাৎ  
আপনি লুকায় আঁখিজল !

## পূর্ণ-মিলন

চেয়ে থাক, চেয়ে থাক ; চেয়ে, চেয়ে, চেয়ে,—  
যার পানে চেয়ে আছি—তারি রূপে ছেয়ে  
যাক্ তব্ব মন প্রাণ ; হও তন্ময়,—  
'তোমার' 'আমার' ভেদ হ'য়ে যাক্ ক্ষয় ;—  
'চাওয়া' হ'য়ে যাক্ 'হওয়া' । নিষ্পন্দ, নির্বাক্,  
ক্ষীরে নীরে মিলি মিশে এক হ'য়ে যাক্ ।  
যে অবধি 'দুই' আছে, হায় ততক্ষণ  
রয়েছে বিচ্ছেদ ভয়, রয়েছে ক্রন্দন ।  
পরম প্রেমের পুরে যেই পশিয়াছে,—  
সে জানে একের ঠাই সেথা শুধু আছে ;  
দুই মিলে এক হ'লে তবে সে মিলন  
সম্পূর্ণ সুন্দর হয় ;—সার্থক জীবন ।

জামি ।



## আমার দেবতা

মৃত্তিকা ছানি' আমার দেবতা গড়েনি কুণ্ডকার,  
ভাস্কর আসি হানে নাই তাঁরে ছেনি ও হাতুড়ি তার ;  
অষ্ট ধাতুর নহে সে ঠাকুর সে নহেক পিতুল,  
অন্ন তেঁতুলে দেবতা আমার হয় না গো নির্মল ।  
এ জীবনে আর করিতে নারিব অশ্রুর আরাধন,  
মরমে পেয়েছি পরশ-মাণিক ! সোনা হ'য়ে গেছে মন !  
মন জানে আর প্রাণ জানে মোর সে আছে সকল ঘটে,  
বচন-অতীত—তবু তারি কথা অচেত-চেতনে রটে ।  
শাস্ত্রের শ্লোকে আঁধারে আলোকে আছে সে আকাশ ভরি'  
জ্ঞানীর জ্যোত্স্নে ভকতের ধ্যানে আছে দিবা বিভাবরী ।  
তপন প্রকাশ থাকিতে প্রদীপ জালিতে করিনা আশ,  
গ্রাহ করিনা অজ্ঞজনের নিন্দা ও পরিহাস ।  
বুদ্ধি বিচার কিছু নাই যার চীৎকার শুধু করে,—  
অকুল সাগরে ডুবায় সে পরে আপনি ডুবিয়া মরে ।  
ছিল দিন যবে কাঠের ঘোড়ারে আমিও দিয়েছি জল,  
অন্ন তেঁতুলে করিতে গিয়েছি দেবতারে নির্মল ।  
পটনতু পিল্লাই ।

## সে

বনে, প্রান্তরে, শৈল-শিখরে সে আছে সীমার পারে,  
সে রয়েছে লোক-লোচনের অগোচরে ;  
লুপ্ত-আলাপ বিশ্ব রাগিণী লিপ্ত করিছে তারে,  
পান্থ-পাখীর সাথী হ'য়ে সে বিহরে ।

সে

নিভাঁজ নিবিড় পর্দা দোলায়ে বাতাস যেমন ক'রে  
যায় গো জানায়ে আপন আবির্ভাব,—  
বাঁশের বাঁশীতে পশিয়া যেমন নিশ্বাস ধরা পড়ে'  
ফুকরি' প্রকাশে গোপন গভীর ভাব,—  
তেমনি করিয়া মাঝে মাঝে সে যে ধরা দিতে কাছে আসে,  
ধরিতে গেলেই পলায়ে পলায়ে ফিরে,  
নিতি নব বেশ, বিজ্ঞাস নব, নিতি নব হাসি হাসে,  
বিহরে লীলায় অকূলের তীরে তীরে !

স্বকুস্ত ।

### মনোদেবতা

জাগিলে যে দূরে, ঘুমালে নিকটে, স্বপনে ফুটার চোখ,  
অনাদি জ্যোতির দূরগামী রেখা সে আমার শুভ হোক ।  
যাহারে ছাড়িয়া কোনো ক্রিয়া নাই, অন্তরে যে আলোক,  
পরম জ্ঞানের অমৃত যে আনে সে আমার শুভ হোক ।  
হ'য়েছে, হ'তেছে, হ'বে যার গুণে অচেত-চেতন-লোক,  
অমৃতের মাঝে ধরেছে যে সব সে আমার শুভ হোক ।  
যুগে যুগে যেই মনীষি-জনের যজ্ঞের নিয়ামক,  
সপ্ত হোতায় মন্ত্র পড়ায়—সে আমার শুভ হোক ।  
চক্র-নাভিতে অরার মতন ধরে যে নিখিল শ্লোক,  
ঋক্, সাম, যজু ধারণ যে করে, সে আমার শুভ হোক ।  
নিপুণ, প্রবীণ সারথীর মত চালায় যে,—সব লোক,  
হুৎ-প্রতিষ্ঠা সেই বেগবান ইষ্ট আমার হোক ।

যজুর্বেদ ।

## প্রাণ দেবতা

নিখিল ভুবন বশে যার সেই প্রাণেরে নমস্কার,  
প্রভু যে সবার আধার যে ওগো সবারি প্রতিষ্ঠার ।  
শক্তি প্রাণে নমি আমি আর নমি ক্রন্দিত প্রাণে,  
প্রাণ বিহ্যতে প্রণাম করি গো প্রণমি বর্ষমানৈ ।

\*

\*

\*

চন্দ্র তপন প্রাণেরি সে নাম, প্রাণ সেই প্রজাপতি,  
প্রাণ সে বিরাট প্রাণ সে ত্রুটী প্রাণ সে পরম জ্যোতি ।  
প্রমোদিত করে সকল প্রাণীরে ধারারূপে প্রাণ নেমে,  
মহীরে সুরভি করে সে আসিয়া ওষধি লতার প্রেমে ।

\*

\*

\*

সত্য-সেবকে উত্তম লোকে প্রাণ শুধু নিয়ে যায়,  
মৃত্যু-অভেদ প্রাণের ভজন দেবতা মানবে গায় ।  
সকল সৃষ্টি, সকল চেষ্টা, সকল নিধির সার,  
ব্রহ্মেতে ধীর, তন্দ্রাবিহীন প্রাণেরে নমস্কার ।

অথর্কবেদ ।

---

## বহুরূপ

অগ্নি যেমন ভুবনে প্রবেশি'  
নানারূপ ধরে আধার ভেদে,  
নিখিলের প্রাণ তেমনি করিয়া  
একা নানা ছাঁদ বেড়ান ছেঁদে ।

বাতাস যেমন ভুবনে প্রবেশি'  
নানা সুরে গাহে যন্ত্র ভেদে,  
নিখিলের প্রাণ এক ভগবান  
তেমনি বেড়ান হেসে ও কেঁদে !

তপন যেমন নিখিলের আঁখি,—  
কলুষে দূষিত হয় না তবু,  
নিখিলের প্রাণ তেমনি গো, তাঁরে  
বাহিরের গ্রানি ছোঁয় না কভু ।

সর্বভূতের অন্তরতম,  
বহুরূপ তিনি গোপনচারী,  
আপনার মাঝে তাঁরে যে দেখেছে  
অক্ষয় সুখ তারি গো তারি ।

কঠোপনিষৎ ।

## তুমি

তুমি নর, তুমি নারী,—  
যুবক, বালক, বালা ;  
তুমিই আবার লাঠি হাতে ধরি'  
বুড়া হ'য়ে হও আলা !

তুমি আছ চারিদিকে,  
চারিদিকে তব মুখ ;  
তুমিই আবার জন্ম লইয়া  
না জানি কি পাও সুখ !

তীর্থ রেণু

নীল পতঙ্গ তুমি,  
রাঙা-আঁখি তুমি শুক,  
বিদ্যুৎভরা মেঘ তুমি, প্রভু !  
সাগর সমুৎসুক !

অনাদি তোমার নাম,  
অন্ত তোমার নাই ;  
তুমি আছ বলে বিশ্বভুবন  
নস্তিয়া আছে তাই ।

খেতাবতরোপনিষৎ ।

---

## ব্রহ্মপ্রবেশ

নিজ তনু হ'তে তন্তু সৃষ্টিয়া  
উর্গনাভের মত,  
আপনার জালে আপনি আবৃত  
হ'য়েছেন যিনি স্বতঃ,  
সাক্ষী, চেতন, পরম পুরুষ  
সেই নিখিলের প্রাণ,—  
আমাদের সবে ব্রহ্ম-প্রবেশ  
সূত্র করুন দান ।

খেতাবতরোপনিষৎ ।

## মৌন

বচন হারায় বসে আছি আমি  
বন্ধ ক'রেছি গান,  
তুমি কথা কও, কথা কও, ওগো  
প্রাণের প্রাণের প্রাণ !  
অতুলন যার মধুর মুখের  
মদিরায় মাতোয়ারা  
গান গেয়ে ওঠে অল্প পরমাণু  
শুষ্করে গ্রহিতারা ।

কমি ।

---

## শির্নি

কবি মনীষীর বন্দনা গীতি,  
সাধু সন্তুর ভাষা,  
মিলে মিশে গিয়ে একটি পাত্রে  
শির্নি হ'য়েছে খাসা !  
সকল সলিল সাগরে এসেছে,  
আঁখি মেলে তোরা দ্বাখ্ ।  
যার বন্দনা গেয়েছে সবাই  
সে যে এক ! সে যে এক !  
পাপ্‌ড়ি—প্রচুর প্রকাশ পেয়েছে  
বেড়িয়া বৃন্তখানি,  
একের পরম জ্যোতিরে ঘিরেছে  
বিশ্বজনের বাণী ।

সমাপ্ত



## বহু-কৃতিক

অমর—খৃষ্টীয় নবম শতাব্দীর পূর্বে প্রাদুর্ভূত হন। কথিত আছে, যে শঙ্করাচাৰ্য্য অমর নামক একজন রাজার মৃতদেহে প্রবিষ্ট হইয়া, মণ্ডন মিশ্রের পত্নী শারদাদেবীর প্রেমের উত্তর স্বরূপ অমর-শতক রচনা করেন। শঙ্কর-দিগ্বিজয়ে, কিন্তু, এ কথার উল্লেখ নাই।

অল্‌রিচি—প্রাচীন রোমান্টিক যুগের কবি, জন্মভূমি জাৰ্মানি।

আরাগী—( ১৮১৭-১৮৮২ ) হাঙ্গেরির কবি; গাথা রচনায় সিদ্ধান্ত ছিলেন।

আৰ্ণৎ—( ১৭৬৬-১৮৩৮ ) ইনি নেপোলিয়নের পরম ভক্ত ছিলেন; পৃথ্বীৰাজের যেমন চাঁদ কবি, নেপোলিয়নের তেমনি আৰ্ণৎ।

আসায়ান্স—জাপানের কবি। ইহার পিতা য়াসুহিঁদেও কবি ছিলেন। খৃষ্টীয় নবম শতাব্দীর শেষভাগে জন্মগ্রহণ করেন।

ইকুজু—ইনি জাপানী কবি। তান্কা রচনার জন্ত প্রসিদ্ধ।

উকন্—ইনি একজন স্ত্রী-কবি; জন্মভূমি জাপান।

ওয়াইল্ড্ ( অস্কার )—ইহার রচনা সৌন্দৰ্য্য ও মাধুর্যের জন্ত বিখ্যাত। জন্মভূমি ইংলণ্ড।

ওয়াং-চাং-লিং—চীন দেশের কবি ও সাহিত্যিক; লুশানের বিদ্রোহের পর, রাজপুরুষের সন্দেশে ধৃত ও নিহত হন।

ওয়াং-সেং-জু—চীন দেশের কবি; জন্ম, খৃষ্টীয় ষষ্ঠ শতাব্দীতে।

ওয়াট্‌সন্—ইংলণ্ডের কবি; ইনি জীবিত।

ওয়ার্টিমার—জাৰ্মানির কবি; জন্ম ১৮৭৪ খ্রীষ্টাব্দে।

কল্প গনর—দাক্ষিণাত্যের কবি।

কপিলর—দ্রাবিড় কবি; বেদব্যাসের মত ইহার পিতা ব্রাহ্মণ এবং মাতা দাস-জাতীয়া ছিলেন।

কাঁমৈঙ্গ—পোর্টুগালের কবি; প্রধান রচনা 'লুসিয়াড'।

কিনো—জাপানের বিখ্যাত বীর উচিশকুনির পৌত্র। জন্ম খৃষ্টীয় নবম শতাব্দীতে।



## তীর্থ রেণু

কিশ্নিং—ইনি জাতিতে ইংরাজ ; জন্ম, পঞ্জাবের রাধিয়ার হ্রদের নিকট ; হইয়াছেন মার্কিনবাসী । ইহার রচনায় সহৃদয়তার একান্ত অভাব পরিলক্ষিত হয় ।

কিস্ফালুডি—( ১৭৭২-১৮৪৪ ) হাঙ্গেরির কবি ; ইহার ভাইও কবি ছিলেন ।

‘কুরাল’-গ্রন্থ—‘কুরু’ অর্থাৎ ‘ক্ষুদ্র’, ক্ষুদ্র কবিতার সমষ্টি কুরাল ; কপিলর নামক ডাবিড় কবির সহোদর তিরু বল্লুর কুরাল-গ্রন্থের রচয়িতা । জন্ম মাদ্রাজের নিকটস্থ মাইলাপুরে ।

কুরেনবার্গ—ইনি জার্মানির প্রাচীন যুগের কবি ।

কোমাচি—( ৮৩৪-৮৮০ ) ইহাকে জাপানের স্রাফো বলা যায় । ইনি স্রুকবি এবং স্রন্দরীও ছিলেন ।

কোমিষু—ইনি জাপানের রাণী ছিলেন ; কবিতাও লিখিতেন ।

ক্যাপলন্—শিশু-জগতের কবি ; জন্ম ইংলণ্ডে ।

গায়গার—নব্য জার্মানির কবি ; জন্ম ১৮৬৬ খ্রীষ্টাব্দে । মনস্তত্ত্বের রহস্যবিদ ।

গেটে—( ১৭৪৯-১৮৩২ ) ইনি কবি, বৈজ্ঞানিক, দার্শনিক, ঔপন্যাসিক ও রসজ্ঞ সমালোচক । জন্ম জার্মানিতে ।

গোকু—জাপানের বিখ্যাত ফুজিবারা বংশের সম্ভান ; জন্ম খৃষ্টীয় দ্বাদশ শতাব্দীতে ।

ঘোষ ( অরবিন্দ )—ইনি “স্বদেশ-আত্মার বাণী মূর্তি” নামে অভিহিত হইয়াছেন ।

চাং-চি-হো—( ৭০০-৭৫০ ) কবি ও ‘তও’-পন্থী ; ইনি “কুস্মাটিকার প্রবীণ ধীবর” নামে বিখ্যাত ।

জয়নাব—ইনি তুরস্কের একজন স্ত্রী-কবি ; স্বামীর হুকুমে ইহাকে কাব্যালোচনা বন্ধ করিতে হইয়াছিল ।

জাফর—ইনি তুরস্কের কবি ও দ্বিতীয় বায়াজিদের একজন অমাত্য ছিলেন । রাজভৃত্যদিগের যড়যন্ত্রে ইনি হারুণ-অল্-রসীদের মন্ত্রী জাফরের মত প্রাণদণ্ডে দণ্ডিত হন ।

জামি—( ১৪১৪-১৪৯২ ) পারস্যের স্বনাম দত্ত কবি ও স্রুফি । ইহার পূরা নাম নূরদ্দিন আক্ফর রহমন্ জামি । ইনি নির্লোভ ছিলেন ; একবার তুরস্কের সুলতান পাচ হাজার মোহর পাঠাইয়াছিলেন, ইনি তাহা স্পর্শ করেন নাই ।

জিউলে—হাঙ্গেরির কবি ; ক্ষুদ্র গাথার প্রবর্তক ।

জুম্ সুলতান্—( ১৪৫৯-১৪৯৫ ) ইনি তুরস্কের সুলতান্ দ্বিতীয় বায়াজিদের কনিষ্ঠ ।

## রহস্য-কুক্ষিকা

পিতার মৃত্যুর পর ইনি অর্ধেক রাজ্য দাবী করেন। কিন্তু সফলকাম হইতে পারেন নাই। মহম্মদীয় শাস্ত্রানুসারে কন্যারও পুত্রের মত পিতৃ-ধনের অংশ পায়; কিন্তু রাজপুত্রেরা এই ব্যবস্থার স্বফল ভোগ করিতে পান না; ঔরঙ্গজেবের ভাতৃ-বিরোধের মূল এইখানে, জুম্ স্বলতানের যুদ্ধের কারণও এইখানে। পক্ষপাতহীন মহম্মদীয় আইনের নির্দেশ, বোধ হয়, সাম্যবাদের দিকে; ইহার স্বাভাবিক পরিণতি, সম্ভবতঃ, Democracyতে।

বিন্দন—পাঞ্জাবের কবি।

টেনিসন্—( ১৮০২-১৮২২ ) ইনি মহারাজী ভিক্টোরিয়ার সভাকবি ছিলেন।

ডানবার—কাক্সি কবি; ইহার পিতা ক্রীতদাস ছিলেন; কানাডায় পলাইয়া নিষ্কৃতি লাভ করেন। অনেকের বিশ্বাস কাক্সির সৌন্দর্য্য বোধে ও বুদ্ধির প্রাথম্যে অস্বাভাবিক জ্ঞান অর্জন হইয়াছে।

ভিরোজিয়ো—( ১৮০২—১৮৩১ ) ইহাকে লোকে “ইউরেশিয় বায়রণ” বলিয়া থাকে; কলিকাতায় মোলা আলির দরগাহ নিকট ইহার জন্ম হয়। ইনি হিন্দু কলেজের অধ্যাপক ছিলেন। পিয়ারীচাঁদ মিত্র, রামগোপাল ঘোষ প্রভৃতি ইহার ছাত্র।

ডুম্ মীরণ—আফগানিস্থানের কবি। আমরা ডোম বলিয়া যাতায়াতগকে ঘৃণা করিয়া থাকি, ইহার পূর্বপুরুষেরা সেই ডোম ছিলেন। ডোমেরা সঙ্গীতাত্মক জগৎ চিরপ্রসিদ্ধ। যুরোপের জিপ্সি, পারস্যের লুরি, আফগানিস্থানের ডুম্ এবং ভারতের ডোম এক।

ডেন্কেল ( রিকার্ড )—শিলারের সঙ্গে গেটের যে সম্বন্ধ, ডেন্কেলের সঙ্গে লিলিয়েক্সনের সেই সম্বন্ধ; বর্তমান যুগে, জার্মানির কাব্য জগতে ইহারা দুই জনই নেতা। জন্ম ১৮৬৩ খ্রীষ্টাব্দে। ইনি পল্ ভালের্নের শিষ্য।

ংসেন্-ংসান্—চীন দেশের কবি; মহাকবি তু-ফু ইহার বন্ধু ছিলেন। ছন্দের অনেক নূতন নিয়ম ইনি আবিষ্কার করিয়া যান।

তরু দত্ত—( ১৮৫৬—১৮৭৭ ) ইনি রামবাগানের স্বর্গীয় গোবিন্দচন্দ্র দত্তের কন্যা। ইনি ইংরাজীতে কবিতা এবং ফরাসীভাষায় উপন্যাস লিখিয়াছিলেন। তরু দত্ত একুশ বছর ছয় মাস ছাশিগ দিন মাত্র জীবিত ছিলেন।

## তীর্থ রেণু

তাচিবানে-নো-মাসাতো—‘তানকা’ ও ‘হোকু’ রচনার জন্য বিখ্যাত ; জন্মভূমি জাপান ।

তুকারাম—মহারাষ্ট্রীয় সাধুও ভজন-রচয়িতা ; পঞ্জাবের যেমন নানক, বারাণসীর যেমন কবীর, মহারাষ্ট্রের তেমনি তুকারাম। ইহার রচনা ‘অভঙ্গ’ নামে বিখ্যাত ।

তু-ফু—( ১১২—১৭০ ) চীনবাসীরা ইহাকে “কাব্যের দেবতা” নামে অভিহিত করেন। ইনি সাত বৎসর বয়সে কবিতা লিখিতে আরম্ভ করেন। কাব্যালোচনার খাতিরে ইনি রাজদরবারের চাকরী ছাড়িয়া দেন। শেষে অশেষ দুর্দশা ভোগ করিয়া অনশনে প্রাণত্যাগ করেন। “হায় মা ভারতী !”

তু-ফ্রেনি—( ১৬৪৮—১৭২৪ ) কবি ও উদ্ভাস-শিল্পী : ইহার রচিত কমেডিগুলি হাস্যরসে উৎপূর্ণ। জন্মভূমি ফ্রান্স ।

দুদেতোং ( মাদাম )—ইনি ফরাসী দেশের একজন মহিলা কবি। জন্ম ঊনবিংশ শতাব্দীর প্রথমে।

দে-জুয়ি—( ১৭৬৪—১৮৪৬ ) ইনি ফরাসী দেশের কবি। অ্যাডিসনের ‘স্পেক্টেটরের’ অনুকরণে ইনি অনেক সন্দর্ভ রচনা করেন।

দে-মুসে—( ১৮১০—১৮৫৭ ) ফরাসী কবি ও নাট্যকার ; ইনি অলঙ্কার শাস্ত্রকে অবজ্ঞার চক্ষে দেখিতেন ; এবং তৎসঙ্গেও স্বকবি।

দৈনৌ-নো-সাম্বি—বিখ্যাত মহিলা ঔপন্যাসিক মুরাসাকি শিকিবুর কতা ; জন্মভূমি জাপান ।

‘নাল-আদিয়ার’-গ্রন্থ—দাক্ষিণাত্যের জৈন কবির রচিত কোষ-কাব্য। এই গ্রন্থে একাধিক কবির রচনা আছে।

নিমতুল্লা—ইনি সৈয়দবংশ সম্ভূত এবং কবি।

নেজাতি—ইনি তুরস্কের কবি ; ক্রীতদাসের পুত্র হইয়াও চরিত্রগুণে স্বলতান বায়াজিদের পুত্রগণের শিক্ষকপদে নিযুক্ত হইয়াছিলেন। তুরস্কের সমালোচকেরা বলেন “সিদ্ধপুরুষ ও ঐন্দ্রজালিকে যে তথ্য নেজাতি ও তাঁহার সমসাময়িক কবিদের মধ্যে ঠিক সেইরূপ প্রভেদ।”

নৈলি—( ১৬৭৩—১৭৩৮ ) তুরস্কের কবি। ইহার পিতা কন্ট্রাষ্টিনোপলের হাকিম ছিলেন। ইনি স্বর্ণা, কাইরো ও শেষে মস্কার যোদ্ধা হইয়াছিলেন।

পটুগত্ পিল্লাই—দাক্ষিণাত্যের কবি ; ইনি শিবের উপাসক ছিলেন, কিন্তু, গোড়ামি  
সহ করিতে পারিতেন না । জন্ম খ্রীষ্টীয় দশম শতাব্দীতে ।

পাউণ্ড—ইংলণ্ডের উদীয়মান কবি ; জাতিতে ইহুদী ।

ফজুলী—ইনি তুর্কী, আরবি ও ফার্সী ভাষায় কবিতা লিখিতেন ; বোগদাদ নগরে  
ইহাঁর জীবনের অধিকাংশ অতিবাহিত হয় । ১৫৫৫ খ্রীষ্টাব্দে প্রেগে যারা যান  
ইনি “হৃদয়ের কবি” নামে অভিহিত হইয়াছেন ।

ফর্দূসী—ইহাঁর প্রকৃত নাম আবুল কাসিম মনসুর ; ইহাঁর প্রধান রচনা  
“শাহ-নামা” ; ত্রিশ বৎসরে এই মহাকাব্য সম্পূর্ণ হইয়াছিল । সুলতান্ গামুদের  
রূপণতায় ক্রুদ্ধ হইয়া ইনি এক ব্যঙ্গকাব্য রচনা করেন ।

ফিজবল্—ইনি একজন ইংরাজ কবি ।

ফৈজী—আকবরের সভাকবি ও আবুল ফজলের সহোদর ; ইহাঁর কতকগুলি রচনা  
“মন্স-গজল্” বা কস্তুরী-কবিতা নামে প্রসিদ্ধ । বেদমন্স জানিবার জন্য সম্রাট  
আকবর ইহাঁকে এক ব্রাহ্মণের গৃহে রাখিয়া দেন । এই কাহিনী অবলম্বনে  
স্বর্গীয় কবি সুরেন্দ্রনাথ মজুমদার ‘সবিতা-সুদর্শন’ নামক কাব্য রচনা করেন ।

বড্‌মান—নব্য জার্মানির কবি ; জন্ম ১৮৭৪ খ্রীষ্টাব্দে ; ইনি একজন ব্যারন্ ।

বদলেয়ার—( ১৮২১-১৮৬৭ ) ফরাসী কবি ; ইনি ‘সুন্দরকে মন্দ’ দেখিতেন না,  
কিন্তু ‘মন্দকে সুন্দর’ দেখিতেন । ইহাঁকে বীভৎস রসের কবি বলা যাইতে  
পারে ।

বাবর ( সম্রাট )—সম্রাট আকবরের পিতামহ ; ইনি কবিতাও লিখিতেন ।

বায়েরুবম্—( ১৮৬৫ ) জার্মানির বর্তমান যুগের কবি ।

ব্রাউনিং ( এলিজাবেথ )—(১৮০৬-১৮৬১) সাত বৎসর বয়সে কবিতা লিখিতে  
আবস্থ করেন । নারীর হৃদয়, পণ্ডিতের বুদ্ধি এবং কবির প্রাণ একাদারে  
ইহাঁতে সম্মিলিত ছিল । ইনি রবার্ট ব্রাউনিঙের পত্নী ।

ব্রাউনিং ( রবার্ট )—( ১৮১২-১৮৮৯ ) ইহাঁর রচনা স্থল বিশেষে অস্পষ্ট এবং প্রতি  
কটু হইলেও ইনি প্রকৃত কবি ছিলেন । মানব-হৃদয়ের ভাব বৈচিত্র্যের সঙ্গে  
একরূপ গভীর পরিচয় অল্প কবিরই দেখা যায় ।

বেইলি—ইংলণ্ডের সৈনিকদিগের প্রিয় কবি ।

বেমন্—তেলুগু কবি ; রচিত গ্রন্থের নাম ‘পদ্মমলু’ ।

## তীর্থ রেণু

ভর্তৃহরি—রাজা ও কবি, প্রধান রচনা বৈরাগ্যশতক ও নীতিশতক ।

ভলুতেয়ার—( ১৬২৪-১৭৭৮ ) ফ্রান্সের সাহিত্য-সম্রাট । হাশু-বিদ্রূপে অদ্বিতীয় ।

ভার্লেন্ ( পল্ )—( ১৮৪৪-১৮৯৬ ) ইহাঁর কবিতা ভাব-সঙ্কেতে অতুলনীয় ; জন্ম ফ্রান্সে ।

ভিক্স—ইনি একজন ঋগ্বেদের মন্ত্রদ্রষ্টা ঋষি ।

ভোরাজমার্টি—( ১৮০০-১৮৫৫ ) ইনি হাঙ্গেরির কাব্যের ভাষার চেহারা বদলাইয়া ছান্ । ইহাঁর পূর্ববর্তী ও পরবর্তী কবিদের ভাষায় আকাশ পাতাল প্রভেদ ।

বরিস্ ( উইলিয়ম্ )—সাগাবাদের কবি ; জন্ম ইংলণ্ডে ।

বাণিকা-বাচকর—দাক্ষিণাত্যের কবি ; খৃষ্টীয় দশম শতাব্দীতে জন্মগ্রহণ করেন ।

প্রধান রচনা ‘তিরু বাচকম্’ অর্থাৎ আনন্দবাণী ।

বামুদ শাবিস্তারী—ইনি একজন সূফি ছিলেন ।

বায়গেল্ ( অ্যাগ্বেস্ )—নব্য জার্মানির মহিলা-কবি ; ইহাঁর মৌলিকতা উল্লেখ যোগ্য ; জন্ম ১৮৭৯ খৃষ্টাব্দে ।

মিচি-নোবু-ফুজিবারা—কবি ও রাজমন্ত্রী ; জন্মভূমি জাপান ।

মিলার—ইনি আমেরিকার কবি ।

মিহ্রি—ইহাঁর পূরা নাম ‘মিহ্র-মাহ্’ বা ‘সুফি শাহী’ ; ইনি তুরস্কের কবি নেজাতির শিষ্ঠা । ইনি রসিকা এবং স্বভাবতঃ প্রেমশীলা হইয়াও চরিত্র নিষ্পল রাখিতে পারিয়াছিলেন । মিহ্রি চিরকুমারী ছিলেন ।

মীরাবাই—ইনি রাণা কুস্তুর পত্নী এবং পরম বৈষ্ণবী । ইহাঁর ভক্তিমূলক সঙ্গীত সমূহ অতীব মধুর ।

মোং-হৌ-জান্—( ৬৮২-৭৪০ ) ইহাঁর রচনা ‘অম্লশোচনার অশ্রুর মত মনোজ্ঞ ।’ ইনি চিরজীবন সাহিত্য-সাধনায় নিরত ছিলেন । জন্ম চীনদেশে ।

মেসিহি—( ১৪৬০-১৫১২ ) ইনি তুরস্কের কাব্যে নবজীবন সঞ্চার করেন, সেইজন্য ইহাঁকে মেসিহি বা মেসায়্য বলা হয় ; ইহাঁর প্রধান রচনা ‘গুল-ই-শাদবর্গ’ ‘শহর-এজিজ্’ প্রভৃতি । “শায়ের শহরের শাহ” নামেও ইনি পরিচিত ।

মজুর্কেদ—চতুর্কেদের অন্যতম ; ইহা তৈত্তিরীয় সংহিতা ও বাজসনেয়ী সংহিতায় বিভক্ত ; এই দুই বিভাগকে সাধারণতঃ কৃষ্ণ ও শুক্ল মজুর্কেদ বলা হয় ।

## রহস্য-কুক্ষিকা

যূনাস্—ইনি তপুহুখ্ নামক মহাপুরুষের শিষ্য ; যূনাস্ গুরুর জন্তু যে ইচ্ছন আনিতেন তাহার মধ্যে একখানিও বাঁকা থাকিত না, গুরু এ সম্বন্ধে প্রশ্ন করায় তিনি বলিয়াছিলেন “স্বর্গে মর্ত্যে কোথাও যাহার আদর নাই তাহা তোমার ঘরে কেমন করিয়া আনিব ?” যূনাস্ নিরঙ্কর, কিন্তু কবি ।

রসেটি ( ক্রিষ্টিনা )—( ১৮৩০-১৮৯৪ ) ইংলণ্ডের স্ত্রী-কবি ।

বাবেয়া—বস্মা-বাসিনী স্ত্রী কবি ও ধর্ম্মিষ্ঠা স্ত্রী । ইনি চিরকুমারী ছিলেন ।

৭৫৩ খৃষ্টাব্দে জেরুসালেমে ইহাঁর মৃত্যু হয় ।

রুমি ( জালানুদ্দিন )—( ১১০৭-১২৭৩ ) ইনি পারস্যের একজন প্রদান কবি . জন্মভূমি বালুখ্ । ইহাঁর চরিত্র অতি মধুর ছিল, ইনি পথ দিয়া গাইবার সময় শিশুদিগকেও অভিবাদন করিতেন ।

রেন্সফোর্ড—ইনি আমেরিকার কবি ।

লাওয়েল—ইনি আমেরিকার কবি ; ভইটম্যানের পরে ইহাঁর নাম উল্লেখযোগ্য ।

লাতাঞা—ফ্রান্সের কবি ; হাসির গানের জন্তু বিখ্যাত ।

লায়াল্ ( অলফ্রেড্ )—সিভিলিয়ান কবি । জন্মভূমি ইংলণ্ড ।

লি-পো—( ৭০২-৭৬২ ) চীনদেশের কবি ও গোন্ধা ; ইহাঁর কবিতা বিচিত্রভাৱে জন্তু প্রসিদ্ধ ।

লিলিয়েক্সন্—( ১৮৪৪-১৯০৯ ) জার্মানির কবি ও সৈনিক পুরুষ ; চল্লিশ বৎসর বয়সে প্রথম কবিতা রচনা করেন । ইহাঁকে ‘মুক্ত বায়ুর কবি’ বলে ।

লী-হাণ্ট—( ১৭৮৪-১৮৫৯ ) ইংলণ্ডের কবি ; ইহাঁর গদ্য রচনাও সুখ-পাঠ্য ।

লেক্‌ৎ-দে-লিল্—( ১৮২০-১৮৯৪ ) ‘কীর্ত্তি ভবন যাত্রী’ নামক ফরাসী কবিদিগের অগ্রণী ; জন্মভূমি রি-ইউনিয়ন্ দ্বীপ ।

লেবিয়ে—ডাক্তার, কাব্য-রচয়িতা ও নারীহস্তা ; জন্মভূমি ফ্রান্স ।

লেবেন্ ( হার্ট )—( ১৮৬৪-১৯০৫ ) জার্মানির কবি ।

ল্যাণ্ডর—( ১৭৭৫-১৮৬৪ ) ইংলণ্ডের কবি ; ইহাঁর শ্রেষ্ঠ রচনা “Imaginery Conversations” বা “কাল্পনিক কথাবার্তা ।”

শাক্যো-নো-তায়ু-আকিসুকে—জাপানের কবি ; ‘শ্রাব্য-চিত্র’ রচনায় অদ্বিতীয় ।

খ্রীষ্টীয় দ্বাদশ শতাব্দীতে জন্মগ্রহণ করেন ।

## তীর্থ রেণু

‘শি-কিং’-গ্রন্থ—কং ফুশিয়ো বা প্রভুপাদ কং কর্তৃক সংগৃহীত প্রাচীন চীনদেশীয় কবিতার চয়ন-গ্রন্থ।

শিলার—( ১৭৫২-১৮০৫ ) কবি ও নাট্যকার ; ইহার নাটকগুলি, সাধারণতঃ, উদ্দেশ্য মূলক হইলেও কাব্য হিসাবে নিকট নহে। জন্মভূমি জার্মানি।

শ্বেতাশ্বতরোপনিষৎ—একশত পঞ্চাশখানি উপনিষদের অগ্রতম।

সাউদী—( ১৭৭৪-১৮৪৩ ) ইংলণ্ডের কবি : ইনি আমাদের নবীনচন্দ্রের মত অনেকগুলি মহাকাব্য লিখিয়াছিলেন।

সাগামি—ইনি একজন স্ত্রী কবি ; জন্মভূমি জাপান।

সাদায়োরি—জাপানের কবি ; ইহার পিতাও কবি ছিলেন।

সুইনবার্গ—( ১৮৩৭-১৯০৮ ) ইহার কবিতা সমূহ সৌন্দর্যের খনি। ইনি অনূঢ় ছিলেন।

সুক্ল—( ৮৩৪-২০৮ ) কবি ও দার্শনিক ; ইহার কাব্য সৌন্দর্যে মাধুর্যে ও আধ্যাত্মিকতায় অতুলনীয়। জন্ম চীন দেশে।

সেন ( দেবেন্দ্রনাথ )—‘অশোকগুচ্ছে’র কবি। ইনি গল্প রচনাতেও সুনিপুণ। ইংরাজীতেও কবিতা লিখিয়া থাকেন।

সাইন্স—( ১৭৯২-১৮৫৬ ) ইনি ‘ছোট ছোট ফলে মালা’ গাঁথিতেন ; সেগুলি প্রফুল্ল গল্পিকার মত চিরস্বরভি ; ইনি জাতিতে ইহুদী। জন্মভূমি জার্মানি।

সাইটন্ ( লর্ড )—( ১৮০২-১৮৮৫ ) ইহার পূর্ব নাম রিচার্ড মংটন্ গিল্‌নেজ্ : ইংলণ্ডের কবি।

সাতিকি—নূরুদ্দিন জামির ভাগিনেয় ; পোরাসানের অন্তর্গত জাম নামক স্থানে ইহার জন্ম। ইহার ‘লয়লা-এজলু’ কাব্যের প্রথম শ্লোক জামির রচিত।

হাইটম্যান—আমেরিকার কবি ; বাতাসের মত ইহার ছন্দ কাহারও বশে আসিতে চায় না। আমেরিকায় ইনি বিশ্বপ্রেমের অগ্রদূত।

হুগো ( ভিক্টর )—( ১৮০২-১৮৮৫ ) ইহার কবিতা বিশ্ব-সাহিত্যের অলঙ্কার ; ইহার উপন্যাস ফরাসী দেশের মহাভারত। টেনিসন্ ইহাকে ‘হাসি ও অশ্রুর সম্রাট’ নামে অভিহিত করিয়াছেন।

হড—( ১৭৯৮-১৮৪৫ ) ইংলণ্ডের কবি ; হান্স-রসাত্মক কবিতা-রচনার জগৎ বিখ্যাত।

## রহস্য-কুক্ষিকা

হেষ্টিংস্ (ওয়ারেন্)—বঙ্কের গবর্ণর ; ইনি কবিতা লিখিতে পারিতেন ।

হোপ্—আংলো ইণ্ডিয়ান্ কবি ।

হোরিকায়্য—গম্ভীকণ্ঠা ও রাজমাতার সহচরী ; জন্মভূমি জাপান ; খ্রীষ্টীয় দ্বাদশ শতাব্দীতে জন্মগ্রহণ করেন ।

হোল্জ্ (আর্নো)—নব্য জার্মানির কবি : জন্ম ১৮৬৩ খ্রীষ্টাব্দে ।

ছায়া-স্বষমা—ভারতীয় চিত্র-শিল্পিরা, ইংরাজীতে যাহাকে Shading বলে, তাহাকে ‘সায়্যা-স্বস্মা’ বা ছায়া-স্বষমা বলিয়া থাকেন ।

পাস্তম্—ইতালির গেমেন সনেট্, মলয় উপদ্বীপের তেমনি পাস্তম্ । পাস্তম্ অর্থে গান বা গীতি কবিতা । পাস্তমের প্রতি শ্লোকের দ্বিতীয় এবং চতুর্থ চরণ পরবর্তী শ্লোকের প্রথম এবং তৃতীয় চরণ-রূপে ব্যবহৃত হয় । প্রত্যেক শ্লোকে চারি চরণ থাকা আবশ্যক, এবং সাধারণতঃ চারি শ্লোকে একটি পাস্তম্ সম্পূর্ণ হয় । তন্মিন্ন প্রতি শ্লোকের প্রথম ও দ্বিতীয় পংক্তিগুলির সঙ্গে তৃতীয় ও চতুর্থ পংক্তিগুলির বর্ণিতব্য বিষয়ের, সম্ভব স্থলে গঙ্গা যমুনার মত একেবারে পাশাপাশি থাকা সম্ভেও, সম্পূর্ণ পার্থক্য থাকাই নিয়ম । মাইকেল মধুসূদন গেমেন বঙ্গভাষায় প্রথম সনেট্ লেখেন, ভিক্টর হুগো তেমনি ফরাসী ভাষায় প্রথম পাস্তমের অনুবাদ করেন । হুগো মৌলিক পাস্তম্ রচনা না করিলেও তৎকৃত অনুবাদ প্রকাশিত হইবার পর হইতে ফরাসী সাহিত্যে পাস্তমের প্রভাব ক্রমশঃ বিস্তৃতিলাভ করিয়া আসিয়াছে । পরবর্তী অনেক কবি অনেকগুলি সুন্দর সুন্দর মৌলিক পাস্তম্ রচনা করিয়া স্বদেশের ছন্দোবিজ্ঞা ও কাব্য-সাহিত্যকে সমৃদ্ধ করিয়াছেন ।

বোটা—মক্খাঙ্গীরা জল রাখিবার জন্ত যে চামড়ার বোতল ব্যবহার করে তাহাকে বোটা বলে । ইংরাজী bottle শব্দ, বোধ হয় এই বোটা হইতে উৎপন্ন ।

লম্ব—মাদাগাস্কার বাসীরা কল্লকে লম্ব বলে । সংস্কৃত, ভদ্রবেশধারী, “লম্বশাট পটাবৃত্তের” ভিতর হইতে ঐ মাদাগাস্কারী পরিচ্ছদটা দেখা যাইতেছে না তো ! ‘জুজু’টা তো ঐ দিকেরই আমদানী ।



## কবি সত্যেন্দ্রনাথের রচনা

পুস্তকের নাম	প্রথম প্রকাশিত
বেণু ও বীণা ( কাব্য )	১৩১৩ সাল
হোমনিখা ”	১৩১৪ ”
তীর্থসলিল ”	১৩১৫ ”
তীর্থরেণু ”	১৩১৭ ”
ফুলের ফসল ”	১৩১৮ ”
জন্মভূমি ( উপন্যাস )	...
কুহ ও কেকা ( কাব্য )	১৩১৯ ”
রক্তমল্লী ( নাট্যকাব্য )	১৩১৯ ”
ভুলির লিখন ( কাব্য )	১৩২১ ”
	১৩২২ ”
অভ্র-আবীর ”	১৩২২ ”
হাসন্তিকা ”	১৩২৩ ”
চীনের ধূপ	...
বেলাশেষের গান ( কাব্য )	১৩৩০ ”
বিদারু আরতি ”	১৩৩০ ”
ডঙ্কানিশান ( উপন্যাস ) ‘প্রবাসী’তে প্রকাশিত আষাঢ় হইতে	১৩৩০ ”
ধূপের ধোঁয়ায় ( নাটিকা )	১৩৩৬ ”
কাব্য-সঞ্চয়ন ( কাব্য )	...
শিশু-কবিতা ”	১৩৫২ ”

## কবি-পরিচয়

কবি সত্যেন্দ্রনাথ দত্ত বাংলা ১২৮৮ সালের ৩০শে মাঘ, শনিবার কলিকাতার সন্নিক্ত নিম্নতম গ্রামে তাঁহার মাতুলালয়ে জন্মগ্রহণ করেন ; এবং বাংলা ১৩২৯ সালের ১০ই আষাঢ় শনিবার তিনি চল্লিশ বৎসর পাঁচ মাস বয়সে কলিকাতায় রাত্রি দু'টার সময়ে ইহলোক পরিত্যাগ করেন। তাঁহার পিতার নাম রজনীনাথ, মাতা মহামায়া দেবী। কবির পিতামহ সুপ্রসিদ্ধ সাহিত্যিক ও ~~জন~~-তপস্বী অক্ষয়কুমার দত্ত মহাশয়। কবি তাঁহার পিতামহের নিকট হইতে অসাধারণ জ্ঞান-পিপাসা এবং সাহিত্যের রসজ্ঞতা ও সাহিত্য-সৃষ্টির ক্ষমতা লাভ করিয়া অল্প বয়সেই প্রসিদ্ধ কবি বলিয়া বিখ্যাত হইয়াছিলেন। তিনি বাল্যাবধি বিজ্ঞানসুপ্রিয় ও কবিতা-প্রিয় ছিলেন। তাঁহার মাতুল শ্রীযুক্ত কালীচরণ মিত্র মহাশয়ের দ্বারা সম্পাদিত তৎকালীন প্রসিদ্ধ সাপ্তাহিক 'তৃতীয়া' নামক পত্রিকায় কবি সত্যেন্দ্রনাথের কবিতা প্রথম ছাপা হয়। 'সবিতা' তাঁহার প্রথম কবিতা-পুস্তক। ইংরেজী ১৯০৫ সালে স্বদেশী আন্দোলনের সময়ে 'সঙ্কীর্ণ' নামে তিনি একটি স্বদেশ-প্রেম-মূলক কবিতা-পুস্তিকা প্রকাশ করেন। তৎপরে 'বেগু ও বীণা', 'হোমশিখা', 'তীর্থ-মলিল', 'তীর্থরেণু', 'ফুলের ফসল', 'জন্মদুঃখী', 'কুহ ও কেকা', 'রজনী', 'তুলির লিখন', 'মনিমঞ্জুষা', 'অভ্র-আবীর', 'হৃদয়', 'চাঁদের ধূপ' পর্যায়ক্রমে প্রায় প্রতি বৎসরে একখানি করিয়া গ্রন্থ তিনি প্রকাশ করেন। তাঁহার মৃত্যুর পরে নানা পত্রিকায় প্রকাশিত অনেকগুলি কবিতা সংগ্রহ করিয়া 'বেলাশেষের গান', 'বিদায় আরতি', 'ধূপের ধোঁয়ায়', 'কাব্য-সঞ্চয়ন' এবং শিশু-কবিতা প্রকাশিত হয়। গল্প ও পद्य বহু রচনা এখনও সাময়িক পক্ষে বিক্ষিপ্ত রহিয়াছে।

সত্যেন্দ্রনাথের প্রকৃতি মধুর ও নীরব ছিল। তিনি অল্পভাবী, জিতেন্দ্রিয়, মতসঙ্ক, স্বদেশপ্রেমী ও সমাজসংস্কারের পক্ষপাতী ছিলেন। তাঁহার দানশীলতা ও মাতৃভক্তি, কবিগুরু রবীন্দ্রনাথের প্রতি ভক্তি ও শ্রদ্ধা এবং বন্ধুবৎসলতা অসাধারণ ছিল।

## তীর্থ রৈ গু

সত্যেন্দ্রনাথ নানা ভাষায় অভিজ্ঞ এবং নানা বিজ্ঞায় পণ্ডিত ছিলেন। তাঁহার রচনার মধ্যে ভাষার কারচুপি ও নানা বিজ্ঞার পরিচয় যথেষ্ট পাওয়া যায়। ইতিহাসের ও পুরাণের খুঁটিনাটি তথ্য তাঁহার এত জানা ছিল যে তিনি অবলীলাক্রমে তাঁহার রচনার মধ্যে নানা প্রসঙ্গের উল্লেখ ও আভাস গ্রথিত করিয়া দিতে পারিতেন।

আর সত্যেন্দ্রনাথ ছিলেন ছন্দ-সরস্বতী, নানাবিধ ছন্দ-রচনায় ও উদ্ভাবনে তিনি অপ্রতিদ্বন্দী ছিলেন।

সত্যেন্দ্রনাথের সাহিত্য-সেবায় একটা নিভীক সত্যানিষ্ঠা ছিল। সেই সত্যের অমুরোধে তিনি স্পষ্টবাদী বীর ছিলেন। তাঁহার আদর্শ ছিল বাস্তব ও বিজ্ঞান-সম্মত—সেই আদর্শকে তিনি তাঁহার কবি-হৃদয়ের সূক্ষ্ম অল্পভূতি দ্বারা ভাষায় ও ছন্দে সুপ্রতিষ্ঠিত করিয়া ছিলেন। অতি উচ্চ সূক্ষ্ম কল্পনা অথবা অবাস্তব সৌন্দর্যের মোহে তিনি এই বাস্তব হইতে কখনো দূরে সরিয়া যান নাই। তিনি তাঁহার ছন্দ-সরস্বতীকে নানবের বাস্তব ইতিহাসের সর্বদীন প্রগতির অধিষ্ঠাত্রী দেবতারূপে বন্দনা করিয়াছেন।

সত্যেন্দ্রনাথের সাহিত্য-প্রেরণার আর-একটা দৃঢ় সম্বল ছিল—মাতৃভাষার প্রতি অসীম প্রগাঢ় অমুরাগ। প্রাচীন-বাংলা-সাহিত্য ও প্রচলিত ভাষা হইতে আশ্চর্য্য অধ্যবসায়ের সহিত তিনি খাটি বাংলা বুলিকে উদ্ধার করিয়া তাহাকে তাঁহার রচনার মধ্যে দিয়া পুনঃপ্রতিষ্ঠিত করিতে চাহিয়াছিলেন। তিনি সেই বাংলাদেশের নিজস্ব বাগ্‌ধারাকে ও সেই ভাষার ধ্বনিকে অফুরন্ত ছন্দ-ঝঙ্কারে বাজাইয়া তুলিয়া নূতন ছন্দ-বিজ্ঞান সৃষ্টি করিয়া গিয়াছেন। এই ভাষা ও ছন্দের সৃষ্টিই তাঁহার কবি-প্রতিভার সর্বাপেক্ষা মৌলিক কীর্তি। খাটি বাংলা ভাষা ও সেই ভাষার ছন্দকে উদ্ধার করিয়া তাহাদের সমৃদ্ধ করিয়া তোলাই যেন তাঁহার জীবনের ব্রত ছিল।

বদেশের প্রতি তাঁহার অসীম মমতা ছিল। বর্তমানের যাহা কিছু অদৃশ্য ও অসত্য, যাহা কিছু ভীকতা ও জড়তা, যাহা কিছু ক্ষুদ্রতা ও মূঢ়তা ছিল তাহাকেই কঠিন খিক্কার দিতে ও বিদ্রূপ করিতে গিয়া তাঁহার বাণী বেদনার আলায় বিষাক্ত হইয়া উঠিত আবার অতীত ও বর্তমানে যাহা কিছু মহান ও সুন্দর, ভবিষ্যতে যাহা কিছু মহান ও সুন্দর হইবার সম্ভাবনা দেখিতেন, তাহাই

## কবি-পরিচয়

তাহার বর্ষস্পর্শ করিত, এবং তাহার বন্দনা-গানে তিনি আত্মহারা হইয়া পড়িতেন।

কবি সতেজনাথের স্বদেশের প্রতি দরদ এত প্রবল তীক্ষ্ণ ছিল যে তিনি পৌরাণিক ও ঐতিহাসিক কাহিনীর অন্তরালে এমন কি প্রাকৃতিক দৃশ্য বর্ণনা উপলক্ষ্য করিয়াও দেশের অবস্থা দুঃখ দুর্দশা এবং আশা আকাঙ্ক্ষা প্রভৃতি প্রকাশ করিবার সুযোগ পাইলে ছাড়িতেন না এবং এই প্রকার রচনায় তাহার একটি বিশেষ অনন্ত-সাধারণ নিপুনতা ছিল। এইরূপে তিনি বহু কবিতা রচনা করিয়া গিয়াছেন যাহাদের অন্তরালে কবির হৃদয়-বেদনা অথবা আনন্দ ও আশা প্রচ্ছন্ন হইয়া রহিয়াছে। দরদী সন্ধানী পাঠক-পাঠিকা একটু অস্থাবন করলে ইহার পরিচয় পাইবেন।

এমন কবির অকাল তিরোধানে বঙ্গসাহিত্যের যে অপরিমেয় ক্ষতি হইয়াছে তাহা কবি কীটসের অকাল বিয়োগের ত্রায় চিরকাল কাব্য-রসিকদের দীর্ঘনিশ্বাস আকষণ করিবে।

---

# অভিনব সংস্করণ

## কবি সত্যেন্দ্রনাথের পুস্তকাবলী

**কুহ ও কেকা**—( ৭ম সংস্করণ ) উপহারোপযোগী শ্রেষ্ঠ পুস্তক । ভাল কাগজে চমৎকার ছাপাই । বসন্তের মঞ্জু-রাগিণী ও ঘন বর্ষার মেঘনল্লার-হিল্লোলিত কাব্য-গ্রন্থ । প্রবাসী পত্রের সংগৃহীত ভোট অল্পমারে বঙ্গভাষার একশত শ্রেষ্ঠ গ্রন্থের অন্ততম । পরিশিষ্ট চারুচন্দ্র বন্দ্যোপাধ্যায় এম-এ বিরচিত কবির জীবনী ও কাব্যাংশের টীকা-টীপনী সম্বলিত ।—দাম সাড়ে তিন টাকা ।

**অত্র-আবীর**—( তৃতীয় সংস্করণ ) উপহারোপযোগী শ্রেষ্ঠ কবিতা পুস্তক । ‘ইজ্জতের জগু’, ‘নূরজাহান’, ‘মহাসরস্বতী’ প্রভৃতি শতাধিক মৌলিক কবিতা আছে । দাম সাড়ে তিন টাকা ।

**বিদায় আরাতি**—( অভিনব ৪র্থ সংস্করণ ) সুদৃশ্য প্রচ্ছদপট-পরিশোভিত । কবির বহু প্রসিদ্ধ রচনা-সংগ্রহ ।—দাম তিন টাকা ।

**বেলাশেষের গান**—( ৪র্থ সংস্করণ ) সুদৃশ্য প্রচ্ছদপট-পরিশোভিত বিখ্যাত কবিতা-গ্রন্থ ।—দাম তিন টাকা ।

**ভীর্থ-সঙ্গিল**—( নূতন সংস্করণ ) জগতের সকল দেশের সকল কালের শ্রেষ্ঠ কবিদিগের সকল ভাবের রচনার কাব্যানুবাদ । কবিত্বের ও বিত্তাবতার পূর্ণ পরিচয় ।—দাম তিন টাকা ।

**ভূমির লিখন**—( ৩য় সংস্করণ ) কবিতায় গল্প । মানব-হৃদয়ের সূক্ষ্ম চিত্তবৃত্তির মনোরম ছবি । নূতন ধরণের কবিতার বই ।—দাম দেড় টাকা ।

**ভীর্থরেণু**—( নূতন সংস্করণ )—“তোমার এই অনুবাদগুলি যেন জন্মান্তর প্রাপ্তি—আত্মা এক দেহ হইতে অন্য দেহে সঞ্চারিত হইয়াছে,—ইহা শিল্পকাব্য নহে, ইহা সৃষ্টিকার্য্য ।”—রবীন্দ্রনাথ ঠাকুর । দাম তিন টাকা ।

**বেণু ও বীণা**—( অভিনব সংস্করণ ) “ভাবে, ভাষায়, অলঙ্কারে, ছন্দে, স্বরুপে কবির অন্তর্দৃষ্টির পরিচয় এ গ্রন্থে পদে পদে ।”—বঙ্গবাসী । পড়িয়া মুগ্ধ হইয়াছি ।”—প্রবাসী ।—দাম সাড়ে তিন টাকা ।

**যুগের ধোঁয়াস**—( নূতন সংস্করণ ) শ্রেষ্ঠ নাটিকা ।—দাম দুই টাকা ।



|

|







